




BIBLIOTECA NAZ.
Vittorio Emanuele III

XXV

C

36

NAPOLI



XXV

C

36



EFFIGIES

CONTRACTA

ROBERTI FLVDI

*In lucem producente J. à S. Iusto
Theologo Segusiano.*

Agnitio vultus eorum respondebit eis. Isa. 32.



LVTETIÆ,

Apud GVILLIELMVM BAVDRY,
viâ Amygdalinâ, propè Collegium
Grassinorum.

M. DC. XXXVI.

PROGRAMMA FLVDANVM
ex Isaia 5.

Væ qui dicitis malum bonum, & bonum malum, &c.

Antiprogrammâ ex Psalmo 49.

Si videbas furem, currebas cum eo, & cum adulteris portionem tuam ponebas.

Os tuum abundauit malitiâ, & lingua tua concinnabat dolos, &c.



RAI ET I

UNIVERSITY OF LEUVEN



CLARISSIMO VIRO D.

D. DOZAMO

COMITIORVM TECTOSAGVM

Fidelissimo Commentariensi S. P. D.

I. à S. Iusto Theologus.



*Q*UAM vides pro *ve-*
ritate Catholica De-
fensionem, Vir eru-
ditissime, si probaue-
ris, erecto capite petit
Angliam quam facile sim electurus
in Iudicem litis & causæ, quâ fieri
nequit ut cadamus, nisi libertas ipsa
perierit, atque his omnino spoliemur
dotibus, quæ Dei nobis imprimunt
imaginem, & ipsius sacrosanctæ
Trinitatis caractere mentes nostras

exornant. Hanc igitur è nostris mani-
bus eâ fronte, eôq; animo excipies, qui-
bus illam tuo Nomine cohonestamus,
alias maiora, si Deus dederit, susceptu-
rus. Nullus verò dubito, quin istâ cum
veritatis tum falsitatis Effigiem li-
bentissimè perlegas, cum eam scripse-
rim, Ut ostendam quanto iure vir ille,
quem audio te tanti facere, aduersus
armigeri dogmata, & errores, hoc præ-
sertim seculo propemodum incredi-
biles, insurrexerit. Hoc igitur Opus-
culum Nomini tuo nuncupatum, me æ
erga te propensionis Symbolum esse ve-
lim, quandiu Deum veneror te bonis
litteris seruet incolumen.



ANTELOQVIVM.



LIQVOT ab hinc annis, dum Lugduni degerem, consultus ab ingenuo adolescente, num Robertus Flud esset orthodoxus, ego, qui nihil de tali auctore audiueram, afferri ad me librum curavi, qui titulum historiae Macrocosmi præferebat, viso nomine auctoris Oxoniensis hominem esse professionis Lutheranae suspicatus sum: sed an esset de numero illorum Medicorum, quorum a tituli remedia habent, pixides venena, ut ait Seneca apud Lactantium, non detexi, donec peruoluta historia Physicâ, eius doctrina mihi visa est sapere Manichæismum, qui, ut ait b Serapion, est extrema impietatis abortio, quæ omnes aliorum improbitates exterminavit, & in profundis posuit. Cum autem talis liber repeteretur, bibliopolam adiui, & inter alia opera Fludi reperi illud, quo ceramen indicit Marino Merfennio viro de

a 3. in-
sit. c. 29

b ro 4,
Biblio-
teca
Patrū.

Anteloquium.

Republ. literaria meritissimo, quantum-
uis cum spernat Fludus, qui vtpotè Py-
thecium nō nisi propria æstimat, ^c *Alunt*
^c *Syne-* enim simias intentis oculis in catulos, postquam
^{siusep.} pepererunt, tanquam sacras imagines intueri
^{1.} admirantes ob pulchritudinem: usque adeo na-
tura liberos amat: fœtus autem aliarum simia-
rum quales sunt, cernunt.

Dubius hæsi an responderem stulto
secundum stultitiam suam, quod æquum
^{ad} est. ^d eleganter enim (si paulisper io-
^{6.1.} cari licet cum Io. Grammatico dicto Phi-
lopono in Procli argumenta de mundi
æternitate) sapienti Homero dictum est,

Talia dicentur tibi, qualia dixeris ipse:

vel quod idem est, cum sene ioculario
Abderitano, nempe Democrito apud
^c *Clementem Alex.*

Quod verbum edideris, et tale audire necesse est.

Verum quod potuisset alium impellere,
meipsum retardavit, nempe conuitio-
rum plaustra, quæ in aduersarios deone-
rat, ^q quod non est disputatoris, sed ple-
^{Fori-} beium & indignum Philosopho vitium.
^{genes 1.}

^{contra} Contradicentem enim docere oportet,
^{Celsū.} non contradicendo compescere; nam
neque insano, si vicissim insaniat aliquis,
medebitur, ait Antisthenes apud Sto-
bæum. Accedit quod comperi per cer-
tos punctos esse aliquos Parisiis, qui talis
certaminis alogiam scribendam suscep-
rant. Præterea videbam me habere rem

Anteloquium.

cum ingenio versatili

Quo teneam vultus mutantem Protea nodo?

sum circa da loquaci & locutulecio, cuius

^h Verborū non stilla cadens, sed flumen inertū. ^h Ele²

Illi non deerunt verba, ne nihil respon^{ms} su-

disse videatur: nam, vt ait ⁱ D. August.^{pra.}

Facile est cuique videri respondisse, qui tacere ⁱ 1. 5. de

noluerit: aut quid est loquacius vanitate, que ^{ciuit. c.}

non ideo potest quod veritas, quia si noluerit, ^{27.}

etiam plus potest clamare quā veritas? Nemo

igitur existimet, quod possit omnino

Fludi latratum cōprimere, qui nimirum

Tantologus se habet vt ¹ canes voraces, ¹ Philo²

qui, cū os aliquod apprehenderint, ab^{ponus}

eo ægrè diuelluntur. Et in hoc ab inge- ^{ad 18. 1.}

nie hæresis non abludit Fludus, quæ ve-

lut quædam hydra fabularum vulneri-

bis suis creuit, & dum sæpe rescindi-

tur, pullulauit igni debita, incendioque

peritura. Sibilant enim aduersum nos

^m hæreses linguis feralibus, & virus le- ^m Di-

thale iaciūt, & sectis capitibus renascun- ^{us Am-}

tur: sed quia resurgente morbo, non de- ^{brof. 1.}

bet cessare medicina: & quanto maior ^{de fide}

fuerit ægritudo, tanto instantior debet

esse curatio; orandus est Deus vt Hercu-

lem suscitet, qui fortitudinem belli ar-

met arte consilij, & admotis ignibus

multiplicem portentosi corporis par-

tem feruenti gladio defecet: ac sic am-

bustis intrinsecus medullis dum rebelles

venas improbæ fœcunditatis exurit, tan-

Anteloquium.

dem parturitio monstrosa cesset. Potens est enim Dominus Deus noster, ut quod de morte hydræ illius Gentilium falsitas finxit, hoc in Ecclesiarum bellis veritas peragat, & ignitus spiritus gladius, ita in extinguenda nouella hæresi veteres renouante, & Deum monstrorum moralium scilicet peccatorum auctorem esse blasphemante omnes penitus medullas perniciosæ generationis exuat, ut tandem prodigiosa fecunditas emorientibus venis parere desistat.

Redeo ad Fludum, qui est fertilior damnis suis, & fecundior æoni Valentini serophâ, cuius fœtus singulis fere nundinis Francofurti prostant, vbi non discernuntur spurij à legitimis, sicut olim o. fœbata Rheno.

Hæ sunt rationes, propter quas statua, quam meruit Fludus siue ut Medicus, siue ut Armiger, flosculis exornata, quos ex operibus eius, quæ extabât, legeram, non fuerit erecta. Postea cum aduersarij armigertum debellassent, Antæus qui habet humeros Atlânicos, qui est eius thraconismus, viribus resumptis in eos insurrexit, & suos errores ut potuit, tutatus est. Quare iterum penicillum resumpsi, ut effigiem eius, quam apud me inclusam tenebam relinerem, si fortè aliquis color excidisset. Iisdem tamen de causis appendix non est typis excusa, donec tandem

n Cas-
sius.
de In-
carn.

o Ter-
tull. 1.
contra
Marc.
c. 5.

Anteloquium.

victus amicorum precibus acquieui, ut
 in lucem ederetur. Me mouit quidem
 causa Mercenni, sed penitus incitauit
 causa Dei & proximi, huius quidem ne
 erroribus Fludus inficeretur, illius verò
 ne eius gloria obscuraretur, & aliquo
 modo os loquentis iniqua obstrueretur,
 ut mendacium profligaretur, veritas pro-
 pugnaretur præsertim summa, nepe Deus,
 cui aliquid simile faciunt homines, cum
 veritatem exercent, ut respondit Pytha-
 goras interrogatus. *p. Ceterum magi ma-* *p. Iulia-*
ximum Deorum, quem Oromagdem vocant, *nus ep.*
corpore quidem asserunt esse luci similem, anima *ad Ma-*
veritati. Sed quis magis obtenebrare hanc *ximum.*
 lucem, & exterminare conatur hanc veri-
 tatem, quam Fludus? qui impius in om-
 nium rerum parètem atrocissima & dia-
 bolica conuitia iniecit, & apud homines
 calumniatus est. Diabolica, inquam: nam
 ut fert Diaboli *q* etymon, ita dictus est, *q. Casa-*
 quòd de Deo falsum detulerit apud pri- *is dia-*
 mos parentes, *Primò*, inquit Tertullia- *logo 1.*
nus, quòd de Deo illos ex omni ligno edere no- *qu. 44.*
luisset, dehinc quasi morituri non essent, si edis- *Tertul.*
sent, tertio quasi Deus illis inuidisset diuinita- *2. cōtra*
tem: & addit quòd malitia mendacij & *Marc. c.*
 fallaciæ in homines, & infantiæ in Deum,
 non est à Deo. At nunquid Fludus infam-
 at, & sycophanta, & delator est apud
 totum genus humanum, dum ait Deum
 esse causam omnis mendacij, & omnis

Anteloquium.

peccati in quo mendacium. Non conqueratur ergo Fludus si æquo animo non potui iustinare ipsum malè loqui de Deo nostrum omnium communi parente, nec dicat me parum memorem dicti Antisthenis *supra*: nam doceo si vellet discere; non contradico, sed ipse sibi.

æ Theod. r Falsitas enim non modo ipsi veritati, *form. 5.* sed sibi quoque ipsi contraria est, nec vo- *contra* cet ea, quæ produco contra ipsum, con- *Gracos.* uitia, nisi fortè putat speculū esse conui-
tiatorem, eo quod vultū cum nūvis, dum
sunt representat: nam doctrina est spe-
culum morum, & sermo est operis ym-
bra, ait *r* Democritus. Quanta autem
sit blasphemia & impietas dicere Deum
scelerum executorem immo, & quo-
cunque modo auctorem, hinc patet
quod etiam pudet aliquos Calvinistas,
vt videre est ex Becano agente de Deo
Caluini, & confligente cum Paræo.
Patet etiam ex eo quod deuoluat ad A-
theismum, quod falsus est *r* Natalis A-
theus Metis capite plexus, qui moriēs di-
xit se inductū ad Atheismū ex eo articulo
Caluiniano quod Deus sit auctor pec-
cati, & reprobet ante omne demeritum.
Malebat enim, inquebat, adorare Satur-
num filios deuorantem, Iouem adulte-
rum, Bacchum ebrium, Mercurium fal-
laciem, vel nullum credere Deum, quàm
credere Deum auctore ruinae suae crea-

*æ Costo-
nus in
Geneua
plagia.
esa de-
prauat.
82.*

Anteloquium.

turæ: & tamen audet Fludus dicere honestatem conciliari actioni prauæ à Deo prodeunti, eo quòd cedat in eius gloriam: Sed vt in simili dixit Cassianus ^{u 7. de} " Dei nomen obiiicit, vt Religionis no- ^{Incarn.} mine mentiatur, sancta promittit vt peruersa persuadeat, qui Dei sanctitatem de medio tollit. Consultius dicit Diuus Anselmus, ^{x lib. 1.} " si Deus velit malum, non se- ^{Deus} qui vt id fiat bonum sed potius cum qui ^{homo c.} sic velit, non esse Deum. Parum erat Fludus destruere Dei sanctitatem moralem, nisi etiam euertisset Dei sanctitatem physicam, vt videre est extract. 1. Microcosmi sect. 1. lib. 4. cap. 2. vbi ait, *Vnde patet quòd Deus se multiplicet toti s quoties persona recensentur in Trinitate sacrosancta, vt integra mundi materia vertatur in essentiam eius diuinam.* Vnde trahat istud corollarium modò non memini, neque video quomodo ista còuersio sequatur ex eo quòd in Deo sunt tres personæ, sed in eo quòd dicit Deum se multiplicare, statim apparet Arrianismus & Trithëismus. Liceat enim in Deo sit Trinitas, non tamen multiplicitas, nec triplicitas. Vnde malè audit propterea Sallustius ille qui versibus Gallicis mundi Cosmopœiam decatauit, dum initio dixit de Deo quòd est triplex vnus, cum debuisset dicere Trinus vnus: vbi enim multiplicatio, ibi diuisio naturæ; & si Deus multiplex, non igitur vnus,

Anteloquium.

nec simplex: quantum ad mutationem clarum est, ibi enim conuersio, ibi mutatio; non tantum eius quod conuertitur, sed etiam illius in quod conuertitur: sic dum alimentum vertitur in substantiam aliti, non tantum alimentum mutatur, sed etiam id quod alitur, cum acquirat aliquid de nouo: qui error similis est Eutychianismo: Nam Eutyches, & alij de quibus S. Cyrillus Alex. initio lib. de re-cta fide ad Theodosium, dixerunt carnem fuisse conuersam in Diuinitatem, & in tali errore fuisse Monophysitæ videntur, qui, teste Anastasio *y* Sin. offerebant vinum sine aqua, quo iudicabant Christum ab omni corporis & animæ concretioneliberum ex sola, nudaque diuinitate constare: nempe putabant in Incarnatione humanitatem fuisse absorptam à diuinitate: eisdem erroribus aggregat Ioannem Langum *z* Genebrardus: prædictis Christiani nominis probis præluxerunt Stoici, qui reprobante Plutarcho libro de communibus, contra eos notionibus arbitrati sunt Deos minores in Deum magnum conuerti: Diuinam præterea immutabilitatem concutere ex aliis principiis ostendo in decursu, & alia Dei attributa, & consequenter euertere diuinam naturam, quæ eadem est cum suis attributis.

Accedat quòd in fatarijs agnoscitur

y Sin-
200.

z in ex-
posit.
symboli
Arka-
nasis n.
33.

Anteloquium.

quoddam genus Atheismi, si verum est
quod ait ^a Isidorus Pelusiota, *si Deus est*, ^{a l. 3. ep.}
fatum non est: & per consequens, si fatum ^{191.}
est, Deus non est: quam consequentiam
etiam trahit ^b Euseb Cæsar. *Qui fatorum*; ^{b 6. pra-}
inquit, necessitatem esse credit, is aperte Deum par. c. 5.
& providentiam negat: veluti e contra qui
Deum uniuersis præesse putat, vim fatorum
omnino destruit. At Fludus admittit fatum
Stoicum & Calvinianum, dum ait Deum
nos adigere ad scelera, immò solum ea
operari. Admittit etiam Astrologicum
cùm doceat astra imponere necessitatem
in vitiis, & est de genere eorum quos vo-
cat æruscatores antiquus Philosophus
Arelatensis ^c Phauorius, contra quos ^{c Tell.}
infert homines non fore *ἀνάγκη ἔσθαι*, sed ^{l. 14. c. 1.}
ludrica & ridenda *ἀνέγκαια* (vel potius ^{dl. 7.}
ἀνεγκαια, vt legit ^d Rhodiginus in anti-^{16.}
quis lectionibus, stellis aurigantibus) ex
quo patet quantā Deo & homini iniuriā
inferat, Deo quidem, cui scelera adscri-
bit, quod ne aures quidem nostræ ferre
debeat, vt monet ^e Nemeseus: homini ^{e l. de}
etiam quem libertate spoliāt, vniuersam ^{homine}
etiam hominum vitam euertit, vt ait Eu-^{c. 39.}
sebius *supra*. Sed maior iniuria Deo irro-
gatur in primo, quàm in secundo: cùm
isto admissio tantum remotè Deo pecca-
ta tribuantur: Siquidem, ait ^f D. Augu-^{f in ps.}
stinus, quòd illi qui refundūt peccatum
in fatum, per circuitum volunt perueni-

Anteloquium.

re ad Deum accusandum, qui volunt de compendio venire ad Deum placandum, puta quia fatum sunt stellæ inferentes necessitatem: stellæ autem à Deo factæ sunt, & ordinatæ in suo situ & motu.

Hæc pauca de religione Fludi, qui valde est religiosus, & magnam sibi videtur assumpsisse Religionē, si nullā respuat falsitatem: est enim ei valde indifferens cuiuscūq; sit Religionis, modò sit de Cōfraternitate R, C, & putat se posse sociare agnos cum lupis, dum fidei tunicam inconsutilem dilacerat, vt vocat Philo Carpath. ad 4. in Cant.

h Euseb. 15. præp. c. 4. h Nalla fides homines inter sanctosque leones: Nunquam agni, atque lupi sensu dicuntur eodem.

i orat. contra idola versus finem. Et sicut i multitudo numinum, quæ vera sint, nullitas numinum est, ait Athanasius; ita multitudo Religionum oppositarum quæ veræ sint, nullitas Religionum est, nam ex duobus de Deo diuersa sentientibus necesse est vnum falli & proinde colere Deum, qui non sit verè Deus: sic qui existimat Deum esse auctorem peccati, est idololatra, qui idolum mentis adorat; est dæmonicola cum Diabolus, & non Deus impellat ad peccata polluiamur ista dicentes, vt loquar cum Cyrillo Hieros. Catech. 6. ne autem aliquis eorum qui legunt, in sordes eiusmodi incidat, id confert: multo enim

Anteloquium.

mellius est in reprehendendis aliis audire absurda, quàm ex inscitia in ea incidere.

Quantum ad meum modum procedēdi in hac confutatione is est qui decet Philosophum, cuius non tantum dicta esse breuia oportet, sed etiam breues esse syllabas si fieri possit, ut vult ¹ Zeno Citti-

cus: tum quia non sum tam fœcundus ac

¹ Laertius c. 7

Fludus qui suos libros infarcit testimoniis Scripturæ sacræ ad prauum sensum detortæ, ut proinde de eo dici possit,

quod ^m Porphyrius de Cronio Pythagoreo Homeri interprete, dixit, *Non tam se ad Poëtæ opiniones, quàm Poëtam ad suas accommodare nititur.* Nec mirum

^m Stobæus in
Eglogis
eth. c. 12

est si Fludo sit tam numerosa proles nam utpote plagiarius alienos fœtus abigit:

si est tam diues: nam est effossor sepulchrorum: si quidem ⁿ scripta sunt mo-

ⁿ Theophrastus
mistus
orat. 13.

numenta scribentium, in quibus eorum reliquæ seruantur. Vfus sum San-

ctorum Patrum testimoniis, quos scio magni fieri à Catholicis ^o ab illo-

^o Anastasius
1. de
fidei dog
mat.

rum si quidem laboribus quasi ex prædi-

uite vena cuiuspiam fontis modicus hic humor scaturiuit: & ex perenni flu-

uio tenuis hic exiliuit defluxus. Scio quod Fludus paruipendit eorum aucto-

ritatem, sed plaris facio id quod ait Cæsarius frater Nazianzeni dialogo 1. ad

qu. 1. cuius testimonio tanquam regali quodam annulo hanc præfatiunculam

Anteloquium.

obsignabo, Non quadam propriè mea, leuiâ-
que proferam, sed quacunque clarorum, beato-
rumque Patrum pratæperagrans de illorum ro-
seto collegi: quorum rosa aqua latere Dei ac
Verbi quod carnem assumpsit, manante rigan-
tur, & à iugi indidem orti riuo, rubro colore
tinguntur, totumque mûdum suauis odoris fra-
grantia replent, qui & splendore suo firma-
menti luminaria vincunt, & vita sermonem
continent, quorum ellychnium nunquam de-
cidit, & lucerna non comminuitur, &
oleum non absuitur, & lampas non quassa-
tur, & flamma non extinguitur: nam crucem
gestant pro virga, Euangelia pro pera, charita-
tem pro pedo ac fistula, quibus omnibus Christi
gregem rationis participem pascunt.



CONFVTATIO DOGMATVM ROBERTI FLVDI.

Flud multicolor. §. 1.



LVD in aliquo suorum operum externam sui figuram imprimi curauit, ex qua, vt verosimile est, vult per coniecturam physiognomicam ferri iudicium de ingenij excellentia. ego habeo exemplar expressius, ex quo eius animum depingam (non enim nouum est animum pingere. hoc enim primùm fecit Aristides teste Plinio lib. 35. cap. 10.) quod mihi subministrat ipse Fludus. Est enim quoddam speculum morum agentis oratio: nec maius potest esse mentis testimonium, quàm qualitas inspecta verborum, ait Cassiodorus lib. 5. variarum epist. in 22. incipiam autem more solito pictoribus, à crassioribus lineamentis, & coloribus colores magis floridos inducam,

A

2 *Confutatio dogmatum*

quos petam ex diuersis locis operum eius, quæ raptim percurri. est enim otiosorum & curiosorum in lectura eius nugarum absumere turpiter æuum. & nequidem attigissem, ni ausus esset aggredi Mersennum, de quo conqueritur, aut aliquis è Symmisticis & gregalibus, quod atro & coruino colore depictus sit ab eo. Et fortè non ita malè quis eum pinxerit, siue quia ponit tenebras latibulum suum, & velut Cacus in antro fratrum Crucis Rosæ delitescit. siue quia vt Græcis est in prouerbio κόλαξ ὅτι κόραξ, & ipse initio operum suorum adulatur principi suo, quem falso titulo Regem Galliæ facit & Ecclesiæ primatem, & caput supremum post Christum. Verùm quia hic error est illi cum aliis Anglis communis, & color ater non placet Fludo, & oppositus non conuenit, quia dolus inuentus est in ore eius, est maculis & mendaciis refertus (mendacium autem secundum Theodoretum 1. de prouid. est multiplex ac varium, sed veritatis gratia est simplex) idcirco malo eum pingere multicolorem. Hoc vnum me anxium habet, quod fluctus non est tenax colorum. Attamen sicut polypus pro varietate petrarum quibus adhæret, nunc hunc, nunc illum induit colorem, ita fluctus siue è vicino littore, siue ex arena subsidente vt dicitur de mari Erythræo, siue in modo quo Iris mille trahit varios aduerso sole colores.

Multicolor inquam est Fludus, siue spectes eius vitæ institutum: est enim togatus & saga-

us; oplomachus, & ophthalmicus. Siue mo-
 es: est enim mendax, & inconstans. Siue do-
 strinam: est enim Cabalista, & Alchimista. Est
 Astrologus & Magus; Chiromanticus &
 Geomanticus; Deïsta & Atheïsta; est Luth-
 ranus, Manichæus, Caluinista, Priscillianista,
 Sophista, Tautologus, Stultiloquus, Plagia-
 rius. His paucis, vt verbis Cassiodori vtar l. de
 anima cap. 2. editum est quasi parturiale
 ouum, vbi vitæ futuræ auis, pennarumque
 grata varietas continetur. Nunc aperiatur
 in partes, quia hominum consuetudo est fa-
 ciliùs discere quæ diuisa possunt euidentius
 clucere.

Flud Sophista arrogans. §. 2.

VÆ qui sapientes estis in oculis vestris, Isaia 5.
 hæc est pars programmatis Fludani. In-
 super Fludus parum memor sui in ipso operis
 vestibulo, quo impetit Mersennû, ei imponit,
 quòd opinatus sit acquirere titulum Sapien-
 tis solius & summi, cui statim vt sæpe aliàs
 suggerendum est illi, *M edice cura teipsum*. Et
 vt semel dicam, quàm absurdum est quòd pa-
 pulas quis obseruet alienas ipse obsitus vlce-
 ribus, næuos aut verrucas derideat, quem
 fæda scabies depascitur. Verba sunt Seneca
 lib. de Vita beata, cap. 27.

Iam quòd Fludus sibi nomen sapientis ar-
 roget, immò sapientiæ, quod est intolerabilis

arrogantiæ (cùm soli Deo competat quòd sit ipsamet sapientia) patet vel ex epigraphæ illius operis in quo Sophiam cum moria committit, id est seipsum cum Mercurio. Sed eius Cenodoxia alia argumenta producamus. Ac primum, ad quid tot scientiarum farrago quas assuit suæ historiæ Physicæ tam microcosmicæ, quàm macrocosmicæ, nisi ut appareat πολυμαθὴς? Præterea vtingenij promptitudinem ostendet in demonstratione analytica contra Keplerum ad tex. 1. ait se inchoasse primum volumen microcosmi anno 1618. circa festum S. Michaëlis, & solis lucubrationibus nocturnis absoluisse ante Quadragesimam eiusdem anni. An ira sit, Flude, fides sit penes te. quòd autem ita sit, non est mihi ita persuasum difficile. nam & tua tautologia, & antilogiæ hoc testantur. non attendisti quòd id, ex quo gloriolam captare conatus es, tibi in opprobrium cedit, qui more canis parere festinantis tuos fœtus cæcos & informes in lucem edis, ut est in proverbio, cuius meminit Themistius orat. 14.

Alterum non leue arrogantia signum est, quòd etiam sanctos Patres aspernatur. sic D. Damascenum stultitiæ & vanitatis arguit in mereorologia l. 4. membro 1. c. 5.

Accedit quòd eodem spiritu ductus, amplios, magnificos & speciosos titulos suis libris præfigit. Video quorum exemplo nempe eorum, de quibus loquens D. Hilarius 6. de Trinit. ferè initio ait; *Ingerunt nobis præmium nomi-*

ia veritatis, ut virus falsitatis introeat. Bonum in
 re est, ut de corde malum subeat. Propter quod
 D. Aug. agens contra Manichæos talia facti-
 antes, lib. contra epist. Fundamenti cap. 11.
 ut isto velamine quoslibet errores fucari pos-
 se, ut imperitorum animis per ornatā ianuam
 atenter irrepan. Sic olim Christiani nomi-
 nis infensissimus hostis Celsus Philalethes vo-
 uit dici. Sicut & Hierocles apud Eusebium
 qui illum confutat, eò quòd ausus sit Apol-
 lonium Thyanæum Christo comparare. Sic
 Seuerus vnus ex Acephalis librum quendam
 veri amantem inscripserat, teste Anastasio Sin.
 in *ἐκκλ. ἱστ.* cap. 6. Et alius apud Lactantium li.
 5. cap. 3. cū veritatem penitus excidere con-
 nixus esset, ausus est libros suos nefarios, ac
 Dei hostes *φιλανθεῖς* annotare. Ita nostris tem-
 poribus Lucilius Vaninus Atheus Atheis cer-
 tamen indixit. cuius exstat liber quidam Lug-
 duni impressus cum hoc grandicreπο lemma-
 te, *Amphibeatrum aterna providentia diuino-
 magicum Christianissimum, Astrologocatholicum,
 aduersus veteres Philosophos, Atheos, Epicuro-
 ripateticos & Stoicos.* Ingressit itaque Flud no-
 men Sophiæ, ut facilius venenum stultitiæ in-
 traret. Artexuit alteri opusculo nomen sum-
 mi boni, ut summum malum subiret. Præten-
 ditur Lydius lapis, ut petra scandali tégatur.
 Videlicet homo subdolus voluit lupum sub
 ouis pelle celare, ut fallaci titulo posset irre-
 rre Lectorem, ut in simili loquitur Lactan-
 tius *suprà*.

Flud barbarus, & tenebricosus. §. 3.

SEd quandoquidem Flud Sophos vult audire & Sophista dici, Sophista dicatur. Nā & Philosophiam Gallias peragrans venalem habuit. Si tamen debet dici Philosophus & non potius Philologus, vel Logophilus, si distinguuntur, vt distinxit Zeno apud Stobæum ser. 36. verum hic color seorsim est inducendus & prius in proposito insistendum, & ostendendum in quo Flud ab iis qui dicti sunt Sophistæ, deficiat quantum ad ornatum & nitidum loquendi modum. Nam Sophistæ dicti sunt qui primùm Philosophi, deinde se contulerunt ad orationes declamandas. Eo modo Themistius Euphrades Sophista audiebat. Eo modo inter Sophistas relatus est Dio Chrysostomus à Philostrato in vita Sophistarum.

Ac primùm quantum ad incultam barbariem dicendi Fludi quid attinet dicere, cùm ipsemet hoc agnoscat. Audi aliquas eius elegantias *manna abscondita* lib. 2. certam. pag. 57. *Laurena Principes* sect. 2. microcos. port. 3. l. 1. c. 1. *marcellia* & *marcellia* ibidem. Quanquam quòd Mitylenem vel Mitilenam cum Melita confundit, ad ignorantiam pertinet. *Nemosis* & *Languidochia* sect. 1. microcos. l. 9. c. 5. mitto alia quæ posset refundere in Typographum vt epist. dedicat. anatomix *chaos & tenebrae* in

Scriptis tuis agnouissis, & dum 4. de microcos. c. vlt. & 3 certam. c. 2. ait vitam & esse suam. Sed fortè Flud ita loquitur claritatis ergo. Si ita est cur non dixit nisma potius quàm nemossis. vel quid amplius claritatis est in nemossis quàm nemanusi. vel cur non potius dixit melitam vel maltam, quàm mitylenam?

Sed quid Flud alicubi est tam sollicitus de claritare, qui passim quærit latebras & antrum Heraclitæum, similis illi medico, qui ut Tullius refert 2. de diuinat. præcipiens ægroto ut fumeret cocleam siue testudinem, dicebat, sume tibi terrigenam, herbigradam, domipartam, sanguine cassam. Quibus eius obscuritatem depingam verba non habeo expressiora, quàm ea D. Hieronymi aggredientis Iouinianum. *Scriptorum, inquit, tanta barbaries est, & tantis vitiiis spurcissimus sermo confusus, ut nec quid loquatur, nec quibus argumentis velit probare quod loquitur, potuerim intelligere. Et post multa concludens. Furiosæ Apollinis vates legimus: & illud Virgilianum, dat sine mente sonum. Heraclitum quoque cognomento οχρεϊνὸν sudantes Philosophi vix intelligunt. Sed quid ad nostrum αἰνισματῶν cuius libros multò difficilior est nosse quàm vincere. Vnde autem Fludo obscuritas tanta, qui tam humili & pedestri stylo incedit, an ex frequentibus antilogiis? an ex battologia, quæ alioquin deberet perspicuitatem asferre? an quia plus sapit quàm oportet sapere; & superiora se scrutatur, & ne nihil dixisse videatur, verborum ambagibus Lectorem*

eludit, & sub iis latibulum quærit deficientibus rebust

Flud vanus battologus, tautologus-
que. §.4.

VTres quidem inanes spiritus distendit, stultos autem opinio, dicebat Socrates apud Stobæum ser. 21. simili dictorio sui temporis Philosophos infectatur Timon vt refert Theodoretus in Therapeutica serm. 2.

O vtres animi sensus quos implet inanis.

Flud philautia laborans & propria opinione velut vento inflatus, magno impetu verborum flumina volvit. De quo veriùs dixeris id quod Theocritus apud Stobæum serm. 36. de Anaximene dixit, *Incipit verborum quidem flumen, mentis autem gutta* Et certè si pauca Mathematica & Meteorologica excipias, non est in tanto operum eius corpore mica salis. Magnificos quidem & amplos titulos libris suis præfigit, sed more aliquorum Pharmacopolarum, quorum pixides vt plurimùm vacuæ sunt. Per singula capita magna promittit, sed animum legentis non implet, vt spe lætat inani, & amplam segetem clementibus sterili deludit auena.

Quid dignum feret hic tanto promissor hiatus?
Parturient montes, &c.

Vt eius tautologia appareat, non oportet longè spatiari per eius scripta, quæ earumdem

dem figurarum sæpe recusarum reditu grandescunt. In meteorologia multa repetit quæ dixerat in historia macrocosmi. Quoties eadem sententiæ eorundem auctorum iisdem verbis propositæ eodem tenore, eodem ordinem, eodem filio contextæ ingeruntur! an nescis Roberte quodd sicut dicendi modus non penes loquentem sed audientem est, ut ait Plato apud Stobæum *supra*: ita scribendi modus non penes scribentem, sed legentem est? nescis quodd *δὸς ἡγεμὼν δῶκεν*? nescis quod dicit D. Aug. 4. de Doct. Christ. c. 10. *Sicut enim gratus est, qui cognoscenda enubilat: sic onerosus qui cognita inculcat.* Et ut fileam de pyramidibus quæ pro frequentia non ampliùs erunt in admiratione, quid opus fuit ad probationem pleni, & exterminationem vacui nobis depingere non semel hominem prouum fistulâ è pelui attrahentem aquam. Quasi verò hoc non sit notum vel ipsis bubulcis. Sed nec Fludus omisit dolium, quod è regione posuit.

Flud matæologus. §. 5.

Non tango hîc stultas quæstiones & Genealogias, quas deuitandas monet Apostolus ad Titum 3. inter quas refero eas quæ pertinent ad Genethliologiam & Geomantiâ. Nam præterea sunt perniciosæ. Et ut postea dicam, vtiliùs tacuisset Flud de inquisitione proprii dæmonis. Præterquam quodd in eius inuentione se potiùs matæoponum, quàm

philoponum exhibuit. Hoc enim ei verius obijci potest quam Ioanni Grammatico, obiectum fuerit à Photio in Bibliotheca codice 55. Nunc ut aliquid Fludantiæ stultitiæ specimē exhibeam, duo sunt præcipuè in quibus mihi videtur valde ridiculus. Primum est extasis Geomantica. Secundum est vita, immò raciocinium terræ, aquæ & similium. Quod attinet ad primum Flud tanquam certum Geomantiæ fundamentum statuit, quod anima possit è corpore exire & liberè spatiari, & iterum redire, ut possit rerum absentium expiscari notitiā, & renuntiāre. Sic enim l. 7. microcosmi cap. 9. ait quoddā animā vnius hominis potest habere familiaritatem cum anima alterius longè distantis, quia per radios suos penetrat corporis opacitatem, quod radius animæ tanquam nuntius longè mittitur; & quod animæ aliquando corpora relinquunt, quousque is per radiationem anima absentis personæ, de cuius salute, aut negotio agitur, occurrat. Et in confirmationem citat Olaium magnum. Ex quibus multa infert, nempe quod ex illa radiorum emissionē exurgunt prophetæ & visiones. Quod animæ possunt loqui eo modo, quo angeli loquuntur. Quod anima, quæ sic vagatur, potest detegere futa, & mortem aut vitam alicuius longè distantis declarare, citius se fecisse experimentum dicit.

Istā, sicut dicunt Patres de hæresibus, detexisse refutasse est. Nam suapte naturā corruunt. Sed ne impune abeat Flud, & ne ex eo

quod *quodam* *tempore* alicui ita esse videatur, in primis quod spectat ad extasim, in qua saepe demonis strophæ interuenit, legatur Mercurius ad cap. 1. Genes. ver. 1. qu. 1. a cap. 32. immò ea, quæ ex Olao magno citat Flud, & habentur l. 3. cap. 17. conuincunt illum habere cum cacodæmone commercium eo modo, quo habet Lappones, ses Finnones, de quibus Olaus. Deinde quo testimonio scripturæ, qua auctoritate Patrum, qua ratione fultus docet animam in corpore inclusam emittere radios, quibus perfruat corporis cancellos, & habeat cum alia consortium? vel quid inuant illi radij, & cur potius in vnā, quam in aliam animam incidunt? nonne ex sacris paginis discimus quod donum Prophetiæ est à Deo, & quod Prophetæ videntes dicebantur non ab vlla radiorum emissionē, sed quia Deus reuelabat auriculam eorum, vt de Samuele dicitur. 1. Reg. 9. quod autem ait animas posse colloqui eo modo, quo se alloquuntur angeli, verum quidem est si sint separatæ à corpore, nam vt bene ait D. Basilius Hom. ad id *attende tibi*, Si animæ extra corpora degerent, & essemus à sensib⁹ expediti, inter nos mox conueniret per mutuam cogitationū intelligentiam. At quod coniunctæ ita loquantur est omnino auctoritati & rationi dissentaneum. Prius itaque ostendendum erat Fludo, quod animæ se ad libitum à corpore segregant, vt possint cum alijs colloqui. Sed hanc animarum diuagationem merito irridet Tertullianus postea afferendus Nunc

enim à talis stultitiæ refutatione supersedeo, *ut* non minorem proponam.

Flud eò stultitiæ progressus est, *ut* sustineat terram, flumina, & similia nō tantum esse animata, sed etiam habere sensum & rationem. certe sensum & rationē talibus non attribuisset, nisi prius ipse exuisset: suæ naturæ est iniurius qui nō tantum se numero pecudum adscribit, sed etiam se in truncorum classem relegat. Et *ut* passim suæ stultitiæ signa & vestigia relinquat, hominem habere posse cum brutis colloquium astringit, dum loco supra citato c. 11, approbat id, quod Philostratus de Apollonio Tyando narrat, hunc scilicet intellexisse quium garrum, & loquelam. Non plura de stultiloquio Fludi, veritus id quod dicit Arnobius 1 contra Gentes. *Aiunt enim sana sentientes contradicere rebus stultis, stultia esse maioris.* Solum te monuerim Fludum non tantum se stultum, stupidum & sensus communis expertem probasse in eo quod terræ tribuit sensum (hoc enim passim facit, dum agit de anima mundi, & in meteorologia l. 2. c. 7.) sed etiam detestabilem, immò detestabiliorem, quàm fuerint Manichæi, qui simpliciter terram inanimatam esse effutiebant, Audi D. Basilium, Hom. 8. Hexæmeri, *Putasne ergo, inquit, est animata tellus & locus præbebitur vaniloquis Manichæis animam terra dandi?* Et postquam eos refutavit, concludit, *Sed eorum detestabilitas nota subsequinde est.*

Flud plagiarius. §. 6.

E *St benignum & plenum ingenui pudoris fatori per quos profeceris*, ait Plinius in præfatione historię naturalis. Et paulo post. *Obnoxij animi, & infelicitis ingenij est deprehendi in furto malle, quam mutuum reddere, cum præsertim fors fiat ex usura.* Quantum absit ab ingenuitate Flud, & quanta ingenij infelicitate laboret hac in parte constat ex eius plagiiis, de quibus siluisssem, sciens quod dicit Seneca epistol. 12. *Quod verum est, meum est.* Et unicuique licet cernere hæreditatem à maioribus relictam. Nisi ausus esset Mersennum plagij arguere. sic l. 2. Certam: conqueritur de illo, quod analogiam meteororum microcosmi cum meteoris macrocosmi suffuratus sit ab ipso, quasi verò non sit facile inuentis addere, & similem analogiam non habeat Laurentius in historiæ anatom. Præfatione, quæ si legisset Flud, vidisset à Mersenno exscriptum Laurentium, & non Fludum. itaque Flud sibi inuentionem arrogat multorum, quæ iam superioribus sæculis innotuerunt. Vel sibi fingit nullum præter ipsum versatum esse in aliorum lectione. Quid igitur, si aliquis dixerit quod diluculum est instar veris, meridies æstatem refert, vesper autumnum, media nox hyemem, statim dicet Flud hoc ex sua medicina Catholica surreptum esse, cum tamen hæc longè ante dixerit Antyllus apud Stobæum, ferm. 99. si quis dixerit, quod anima in descensu suo suscipit à Seraphinis Charitatem, à Cheru-

binis mentis Lumen & scientiam, à potestatibus, fortitudinem contra salutis inimicos, & sic de aliis, continuò Fludus, qui similia dicit in tractatu de microcosmo, conqueretur de plagio. Cùm tamē illi, sicut & in multis aliis, præluxerit Georgius Venetus in Harmonia mundi, cantico 1. tono 6. c. 31. & si quis docuerit esse nouem ordines dæmonum ex Bungo l. de numeris in enneade, nempe pseudotheos, præstigiatores, &c. Flud obuiet furtum, eo quod ipse post Agrippam similes gradus dæmonum recenscat l. 4. macrocosmi. Itaque si initio Psychologiæ voluerim præfari eo modo, quo auctor libri de spiritu & anima (apud D. Augustinum tomo 3.) qui putatur esse Hugo à S. Victore, non potero? quia Flud præmium illud verbatim exscripsit l. 3. de microcosmo interno, à quo auctore; sed semper illaudato, multas sententias corrasit, vt postea patebit. Certè Fluctus Roberti arescerent, si fontes obstruerentur alieni. Est enim graculus quidam alienis plumis excultus, quod de Porphyrio dixit Theodoretus serm. 7. contra Græcos. Nec tamen hoc miramur, Nam vt ait Cassiodorus in præfatione libri vndecimi variarum, humanus sensus, cùm alieno non farcitur inuento, citò potest attenuari de proprio. Sed parum esse gratum Fludum conquerimur, qui erubescit fateri per quos profecerit. Et cùm sit valde liberalis in propriis celebrandis, est tamen parcissimus in laudandis alienis: quot enim ante ipsum tam veteres quàm neotrici similia tractarunt, de quibus apud ipsum est altum silentium: possemus hinc & alio modo Fludum

plagiarium exhibere, nempe eo modo, quo Geneuam plagiariam repræsentauit Petrus Cotonus gentilis meus, vt pote scripturarum corruptricem: verum de hoc colore infra. Veniamus ad Fludi anti-logias in rebus magni momenti.

Flud fluctuans & non sibi constans. §. 7.

Proteus quidem formam, emperitus verè animum ubique mutat & variat, Dicebat Socrates apud Stobæum serm. 4. non est meum propositum ostendere quòd Flud ita seruit tempori, vt omnibus se accommodet, vt nullius religionem respuat. Quod fortè didicit à fratribus Rosæ Crucis, quos vnus liber fertur esse Proteus. Sed quòd se habet vt Polypus, qui vt dicit Carneades apud Stobæum, serm. 81. cirros suos iam auctiores deuorat, ita Flud pro ea constàtia, quæ decet fluctus, suas opiniones absorber. Nam videas illum frequenter prædicantem liberum arbitrium, quod tamen ex aliis principiis euertit, vt videbitur in tertio ordine errorum Fludi, tract. 1. macrocosmi l. 7. c. vlt. omnem malitiam in materiam tenebrosam refundit, eiusdem malitiæ originem esse solum Deum defendit in medicina Catholica, loca dabo postea. l. 1. Certam. cap. 2. ad tex. 3. de medio tollit omnes formas præter Deum: & tamen l. 1. macrocosmi c. 6. ait de luce creata, quòd est vera forma essentialis cælorum, de qua luce dubitat ibidem an sit creata, vel non: notabis præterea Vertumnj ingenium circa naturam Dei, Angeli, & animæ in breuiculo nruorum. Nam

modò reticeo, ne in tantologiam, quam in eoreprehendo, incidam: tum quia longum esset omnia percurrere: attexam duntaxat insignem Fludi fluctuationem circa materię primę originem. In historia præternaturali vtriusque mundi sect. 1. portione 1. parte 2. l. 1. cap. 5. purgat se ab hoc quod dixerat hylam esse increatam: Et ait per materiam primam se intelligere nihilum, quod dicitur abyssus, quæ deinde transit in aquam, quæ est materia secunda. *Æthiopem lauas* ô Roberte. Nam si alicubi scripsisti, vt fateris, hylam esse increatam, prauam, quantum in te fuit, ingenerasti opinionem in mente legentium de materiæ primę origine: nonne audito nomine materiæ primæ, vel hylæ siue sylæ omnes statim concipiunt aliquid, quod de se quidem sit informe, expers quantitatis, & qualitatis, sit tamen illius radix, sit de genere substantiæ, sit formarum receptaculum, veniat cum forma in compositionem rei corporeæ. Nonne tuus Plato, platonissas enim persæpe, per materiam primam siue hylam intelligit aliquod ens Deo coæuum, cui Deus extremam manum adhibuerit, siue quam confusam digesserit, & inculatam ornauerit? & in hoc sensu Dionisius Alex Origenes, Philo, Maximus apud Eusebium Cæsar. l. 7. de præp. Euang. hanc fabulam refellunt. Deinde erras Flude, dum ais quod nihilum vocatur abyssus, de qua Genes. 1. à quibus enim? certè non à Patribus, quorum aliqui quidem dicunt per terram inanem & inuisibilem fuisse designatam materiam primā: at per abyssum intelligunt aquā. vt enim ait D. Basiliius hom. 2. hexaëm. abyssus est
aqua

aqua copiosa, ad cuius fundum non facile potest penetrari: & dicitur abyssus quasi sine bysso & candore. Quia lumen eam totam non pervadit. hæc obiter.

Redeo ad caput, & ex alio loco ostendo Fludum malè sentire de origine materiæ primæ, & dubitare an sit creata vel non, nam l. 1. macrocosmi c. 3. postquam retulit duas opiniones, quarum vnam, quam dicit esse artesij, tenet materiam primam esse creatam, alteram, quam vult esse Paracelsi, asserit esse creatam, ignarus quò se vertat, vel vt ex dictis sit verosimile, contra famam deditus sententiæ putat Paracelsi: & contra sententiam sollicitus famæ, ne propterea malè audiat, ephecticè se habet, & litem sub iudicio philosophorum relinquit. Dubitat igitur Flud an præter Deum sit aliquid aliud increatum. Non dubitasset si Patres sanctos legisset, vel eorum auctoritati fidem haberet. Nam præter citatos *supra*, Tertullianus lib. cont. Hermogenem huiusmodi materiarios (quos & Philonarchos vocat S. Gregorius Naz. carm. 4. de mundo) egregiè excipit, & D. Augustinus l. de vera relig. c. 18. & 1. de Genesi contra Manichæos c. 6. Theodoretus 4. contra Græcos.

Flud malus Physiologus, peior

Theologus. §. 8.

IN duobus Flud naturæ fundamenta evertit: Primum non tantum cum aliquibus mē-

casti, qui non tantum facis Deum reum omnis sceleris, ad quod satis est esse suasorem & impulsorem, quod pertinet ad causam moralem: sed etiam facis causam Physicam: Et non tantum facis socium criminis, sed etiam solum auctorem & executorem. Quanta autem sit blasphemia tua breui docebo.

Flud mendacissimus calumniator

& impostor. §. 2.

Flud nocerrimus exactor est perfidus, & mendacia persequitur: ipse periurus, & litem sibi inferri agerrime calumniator patitur. Verba sunt Seneca 2. de ira c. 28. id est Flud, qui toties mendacij & calumniae Mersennum arguit, ipsemet mendacia & calumnias struit & ut incipiam à leuioribus, statim in limine operis, quo impetit Mersennum, ei imponit, quod opinatus sit acquirere sibi titulum sapientis solius & summi, eò quod scribens super Genesim, aliquos auctores, quos Flud recenset, confutet, quorum aliqui sunt Athei, alij cacomagi, alij haeretici. ita Flude Sisyphi saxum voluis, quod in te relabatur: tu igitur in tuis scriptis opinionem summi & solius sapientis ancuparis, qui nouitates coniectando te opponis grauius auctoribus, quales sunt S. Patres Dionysius, Damascenus, Thomas, quos nominatim citas & reijcis, dum agitur de Angelorum constitutione. Tu igitur tua opinione sapientior Aristotele, Damasceno, & aliis, quos in meteq-

rologia l. 4. membro 1. c. 3. ut vanos & stultos traducis, eò quòd opinentur lucem esse accidens hoc friuolo argumento fultus, quòd sequeretur lucem non esse opus primæ Diei, sed aliquod subiectum substantiale præexistisse, cui lux inexistere. Quasi verò non possit accidens per diuinam virtutem extra subiectum coherere; vel gratis concesso, quòd hoc non possit fieri, cogantur propterea prædicti auctores incidere in angustias contradictionis, ut tu fingis, cum secundum multorum Theologorum sententiam, distinctio dierum non pertineat ad opus creationis in rigore sumptæ, sed hæc præcedat saltem ordine naturæ, & nonne ex ipso textu Geneseos constat cælum, terrâ, vel saltem abyssum, quæ est aqua profunda, præcessisse lucis productionem, & ideo quid absurdi, si dicamus aliquod subiectum præexistisse, quod esset lucis vehiculum, vel lucem cum tali subiecto esse concretam? Hæc obiter ad retundendam Fludi iactantiam in carpendis probatis auctoribus: superfluum autem ducò texere catalogum eorum, quorum opiniones derelinquit, vel redarguit; in quo aduerte qua fronte hac in parte ausus sit reprehendere Merseuum.

Videamus alia mendacia quæ profert versipellis: inter auctores, quibus à Merseuo iniuri notam atheismi, vel blasphemix, vel hæresis, vel ignorantix, vel stultitiæ ait Flud, numerantur Damascenus, & Thomas Aquinas, (de aliis enim non sum sollicitus) audito no-

Flud barbarus, & tenebricosus. §. 3.

SEd quandoquidem Flud Sophos vult audire & Sophista dici, Sophista dicatur. Nā & Philosophiam Gallias peragrans venalem habuit. Si tamen debet dici Philosophus & non potius Philologus, vel Logophilus, si distinguuntur, vt distinxit Zeno apud Stobæum ser. 36. verum hic color seorsim est inducendus & prius in proposito insistendum, & ostendendum in quo Flud ab iis qui dicti sunt Sophistæ, deficiat quantum ad ornatum & nitidum loquendi modum: Nam Sophistæ dicti sunt qui primùm Philosophi, deinde se contulerunt ad orationes declamandas. Eo modo Themistius Euphrades Sophista audiebat. Eo modo inter Sophistas relatus est Dio Chrysostomus à Philostrato in vita Sophistarum.

Ac primùm quantum ad incultam barbariem dicendi Fludi quid attinet dicere, cū ipsemet hoc agnoscat. Audi aliquas eius elegantias *manna abscondita* lib. 2. certam. pag. 57. *Laurena Principes* sect. 2. microcos. port. 3. l. 1. c. 1. *marcellia & marcellia* ibidem. Quanquam quòd Mitylenem vel Mitilenam cum Melita confundit, ad ignorantiam pertinet. *Nemosis & Languidochia* sect. 1. microcos. l. 9. c. 5. mitto alia quæ posset refundere in Typographum vt epist. dedicat. anatomix *chaos & tenebras* in

ripiis tuis agnouistis, & dum 4. de microcos.
vlt. & 3 certam. c. 2. ait *vitam & esse suam*. Sed
ortè Flud ita loquitur claritatis ergo. Si ita
t cur non dixit *nisma* potius quàm *nemosiis*.
el quid amplius claritatis est in *nemosiis*
uàm *nemausi*. vel cur non potius dixit meli-
um vel maltam, quàm mitylenam?

Sed quid Flud alicubi est tam sollicitus de
aritare, qui passim quærit latebras & an-
um Heraclitæum, similis illi medico, qui ve-
ullius refert 2. de diuinat. præcipiens ægro-
o vt fumeret cocleam siue testudinem, dicco
at, fume tibi terrigenam, herbigradam, do-
ipartam, sanguine cassam. Quibus eius ob-
urritatem depingam verba non habeo ex-
ressiora, quàm ea D. Hieronymi aggredien-
s Iouinianum. *Scriptorum*, inquit, *tanta barba-
ies est, & tantis vitiis spurcissimus sermo confusus,*
nec quid loquatur, nec quibus argumentis velit
robare quod loquitur, potuerim intelligere. Et post
aulta concludens. *Furiosæ Apollinis vates legi-
tus: & illud Virgilianum, dat sine mente sonum.*
Heraclitum quoque cognomento σοφιστὴν sudan-
is Philosophi vix intelligunt. Sed quid ad nostrum
iniquitatem cuius libros multò difficilior est nosse
uàm vincere. Vnde autem Fludo obscuritas
anta, qui tam humili & pedestri stylo incedit,
n ex frequentibus antilogiis? an ex battolo-
gia, quæ alioquin deberet perspicuitatem af-
erre? an quia plus sapit quàm oportet sape-
e; & superiora se scrutatur, & ne nihil dixis-
e videatur, verborum ambagibus Lectorem

eludit, & sub iis latibulum quærit deficientibus rebus?

Flud vanus battologus, tautologus-
que. §. 4.

VTres quidem inanes spiritus distendit, stultos autem opinio, dicebat Socrates apud Stobæum ser. 21. simili diſterio ſui temporis Philoſophos inſectatur Timon vt refert Theodoſetus in Therapuetica ſerm. 2.

O vtres animi ſenſus quos implet inanis.

Flud philautia laborans & propria opinione velut vento inflatus, magno impetu verborum flumina volvit. De quo veriùs dixeris id quod Theocritus apud Stobæum ſerm. 36. de Anaximene dixit, *Incipit verborum quidem flumen, mentis autem gutta* Et certè ſi pauca Mathematica & Meteorologica excipias, non eſt in tanto operum eius corpore mica ſalis. Magnificos quidem & amplos titulos libris ſuis præfigit, ſed more aliquorum Pharmacopolarum, quorum pixides vt plurimùm vacuæ ſunt. Per ſingula capita magna promittit, ſed animum legentis non implet, vt ſpe lactat inani, & amplam ſegetem cmentibus ſterili deludit auena.

Quid dignum feret hic tanto promiſſor hiatu?
Parturient montes, &c.

Vt eius tautologia appareat, non oportet longè ſpatiari per eius ſcripta, quæ earumdem

dem figurarum sæpe recusarum reditu grandescunt. In meteorologia multa repetit quæ dixerat in historia macrocosmi. Quoties eadem sententiæ eorundem auctorum iisdem verbis propositæ eodem tenore, eodem ordinem, eodem filio contextæ ingeruntur! an nescis Roberte quodd sicut dicendi modus non penes loquentem sed audientem est, ut ait Plato apud Stobæum *supra*: ita scribendi modus non penes scribentem, sed legentem est? nescis quodd *δὲς ἡγεμὼν ἀμαρτῶν*? nescis quod dicit D. Aug. 4. de Doct. Christ. c. 10. *Sicut enim gratus est, qui cognoscenda enubilat: sic onerosus qui cognita inculcat.* Et ut fileam de pyramidibus quæ pro frequentia non ampliùs erunt in admiratione, quid opus fuit ad probatione pleni, & exterminationem vacui nobis depingere non semel hominem prorum fistulâ è pelui attrahentem aquam. Quasi verò hoc non sit notum vel ipsis bubulcis. Sed nec Fludus omisit dolium, quod è regione posuit.

Flud matæologus. §. 5.

Non tango hîc stultas quæstiones & Genealogias, quas deuitandas monet Apostolus ad Titum 3. inter quas refero eas quæ pertinent ad Genethlizologiam & Geomantiâ. Nam præterea sunt perniciosæ. Et ut postea dicam, vtiliùs tacuisset Flud de inquisitione proprii dæmonis. Præterquam quodd in eius inuentione se potiùs matæoponum, quàm

philoponum exhibuit. Hoc enim ei verius obijci potest quam Ioanni Grammatico, obiectum fuerit à Photio in Bibliotheca codice 55. nunc vt aliquid Fludanzæ stultitiæ specimē exhibeam, duo sunt præcipuè in quibus mihi videtur valde ridiculus. Primum est extasis Geomantica. Secundum est vita, immò raciocinium terræ, aquæ & similitum. Quod attinet ad primum Flud tanquam certum Geomantiæ fundamentum statuit, quod anima possit è corpore exire & liberè spatiari, & iterum redire, vt possit rerum absentium expiscari notitiā, & renuntiāre. Sic enim l. 7. microcosmi cap. 9. ait quoddā animā vnius hominis potest habere familiaritatem cum anima alterius longè distantis, quia per radios suos penetrat corporis opacitatem, quod radius animæ tanquam nuntius longè mittitur; & quod animæ aliquando corpora relinquunt, quousque nō per radiationem anima absentis personæ, de cuius salute, aut negotio agitur, occurrat. Et in confirmationem citat Olamū magnum. Ex quibus multa infert, nempe quod ex illa radiorum emissionē exurgunt prophetae & visiones. Quod animæ possunt loqui eo modo, quo angeli loquuntur. Quod anima, quæ sic vagatur, potest detegere futa, & mortem aut vitam alicuius longè distantis declarare, cuius se fecisse experimentum dicit.

Istā, sicut dicunt Patres de hæresibus, detexisse & refutasse est. Nam suapte naturā corruunt. Sed ne impunè abeat Flud, & ne ex eo

quod *autem* *etiam* alicui ita esse videatur, in primis quod spectat ad extasim, in qua saepe demonis *symplocha* interuenit, legatur. Merfennus ad cap. 1. Genes. ver. 1. qu. 1. à cap. 32. immò ea, quæ ex Olao magno citat Flud, & habentur l. 3. cap. 17. conuincunt illum habere cum cacodæmone commercium eo modo, quo habet Lappones, ses Finnones, de quibus Olaus. Deinde quo testimonio scripturæ, qua auctoritate Patrum, qua ratione fultus docet animam in corpore inclusam emittere radios, quibus perfrumat corporis cancellos, & habeat cum alia consortium? vel quid inuant illi radij, & cur potius in vnā, quam in aliam animam incidunt? nonne ex sacris paginis discimus quod donum Prophetiæ est à Deo, & quod Prophetæ videntes dicebantur non ab vlla radiorum emissionē, sed quia Deus reuelabat auriculam eorum, vt de Samuele dicitur. 1. Reg. 9. quod autem ait animas posse colloqui eo modo, quo se alloquuntur angeli, verum quidem est si sint separatæ à corpore. Nam vt bene ait D. Basilus Hom. ad id *attende tibi*. Si animæ extra corpora degerent, & essemus à sensib⁹ expediti, inter nos mox conueniret per mutuam cogitationū intelligentiam. At quod cōiunctæ ita loquantur est omnino auctoritati & rationi dissentaneum. Prius itaque ostendendum erat Fludo, quod animæ se ad libitum à corpore segregant, vt possint cum alijs colloqui. Sed hanc animarum diuagationem merito irridet Tertullianus postea afferendus Nunc

enim à talis stultitiæ refutatione supersedeo, vñ non minorem proponam.

Flud eò stultitiæ progressus est, vt sustineat terram, flumina, & similia nō tantum esse animata, sed etiam habere sensum & rationem. certè sensum & rationē talibus non attribuisset, nisi prius ipse exuisset: suæ naturæ est iniurius qui nō tantum se numero pecudum adscribit, sed etiam se in truncorum classem relegat. Et vt passim suæ stultitiæ signa & vestigia relinquat, hominem habere posse cum brutis colloquium astringit, dum loco supra citato. c. 11, approbat id, quod Philostratus de Apollonio Tyando narrat, hunc scilicet intellexisse auium garricum, & loquelam. Non plura de stultiloquio Fludi, veritus id quod dicit Arnobius 1 contra Gentes. *Amnt enim sana sentientes contradicere rebus stultis, stultia esse maioris.* Solum te monuerim Fludum non tantum se stultum, stupidum & sensus communis expertem probasse in eo quod terræ tribuit sensum (hoc enim passim facit, dum agit de anima mundi, & in meteorologia l. 2. c. 7.) sed etiam detestabilem, immò detestabiliorem, quàm fuerint Manichæi, qui simpliciter terram inanimatam esse effutiebant. Audi D. Basilium, Hom. 8. Hexaëmeri, *Putasne ergo, inquit, est animata tellus & locus præbebitur vaniloquis Manichæis animam terra dandi?* Et postquam eos refutauit, concludit, *Sed eorum detestabilitas nota subinde est.*

Flud plagiarius. §. 6.

Est benignum & plenum ingenui pudoris fatori per quos profeceris, ait Plinius in præfatione historice naturalis. Et paulo post. *Obnoxij animi, & infelicitis ingenij est deprehendi in furto malle, quam mutuum reddere, cum præsertim fors fiat ex usura.* Quantum absit ab ingenuitate Flud, & quanta ingenij infelicitate laboret hac in parte constat ex eius plagiis, de quibus siluisssem, sciens quod dicit Seneca epistol. 12. *Quod verum est, meum est.* Et unicuique licet cernere hæreditatem à maioribus relictam. Nisi ausus esset Mersennum plagij arguere. sic l. 2. Certam. conqueritur de illo, quod analogiam meteororum microcosmi cum meteoris macrocosmi suffuratus sit ab ipso, quasi verò non sit facile inuentis addere, & similem analogiam non habeat Laurentius in historiae anatom. Præfatione, quæ si legisset Flud, vidisset à Mersenno exscriptum Laurentium, & non Fludum. itaque Flud sibi inuentionem arrogat multorum, quæ iam superioribus sæculis innotuerunt. Vel sibi fingit nullum præter ipsum versatum esse in aliorum lectione. Quid igitur, si aliquis dixerit quod diluculum est instar veris, meridies æstatem refert, vesper autumnum, media nox hyemem, statim dicet Flud hoc ex sua medicina Catholica surreptum esse, cum tamen hæc longè ante dixerit Antyllus apud Stobæum, ferm. 99. si quis dixerit, quod anima in descensu suo suscipit à Seraphinis Charitatem, à Cheru-

binis mentis Lumen & scientiam, à potestatibus, fortitudinem contra salutis inimicos, & sic de aliis, continuò Fludus, qui similia dicit in tractatu de microcosmo, conqueretur de plagio. Cùm tamè illi, sicut & in multis aliis, præluxerit Georgius Venetus in Harmonia mundi, cantico 1. tono 6. c. 32. & si quis docuerit esse nouem ordines dæmonum ex Bungo l. de numeris in enneade, nempe pseudotheos, præstigiatores, &c. Flud obiiçiet furtum, eo quod ipse post Agrippam similes gradus dæmonum recenscat l. 4. macrocosmi. Itaque si initio Psychologiæ voluerim præfari eo modo, quo auctor libri de spiritu & anima (apud D. Augustinum tomo 3.) qui putatur esse Hugo à S. Victore, non potero? quia Flud præmium illud verbatim exscripsit l. 3. de microcosmo interno, à quo auctore; sed semper illaudato, multas sententias corrasit, vt postea patebit. Certè Fluctus Roberti arescerent, si fontes obstruerentur alieni. Est enim graculus quidam alienis plumis excultus, quod de Porphyrio dixit Theodoretus serm. 7. contra Græcos. Nec tamen hoc miramur, Nam vt ait Cassiodorus in præfatione libri vndecimi variarum, humanus sensus, cùm alieno non farcitur inuento, citò potest attenuari de proprio. Sed parum esse gratum Fludum conquerimur, qui erubescit fateri per quos profecerit. Et cùm sit valde liberalis in propriis celebrandis, est tamen parcissimus in laudandis alienis: quot enim ante ipsum tam veteres, quàm neotrici similia tractarunt, de quibus apud ipsum est altum silentium: possemus hîc & alio modo Fludum

plagiarium exhibere, nempe eo modo, quo Gen-uam plagiariam repræsentauit Petrus Cotonus gen-tilis meus, vt pote scripturarum corruptricem: ve-rum de hoc colore infra. Veniamus ad Fludi anti-logias in rebus magni momenti.

Flud fluctuans & non sibi constans. §. 7.

Proteus quidem formam, emperitus verè animum
ubique mutat & variat, Dicebat Socrates apud
Stobæum serm. 4. non est meum propositum
ostendere quòd Flud ita seruit tempori, vt omni-bus se accommodet, vt nullius religionem res-puat. Quod forrè didicit à fratribus Rosæ Cru-cis, quos in vnus liber fertur esse Proteus. Sed quòd se habet vt Polypus, qui vt dicit Carneades apud Stobæum, serm. 81. cirros suos iam au-ctiores deuorat, ita Flud pro ea constàtia, quæ de-cet fluctus, suas opiniones absorber. Nam vi-deas illum frequenter prædicantem liberum arbi-trium, quod tamen ex aliis principiis euertit, vt videbitur in tertio ordine errorum Fludi, tract. 1. macrocosmi l. 7. c. vlt. omnem malitiam in ma-teriam tenebrosam refundit, eiusdem malitiæ ori-ginem esse solum Deum defendit in medicina Ca-tholica, loca dabo postea. l. 1. Certam. cap. 2. ad tex. 3. de medio tollit omnes formas præter deum: & tamen l. 1. macrocosmi c. 6. ait de luce creata, quòd est vera forma essentialis cælorum, de qua luce dubitat ibidem an sit creata, vel non: notabis præterea Vertumnj ingenium circa naturam Dei, Angeli, & animæ in breuiculo nruorum. Nam

modò reticeo, ne in tantologiam, quam in eo reprehendo, incidam: tum quia longum esset omnia percurrere: at texam duntaxat in signem Fludi fluctuationem circa materię primę originem. In historia præternaturali vtriusque mundi sect. 1. portione 1. parte 2. l. 1. cap. 5. purgat se ab hoc quod dixerat hylam esse increatam: Et ait per materiam primam se intelligere nihilum, quod dicitur abyssus, quæ deinde transiit in aquam, quæ est materia secunda. *Æthiopem lauas ô Roberte.* Nam si alicubi scripsisti, vt fateris, hylam esse increatam, prauam, quantum in te fuit, ingenerasti opinionem in mente legentium de materiæ primę origine: nonne audito nomine materiæ primæ, vel hylæ siue syluæ omnes statim concipiunt aliquid, quod de se quidem sit informe, expers quantitatis, & qualitatis, sit tamen illius radix, sit de genere substantiæ, sit formarum receptaculum, veniat cum forma in compositionem rei corporeæ. Nonne tuus Plato, platonissas enim persæpe, per materiam primam siue hylam intelligit aliquod ens Deo coæuum, cui Deus extremam manum adhibuerit, siue quam confusam digesserit, & inculatam ornauerit? & in hoc sensu Dionysius Alex Origenes, Philo, Maximus apud Eusebium Cæsar. l. 7. de præp. Euang. hanc fabulam, refellunt. Deinde erras Flude, dum ais quoddam nihilum vocatur abyssus, de qua Genes. 1. à quibus enim? certè non à Patribus, quorum aliqui quidem dicunt per terram inanem & inuisibilem fuisse designatam materiam primam: at per abyssum intelligunt aquam. vt enim ait D. Basilius hom. 2. hexaëm. abyssus est aqua

aqua copiosa, ad cuius fundum non facile potest penetrari: & dicitur abyssus quasi sine bysso & candore. Quia lumen eam totam non pervadit. hæc obiter.

Redeo ad caput, & ex alio loco ostendo Fludum malè sentire de origine materiæ primæ, & dubitare an sit creata vel non, nam l. i. macrocosmi c. 3. postquam retulit duas opiniones, quarum vnam, quam dicit esse arcehj, tenet materiæ primæ esse creatam, alteram, quam vult esse Paracelsi, asserit esse creatam, ignarus quò se veritat, vel ut ex dictis sit verosimile, contra famam deditus sententiæ putat Paracelsi: & contra sententiam sollicitus famæ, ne propterea malè audiat, ephecticè se habet, & litem sub iudicio philosophorum relinquit. Dubitat igitur Flud an præter Deum sit aliquid aliud increatum. Non dubitasset si Patres sanctos legisset, vel eorum auctoritati fidem haberet. Nam præter citatos *supra*, Tertullianus lib. cont. Hermogenem huiusmodi materiarios (quos & Philonarchos vocat S. Gregorius Naz. catm. 4. de mundo) egregiè excipit, & D. Augustinus l. de vera relig. c. 18. & 1. de Genesi contra Manichæos c. 6. Theodoretus 4. contra Græcos.

Flud malus Physiologus, pejor

Theologus. §. 8.

IN duobus Flud naturæ fundamenta evertit: Primò non tantum cum aliquibus mē-

dicis, inter quos Galenus refertur 1. de elementis, de medio tollit omnem formam substantialem creatam, sed etiam accidentalem. Nā 1. certam. c. 2. ad tex. 3. ait quod causæ omnes formales subalternæ sunt delendæ, & ex mundo Christiano in exilium relegandæ & ad solum Deum, qui est actus actuum, omnis actio tam mediata, quàm immediata est referenda. in quo negando formam substantialem destruit, maiori ex parte naturam: materia enim cum non sit actiua, est minus præcipua pars naturæ, quæ est principium motus & quietis: extra tabellam excurrerem modo, si vellem cum Fludo cõfligere de existentia formæ substantialis, ei opponere turbam Philosophorum tam antiquorum Platonis, Aristot. quàm recentiorum, inter quos Physiologus & simul nobilis medicus Fernelius 1. de abditis rerum causis: & rationes, quas afferunt, vrgeri: sat sit dicere quod ille qui negat formam substantialem creatam, consequenter inficiatur se habere animam, quam proinde vt loquar cum Olympodoro in Ecclesiæ in vanum accepit non minus, quàm ille qui dicit esse mortalem. Qui vero negat formas accidentales, quæ sunt appendices substantialis, & agendi subsidia, sensu indiget.

Secundò cum quodlibet sit propter suam operationem, satius esset negare omnem naturam creatam, quàm ei denegare vim agendi, vt facit Flud supra, vbi ait quod non est natura creata, quæ operatur, sed Deus in-

duens creaturæ imaginem seu effigiem: & in medicina tract. 1. sect. 1. p. 3. l. 1. c. 1. ait quòd Deus solus est in hoc mundo actor. *Quare*, inquit, *errant qui dicunt Angelum seu creaturam aliam hoc vel illud facere.* In quo sensus hebetat, medium inuestigandi varias rerum proprietates tollit, libertatem operandi creaturæ rationali adimit, Scripturam sacram reiicit, quæ creaturæ vim producendi tribuit; sed quod magis deplorandum, omnem prauam actionem Deo soli attribuit, prouidentiam & rerum suam dispositionem & administrationem inficiatur, Nam si creaturæ nihil agūt, quomodo stabit illud quod ait S. Augustinus lib. 7. de Ciu. c. 30. (etiam alicubi referente Fludo) *Sic itaque administrat omnia quæ creauit Deus, ut etiam ipsa proprios exercere, & agere motus sinat.* Quàm egregium est in opinione Fludi audire & videre Deum personatum & laruaturn diuersas personas agere, nunc sub effigie Iudæ seipsum vendere, postea sub eiusdem imagine illum strangulare; sub persona sui legislatoris peccatum prohibere, & sub larua impij illud perpetrare; sub effigie Prophetarum supplicia malè agentibus minari, & eundem sub effigie dæmonum ad facinora plectenda inuitare & impellere; in persona martyrum fidem profiteri, in persona Apostatarum abiurare, & in illa Tyrannorum persequi: ò Roberte hæc sunt præclara tuæ Theologiæ, de qua postea, dogmata. Omnes antecessores tuos impietate & blasphemia super-

rasti, qui non tantum facis Deum reum omnis sceleris, ad quod satis est esse suasorem & impulsorem, quod pertinet ad causam moralem: sed etiam facis causam Physicam: Et non tantum facis socium criminis, sed etiam solum auctorem & executorem. Quanta autem sit blasphemia tua breui docebo.

Flud mendacissimus calumniator

& impostor. §. 9.

Flud nocerrimus exactor est perfidus, & mendacia persequitur ipse periturus, & litem sibi inferri agerrime calumniator patitur. Verba sunt Seneca 2. de ira c. 28. id est Flud, qui toties mendacij & calumniae Mercennium arguit, ipsemet mendacia & calumnias struit & ut incipiamus leuioribus, statim in limine operis, quo impetit Mercennium, ei imponit, quod opinatus sit acquirere sibi titulum sapientis solius & summi, eo quod scribens super Genesim, aliquos auctores, quos Flud recenset, confutet, quorum aliqui sunt Athei, alij cacomagi, alij haeretici. ita Flude Sisyphi saxum voluis, quod in te relabatur: tu igitur in tuis scriptis opinionem summi & solius sapientis aucuparis, qui nouitates coniectando te opponis grauius auctoribus, quales sunt S. Patres Dionysius, Damascenus, Thomas, quos nominatim citas & relictis, dum agitur de Angelorum constitutione. Tu igitur tua opinione sapientior Aristotele, Damasceno, & alijs, quos in meteq-

logia l. 4. membro 1. c. 3. vt vanos & stultis traducis, ed quod opinentur lucem esse accidens hoc friuolo argumento fultus, quod queretur lucem non esse opus primæ Diei, d aliquod subiectum substantiale præexistisse, cui lux inexistet. Quasi verò non possit accidens per diuinam virtutem extra subiectum coherere; vel gratis concesso, quod hoc non possit fieri, cogantur propterea prædicti auctores incidere in angustias contradictionis, vt tu fingis, cum secundum multorum Theologorum sententiam, distinctio dierum non pertineat ad opus creationis in rigore sumptæ, sed hæc præcedat saltem ordine naturæ, & nonne ex ipso textu Geneseos constat cælum, terrâ, vel saltem abyssum, quæ est aqua profunda, præcessisse lucis productionem, & deo quid absurdi, si dicamus aliquod subiectum præexistisse quod esset lucis vehiculum, vel lucem cum tali subiecto esse concretam? Hæc obiter ad refutandam Fludi iactantiam in carpendis probatis auctoribus: superfluum autem duco texere catalogum eorum, quorum opiniones derelinquit, vel redarguit; in quo aduerte qua fronte hac in parte ausus sit reprehendere Mersennum.

Videamus alia mendacia quæ profert versipellis: inter auctores, quibus à Mersenno iniuri notam atheismi, vel blasphemix, vel hæresis, vel ignorantix, vel stultitiæ ait Flud, numerantur Damascenus, & Thomas Aquinas, (de aliis enim non sum sollicitus) audito no-

mine Damasceni, quem ut potè Orthodoxum & Scholasticorum antesignanum veneratur Ecclesia Catholica, obstupui, dubius an saltem ignorantia argueretur à Mersenno. Nam refugit animus cogitare ipsum esse alijs notis affectum, & post multam inquisitionem, cum nō reperirem in opere super Genesim columnā 384. sicut citatur à Fludo, intuitum direxi in observationes ad Problemata Veneti, & pro D. Ioanne Damasceno (qui solus intelligitur, dum simpliciter profertur Damascenus ut etiam ex varijs locis Fludi videre est) legi Nicolaum Damascenum historicum non ita probatum, fecit itaq; fucum lectori Flud. Quanquam licet Mersennus D. Damasceno contradiceret in aliquo, & contra eius opinionem sentiret, non propterea eum ignorantia notaret, quanto minus stultitiā, ut facit Flud, cum mortalis homo scire omnia non teneatur, nec possit. Idem dicendum de D. Thoma, quem tantum abest, ut inscitia arguat Mersennus columnā 1151. quæ produci-
tur à Fludo: quin potius eius auctoritate reuincit eos, qui vim operandi mirabilia characteribus tribuunt.

Uterius calumniatur indifferenter Christianos l. 3. meteorol. membro 1. c. 3. tamquam inficiatores diuinæ immensitatis alligantes Deū cœlo empyræo, & negantes eum ubique essentialiter existere, sed tantum virtualiter. Sic-
cine Roberte apud Ethnicos causam agis Christianorū? nonne Ethnico præbes ansam

fugiendi Religionem Christianā tanquā pā-
m dignè sentientē de diuina maiestate? sed
ii sunt isti Christiani, si excipias vnum Cal-
ni de grege porcum Vorstū, teste Becano t.
tract. 1. c. 6. qu. 1. an non Christiani tuo iu-
icio S. Patres? quorum vt dixi in Dialectica
Christiana l. 1. c. 10. non tantū hecatonta-
es, sed etiam myriades proferri possent. Nō
possum autem quosdam sine iniuria aliorum
proferre. Lege Scholasticos ad qu. 8. partis
D. Thomæ.

Sed insignis & atrox est illa calumnia, qua
nter cacosophos refert Mersennum opusculo
illo, quod falso inscribitur, *Summum bonum*.
Et l. 3. certam. pag. 78. eò quòd, vt ipsi affin-
git, neget vnicuique nostrum adesse Angelum
custodem. Vbinam hoc negat ô Roberte, vel
qua coniectura duceris, vt asseras eum esse in
tali opinione? fortè quia negat esse in homi-
ne tres Angelos præsidēs & assistentes. Egre-
gia consequentia, quam certè mille iuga
broum non traherent: negat esse tres,
ergo negat esse vnum. Sed qua fronte
ausus est Fludus hoc imponere Mersenno
homini Christiano, Catholico, Religioso?
cū non solū ab ordinibus religiosis, sed
etiam ab vniuersali Ecclesia soleat quorannis
ex præscripto Pauli quinti summi Pontificis
recoli memoria Angeli custodis, & eius festū
celebrari. Verū vt dixit D. Augustinus 4. in
Iulianum c. 8. hæreticorum frons nō est frons:
frustra itaque laborat Fludus, vt nobis probet

dari Angelum custodem, & phantasma sibi format, cum quo luctetur.

Tandem referamne inter Fludi stultitias, an imposturas? quod tract. de præternaturali vtriusque mundi historia sect. 1. portione 1. parte 1. l. 3. in Epilogo (postquam dixit exstare adhuc paradisum terrestrem) subdit. *Hic ergo, inquit, manet, ut opinor, ille frater R. G. Iulianus de Campo cum gladio suo igneo, & mortem accedentibus comminatur.* Et stultia est, & impostura: quis est enim iste nouus Cherubinus? facessat Flud, & desinat toti mundo imponere. Nemo est tam rudis ut similia effusienti fidem accommodet.

Flud prophanus Babylonicus. §. 10.

Miscet Flud sacra profanis, siue quia ad ostentationem Polymathiae scientias Mathematicas attexuit historiae Physicae macrocosmi, cum potius debuisset Chymica, Georgica, & Iatrica tractare, si ut ipse docet ars uaturam corrigit in regno minerali, adiuuat in vetegabili, supplet in inimali. Nam in his ars est naturae simia, non verò in eo quod naturam speculetur: speculatiuae autem sunt scientiae Mathematicae, siue quia panniculos quosdam veterum Philosophorum vilibus suis veluti stupeis assuens nullo habito discrimine miscet cum auctoritatibus sacris malè connexis. Quid sibi vult ille tautologus, dum imitatus Agrippam 3. occultae Philos. c. 38. toties repetit

appetit Paulus hominem: & Xistus Pythagoricus
 ius animam templum Dei appellauerunt, micro-
 cosmi cap. 5. & Paulus cum Xisto Pythagoreo
 5. c. 2. & D. Paulus cum Xisto Philosopho con-
 ueniens. l. 7. c. 2. & D. Paulus etiam cum Xisto
 Philosopho conueniens. Ibidem c. 10. & à Paulo &
 Xisto Philosopho. lib. 8. & ut cum D. Paulo &
 Xisto Pythagoreo loquar, l. 12. c. 2. quasi verò
 equalis sit auctoritatis Xistus Pythagoricus
 cum D. Paulo, vel vnus ab alio sententiam
 auferit: profanus insuper est Eludus qui no-
 men dæmonis vsurpat promiscuè pro bono
 & malo, more profanorum, cum tamen ob-
 eruet Eusebius 4. de præp. c. 3. aliàs 5. nul-
 lum dæmonem à diuina scriptura bonum ap-
 pellari. Idem ante obseruarat Origenes 5. con-
 tra Celsum, & postea D. Augustinus 9. de Ci-
 uit. c. 19. profanus præterea qui formulas iu-
 randi profanas vsurpat, qualis est *me hercle*
 contra consilium D. Hieron. ep. 146. *Absit,*
inquit, ut de ore Christiani sonet Iupiter omnipo-
ens, & me Hercule, & me Castor, & cetera magis
portenta, quam numina. Quid diceret D. Hiero-
 nimus si audiret à Fludo 1. microcosmi c. 7.
 Deum trinum & vnum vocari Demogorgo-
 nem & alibi: in quo profanam fabulositatem
 agnoscas: i nunc Flude & alios profanos
 voca.

*Fludus dominarum Scripturarum
adulterator. §. II.*

VErùm hæc parua sunt: quàm profanus sit in tractanda Scriptura sacra discutiamus. Anastasius Sinaïta cap. 1. *ὁ δὲ πρῶτος* dicit disputationis duos modos esse, alterum per Scripturæ testimonia, alterum per probationes ex ipsis rebus petitas. *Qui nudus*, inquit, *firmiter est, & verior, nam verba Scripturæ depravari possunt.* Et ut ait Cassianus l. 7. de Incarnat. mos est hæreticorum ea quæ rectè dicta sunt, in adulterinum sensum pervertere, quod plenius docet Vincentius Lirinensis in Commonitorio cap. 35. quapropter non esse admittendos ad Scripturarum disputationem monet Tertullianus lib. de præscript. à cap. 15. hæreticorum exemplum hac in re exactè imitatur Flud, videas enim volare (ut verbis Vincentij utar) per singula quæque sanctæ legis volumina; per Mosis, per Regnorum libros, per Psalmos, per Apostolos, per Evangelia, per Prophetas, nihil unquam penè de suo profert, quod non etiam Scripturæ verbis adumbrare conetur, nam siue Alchimiam defendat, siue pro Cabala pugnet, siue magiæ patrocinium suscipiat, siue pro fratribus R. C. militet, siue animam mundi astruat, cernas prope nullam omitti paginam quæ non no-

ui, aut veteris testamenti sententiis fucata sit, & colorata. Sed tanto magis cauendus & pertimescendus est, quanto occultius sub diuinæ legis umbraculis latitat, scit enim fœtores suos nulli fere citò esse placituros, si nudi & simplices exhibeantur, atque idcirco eos cœlestis eloquij velut quodam aromate aspergit: vt ille qui humanum faciliè despiceret errorem, diuina non faciliè contemnat oracula. Itaque facit quod hi, qui paruulis austeram quædam temperaturi pocula, priùs ora melle circumlinunt, vt incauta ætas cùm dulcedinem præsenferit, amaritudinem non reformidet, quod etiam iis curæ est, qui mala gramina, & noxios succos medicaminum vocabulis præcolorant: vt nemo ferè, vbi superscriptum legerit remedium, suspicetur venenum.

Sed proferamus aliqua exempla, quibus appareat Fludum suis imaginationibus præuentum niti non tam se ad Scripturæ opiniones, quàm Scripturam ad suas accommodare, in quo non minus est reprehensioni obnoxius, quàm ille qui verba scripturæ corrumpit, nam vt ait Tertullianus supra cap. 17. tantum veritati obstreperit adulter sensus, quantum & corruptor stylus. Flud est in ea opinione, vt patet ex epilogo historiarum Physicæ macrocosmi, cui sunt duo rerum principia contraria, tenebrosa videlicet materierum

massa, & lux substantialis: addit, *Habemus Deum lucis patrem, habemus & diabolum principem tenebrarum.* Quibus indicat Deum non esse auctorem massæ materierum, sed diabolum. Cur enim Deus à se dominium huius massæ abdicaret, & in diabolum transferret, vel diabolo huiusmodi massæ principatum committeret, si Deus esset illius procreator? nam ut ait D. Ambrosius l. 1. de officijs c. 13. *Quis operator negligat operis sui curam: si iniuria est rogare, nonne maior fuisse, cum aliquid non fecisse nulla iniuria sit: non curare autem quod feceris, summa inclementia est?* consequenter Flud l. 7. microcosmi c. 4. à mundo visibili & materiali, cuius dæmō apud ipsum est princeps, abigit Deum. Hunc suum errorem loco prius allegato non confirmat quidem Flud vilo Scripturæ testimonio, quia ibi totius tractatus doctrinam in pauca contrahit: Sed tamen passim alibi in illius patrocinium affert illud D. Pauli ad Ephes. 6. *Non est nobis colluctatio aduersus carnem & sanguinem, sed aduersus principes & potestates, aduersus mundi rectores tenebrarum harum.* Quod in sensu literali & Physico intelligit Flud. cum tamē debeat intelligi in sensu Morali. Audi quid dicat D. Augustinus in Psalmum 54. explicans prædictum locum Apostoli. *Ne foris, inquit, cum dixisset mundi, intelligeres demones esse rectores cali & terra, mundi dixit tenebrarum harum: mundi dixit amatorum mundi;*

*mundi dixit impiorum et iniquorum? mundi dixit,
de quo Euangelium dicit & mundus eum non cog-
nouit.*

Secundò Flud perperam opinatur Deum
esse formam internam cuiuslibet rei. Sic l. 1.
Certam. cap. 2. ad tex. 1. ait, *Lucem istam in-
creatam internam lucis create formam esse audacter
asseuerare & vitam eius dicere desistam nunquam,
Quod stabilire conatur ex illo psalmi 18. Posuit
in sole tabernaculum suum. Quo loco utebatur
Manichæus dicens Christum, dum in cœlos
ascendit, reliquisse carnem suam in Sole, teste
Anastasio Sinaita cap. 6. ὁ δὲ πρῶτος, cum tamen
communior sensus sit Deum soli posuisse ta-
bernaculum in cœlis, & dato quòd sensus sit
solem tanquam cœli partem illustriorem esse
Dei tabernaculum, quid hoc ad Fludi opi-
nionem confirmandam, quòd Deus sit forma
interna Solis, quasi verò idem sit habitare,
quàm informare. Tertio quis risum conti-
neat, dum videt à Fludo probari flumina esse
animata ex illo loco Eccles. 1. *Flumina intrant in
mare, ac si pedibus reptet, & motu progressuq
ad mare sicut animalia ad stabulum prope-
rent. Quarto, quod est magis deplorandum,
quàm ridendum, ut probet Deum esse ubi-
que, vel terram esse animatam, inducit locum
Isaïæ c. 45. *Rorate cœli desuper, & nubes pluant
iustum, aperiatur terra & germinet Saluatorem. Si-
mili stultitia, sed minori impietate Manichæi
abutebantur hoc loco Genes. 1. *Germinet terra****

herbam virentem: O stultas Fludi imaginationes, qui loco veri sensus Scripturæ S. nobis idola cordis sui obtrudit.

Amica Fludi Compellatio. §. 12.

CVM à viris eruditissimis audierim te virum cordatum esse, qui nolis apertæ rationi refragari, nunquid vides Scripturæ sanctæ reconditos adeo sensus, nullus ut hominum ita possit eos recludere, ut absque vlla dubitatione, & cum Orthodoxæ fidei certitudine credat illos à Spiritu sancto proficisci? An igitur dubius hæres, vir oculatissime, tibi cum aliis Catholicis, à quibus in tuis recessisti parentibus, ad illam veritatis columnam esse confugiendum; in quam ipsorum inferiorum portæ ne quidem hilum valeant? Apage tuum Calvinismum, & si quid penis amplexus es animi solitâ mortalibus imbecillitate.

Maacte animo, si veritatis sis amas, ad illam te conferas quæ nulli sit errori obnoxia, ut te fratrem, & charissimum matris nostræ filium amplectamur. Neque enim dubius sum quin iam pluribus erroribus Philosophicis liberissime renunciaris, præsertim verò Geomanticis punctulis, & inutilibus Astrologorum decretis, ut nobis spes magna supersit te brevi dogmatibus Heterodoxis nuntium ita remissurum, ut ad firmamentum veritatis, Ecclesiam dico Catholicam velut ad sacram anchoram apellas:

quod faxit Deus Op. Max. cuius veniam sumus imploraturi si te paulò duriùs in gratiam amici nostri exceperimus, quippe qui neque tibi nec vlli alteri respondere voluerit, suis Harmonicis, quibus omnes ad concordiam redigat, totus intentus. Nos interim pergemus, non animo quidem hostili, tametsi verba sonare videantur aliter, sed vt te ad ingressum in ouium verè Christianarum ouile compellamus, quæ sanguinem Christi corporeum (absit vt diabolicum, more tuo, nuncupent) in tremendo Eucharistiæ Sacramento, vt pote Dei verbo vnitum, adorant.

Consule, obsecro, singulas S. Scripturæ paginas, si quem locum nanciscaris aded clarum, vt nullus tuum, vel alterius nõ sequatur in eo interpretando iudicium: quid clarius vltimi testamenti verbis, quibus testator diuinus, Christus Dominus se panẽ corpus suum facere, & vino sui sanguinis essentiam accommodare? Et tamen Calvinista fingit nihil præter signum institutum esse. Quod vt suadeat, susque deque vertit omnia, vt tuus ille Scripturarum adulterator Molinæus assolet cum reliquis Anti-apostolis quos, iam tuo velim animo tantisper obuersari. Dicit Molinæus germanum esse verborum istorum, *Hoc est corpus meum, &c.* sensum esse, *Hoc est figura corporis mei*: estne hæc infallibilis explicatio, quæ sit absque vlla formidine, suspitioneque falsitatis? an implicat te, vel Molinæum in tuo

sensu, tuâque docipi sacrarum literarum interpretatione? absit, cum in vestra Confessione profiteamini nullam esse hoc in mundo authoritatem, quæ sit in explanando veræ Scripturæ sensu infallibilis.

An igitur huc illuc absque certo ductore palantes semper aberrabimus? numquid à Deo nobis ullum est veritatis tribunal relictum, quod consulamus in dubiis? Columnam Ecclesiasticam amplectere, Roberte charissime, si nolis à vero fœlicitatis scopo discedere; nec enim, si fueris arcâ salutis conclusus, aquis obrueris, viuesque in æternum si Christi carnem, tam ore quàm mente Orthodoxorum more sumpseris. Quod ubi feceris, non solum præterita, sed & sequentia æterno silentio libenter obruemus: tuncque non solum cane-
mus cum Ecclesie, *Hac est dies quam fecit Dominus, exultemus, & lætemur in ea*; verum etiam de Chymicis, Astrologicisque rebus tecum per amicas litteras, deque Harmonicis differe-
mus. Adde quod singulis diebus Deum Opt. Max. perpetuis laudibus efferes, qui te libera-
rit à perditionis laqueis, & in arcam noui fœ-
deris reduxerit: hoc est, ô Fluide, quod omnes à Dei misericordia postulamus: tantummodo Dei gratiæ desis, quæ pulsat continuò ad tui cordis ianuam, & ad salutem te singulis mo-
mentis inuitat.

Fluid

Flud Alchymista ridiculus.

EST qui miretur quòd sicut Archimedes motus cælorum in sphæra vitrea exhibuit, ita Fludus mundi creationem in cucurbitula demonstrare conatus est, vt proinde possit dici,

Ingens in fragili luditur orbe labor.

Miramur magis quòd non valdè improbat deliramentum eorum qui dicunt arte chymica posse formari hominem, de quo factam esse experiētiam Parisiis, ni fallor, narrat alicubi. non admodum etiam reiicit illam fabulam quam refert lib. 5. Anatomix mysticæ cap. 6. nempe in corpore humano dari os quoddam minimum, quod Hebræi *luz* appellant, magnitudine ciceris mundati, quòd nulli corruptioni obnoxium, nec igne quidem vincitur, ex quo velut planta ex semine in resurrectione mortuorum corpus nostrum animale repullulascat. in quo cum quibusdam aliis Alchymistis insinuat naturalem esse resurrectionem. Respondet forsitan hæc recitatiuè, non assertiuè à se dicta esse, quare ipsum alibi loquentem audiamus, scilicet lib. 2. prædictæ Anatomix cap. 3. vbi agit de naturæ in corpore humano alchymia & laboratorio, vbi postquam dixit chylum conuerti in sanguinem, & naturam vegetabilem. verbi gratia, fruges transire in naturam animale, addit, *Quòd autem*

D

34 *Confutatio dogmatum*

animalis irrationalis substantia in illā rationalis migret, & vice versa neminem latere, aut dubitare scio sequitur cōclusio digna Fludo, Hinc ergo, inquit, contemplationum quidem excellentissimorum fundamenta depromi possunt, & questionēs atque dubia valde ardua produci, utpote an bestiae substantia (imò verò & illa vegetabilium in corpus & substantiam humanā conuertere queat? an corporis bestialis seu vegetabilis futura sit die ultimo resurrectio? cum idem operatione naturā iam fiant, eadem scilicet caro & ossa cum corpore humano, cuius pro certo erit à morte ad vitam æternam resurrectio. quod si sequatur, petatur an in natura sit potestate ita animalia irrationalia, imò & ipsa vegetabilia præparare, ut corpora ipsorum conuersione scilicet in corpus humanum per resurrectionem possint in æternum vivere; & addit falli eos qui dicunt huiusmodi operationes extra naturæ potestatem existere. hō excellentissimas contemplationes, & ardua, dubia in officina cerebri seu cæli cælorum Fludani formata! quàm arduum est intelligere quòd fruges & caro animalis cedant in pabulum homini, & consequenter quis ignorat quòd alimentum transit in substantiam aliti? Sed præterea estne dicendum quòd corpus brutale & plantale resurget; quòd erit beatum, vel miserum? nonne materia vel corpus sumit nomen à forma quam ultimò sortitur, non autem ab ea sub qua primum fuit? Deinde dic nobis aperte, ô Rober-te, an sicut viribus naturæ fit accretio,

ita futura sit resurrectio vt subindicas. quod si fateris, iam te opponis torrenti Sanctorum Patrum, & aliorum Doctorum, qui dum agitur de Anastasi visa ethnicis impossibili, recurrunt ad Dei omnipotentiam.

Sed dicet quis, ad eandem recurrit Fludus; nam præmiserat quod naturæ passivæ anima interna est ipsamet Dei substantia, & ideo falluntur qui dicunt huiusmodi operationes esse extra naturæ potestate. n. Sed in primis errat Fludus in eo quod existimat Deum esse animam internam, de quo aliàs, & inter errores Stoicorum numerat Laërtius lib 7 Instit cap. 3. qui vno naturæ nomine duas res diuersissimas comprehendunt Deum & mundum, artificem & opus; dicuntque alterum sine altero nihil posse, tanquam natura sit Deus mûdo permixtus: nam interdum sic confundunt, vt sit Deus ipse mens mundi, & mûdus sit corpus Dei Deinde esto tam nutritio quàm resurrectio sit à Deo, est tamen alio atque alio modo: nam nutritio est à Deo vt auctore naturæ, resurrectio verò ab eo vt operante supra exigentiam & debitum naturæ: nutritio est à Deo vt cooperante & concurrente, cum facultate altrice naturali propria animalis: at resurrectio à solo Deo.

Flud tenebrio socius furum

SI videbas furem, currebas cum eo, & cum adulteris portionem tuam ponebas. quod meritò cadit in Fludum, cuius ingenium ita est versatile, vt nullius mores, nullam Religionem respuat. Gloriosum ducit includi velut in equo Durateo cum Hæreticis, Magis, & Atheis, contra quos pugnat Mersennus. Sed pro nulla societate ita acriter militat Fludus, ac pro ea fratrum Rosæ Crucis, qui tenebriones occultè dogmatizant, & in antro, vt vocant fraternitatis, in quo vt latrones delitescunt, & hoc more veterum & recentiorum Hæreticorum. Sic Manichæi dicti sunt clancularij à D. Augustino: ita Dioscorus & Ioânes Ægeates clam perniciofa dogmata disseminabant: ita Calvinus in cella vinaria suorum errorum initia iecit. nec mirum quia qui malè agit, odit lucem, & omne quod manifestatur lumen est. Fratres autem prædicti nolunt fieri manifesti, & venire ad lumen, ne arguantur opera eorum, vnde inuisibiles dicuntur non præ nimio lumine, quicquid prætensi Illuminatissimi dicant, sed præ tenebris, & in vmbraculis allegoricæ interpretationis eorum doctrina latitat, & est negotium perambulans in tenebris. nam si à Fludo quæretur quæ sit illa domus occulta, quam inhabitare dicuntur, respondebit quod est sa-

scientia, ita lib. 4. certaminis, & qua cruce
 rotentur, respondebit internâ, quæ est sa-
 pientia mystica. & cur Rosea, quia sangui-
 ne Christi aspersa, *Argutia ista sunt, ô Ro-
 berte, ut apparet, atque acumina hæc omnia,
 quibus fulcire solemne est malas in iudiciis cau-
 sas, ut cum Arnobio loquar quinto contra
 Gentes refellente allegoricam Mytholo-
 giam Deorum: O delicati milites Christi,
 vobis magis placet Crux rosea, quàm spi-
 nea: nam & vestra confraternitas instituta
 est inter computationes & conuiuia in Ger-
 mania, in cuius gurgustiiis solet suspendi co-
 rona rosea, quæ conuiuas admonet silentij,
 iuxta illud cuiusdam Poëtæ*

*Inde rosam mensis hospes suspendit amicis,
 Conuiuia ut sub ea dicta tacenda sciat.*

*Flud Astrologus fatarius, immò
 fatuus.*

SI cor tuum non esset fatuum, non crede-
 res fatum, ait D. August. tract. 37. in Ioan.
 quare non debet succensere Flud si ita au-
 diat cum aliis Astrologis & Genethliacis, à
 quibus non degenerat, immo superat in fa-
 tuitate: nam si aliqui, ut Iulius Firmicus, re-
 ferente Alexandro ab Angelis in opere con-
 tra Astrologos, dixerunt stellas audire &
 videre, in eadem naui est Flud, qui non
 tantum cælo debet tribuere sensum, sed
 etiam rationem, cum tribuat terræ.

Secundò fingunt Mathematici, vt refert Seruius in sexto *Æneidos*, quòd fingulorum numinum potestatibus corpus & anima nostra connexa sunt ea ratione quia cùm descendunt animæ, trahunt secum torporem Saturni, Martis iracundiam, libidinem Veneris, Mercurij lucri cupiditatem, Iouis regni desiderium. Similia ex Platoniciis aliquantum diuersa refert Macrobius in Somnio. Flud in Genethliologia agens de mentis cum anima & spiritu medio in infimã mundi regionem descensu, ait, quod recipit voluntatem à primo mobili, actionem à firmamento; vim receptiuam à Saturno, vim naturalem à Ioue, irascibilem à Marte, vitalem à Sole, concupiscibilem à Venere, phantasticam à Mercurio, & vegetatiuam à Luna. Similia habet in historia physica microcosmi, sed & amplius ait quòd anima in transitu suo gustat de proprietatibus intelligentiarum, scilicet de igneo Seraphinorum intellectu atque dono charitatis, à Cherubinis scientiam, à Thronis iustitiam, à Dominationibus virtutem, à Principatibus reuerentiam, à Potestatibus fortitudinem contra Dæmones, à Virtutibus illuminationem & miracula. Gustat etiam de secretis Archangelorum, & Angelorum in officiis, annuntiationibus, obedientia.

Tertiò, Astrologi quidam asstruunt fatum, quod humanæ voluntati iniicit necessitatem. Flud docet Astra in furtis & vitiis simi-

ibus imponere necessitatem, & præterea
introducitur quendam Dæmonem olympi-
um fatalium executorem, quem alligat ani-
mæ, & cuius manus sit influxus æstorum
promouere. Vide num hoc hauserit ex Pla-
tonis somniantis fonte in tomo de Repub.
Platonici enim dicebant animas, antequam
in corpus præcipitarentur, imponi quibus-
dam vehiculis, & ei leges fatales edici, &
ut refert Marsilius Ficinus in Comment. ad
prædictum librum de Repub. in fine, dari
Dæmones in fatali itinere duces animarum
descendentium, ita ut alij alias ducant ani-
mas, Saturnij quidem saturnias, Martij mar-
as, &c. addit: hoc deinceps vitæ duce sub-
iungunt iam animæ tria fata ita statuente Dæ-
mone ordinis totius executore: quid in his
omnibus habeat illud simile cum Priscillia-
istis, videre poteris apud D. August. hæresi-
o, locum postea producam, & huiusmodi
animarum descensus reiiciam.

Flud Cacomagus Geomanticus.

MAGI appellationem non renuit Flu-
dus, licet magia simpliciter & abs-
que restrictione nunc malè audiat. quàm
rigidè autem à se remoueat suspicionem
Cacomagiæ, attende ex libro tertio Certami-
nis, ubi ait non egisse de magia supersti-
tiosa, grati eam tuendi, sed eius errores &
vanitatem detegendi. Sed satius fuisset eam

tegere, si nolebat refutare. curiosis enim, quibus hoc seculum abundat, propinat venenum, & non adhibet antidotum. Debit meminisse illius quod Actorum Apostolicorum 19. scribitur multos, qui fuerant curiosa sectati, contulisse libros, & combussisse: & eius quod refert auctor Dæmonomania in refutatione Vvieri, ferè initio, scilicet iuvenem quendam nomine Lolianum fuisse exilio mulctatum, & bonis spoliatum, eo quod librum magiæ exscripsisset.

Secundò, cum ei obiicitur, quod agit de proprii Dæmonis inuentione, respondet non ex propria mente egisse, sed ex mente veterum Magorum. Itane Flude proximorum saluti consulis, qui noxia exponis, & alexipharmaca non adhibes? Sic Illyricus & Cardanus rationes contra animæ immortalitatem proponunt, & insolutas relinquunt. Sic Atheus ille Lucilius Vaninus, ut introducat latenter Atheismum, introducit discipulum suum loquentem. Ita Euripides, ut ait Eusebius 14. præp. cap. 6. quamvis Arcopagitarum formidine, non omnino se aperuerit, Sisyphum tamen induxit quasi huius opinionis, scilicet, Deos non esse, protectorem, & quibuscumque rationibus sententiam eius tutatus est.

Tertiò, Cacomagorum Flud est patronus, quales sunt iam dicti fratres Crucis Roseæ, quales præterea Apollonius Tyanæus, Apuleius, Cornelius Agrippa, de cuius morte &

atro cane comite qui se in Ararim præcipitem dedit Paulus Iouius in elogiis Doctorum, Manichæi quoque, quos sæpe imitatur, erant magiæ addicti.

Quartò Flud nūquam persuadebit, quantumvis expertus in scientia Geomantica, si dicenda sit scientia, se potuisse reuelare quæ reuelasse ait circa furtum, circa mortem hominis in bello occisi, 7. Microcosmi cap. 9. absque cōmercio cum Cacodæmone, quod interuenire inter hunc, & Genethliacos docet D. August. 2. de doctr. Christ. cap. 23. & 5. de Ciuit. cap. 7.

Flud Hæreticus.

AN Flud sit Lutheranus, vel Calvinianus, an Lutherano-Caluinista, non apertè manifestat. Verumtamen quia simia semper est simia, non potuit ita dissimulare, quin aliquomodo se proderet, & velut fluctus feri maris suas confusiones despumaret. nam alicubi agens de ritu Eucharistiæ, ait, *Apud nos in Ecclesiis Britannicis panis consecratur*, quo indicat se esse de numero illorum quos vocant Impanatores, constituentes Corpus Christi simul cum pane. nam neque huiusmodi consecrationem, neque realem præsentiam Corporis Christi in Eucharistia recipiunt Calvinistæ, sed siue sit Puritanus, siue Lutheranus, siue vnus è fratribus Rosæ Crucis, consequens est, vt quia

42 *Confutatio dogmatum*

talium secta est damnabilis, Flud quoque pro paritate sit plectibilis.

Verùm si alicui non videtur sufficiens siue ad damnandum eum tanquam hæreticum, quòd sit vel Lutheranus. vel Calvinista, vel frater Rosæ Crucis, ex ore ipsius eum iudicemus. ore enim spurcissimo multas hæreses, immò blasphemiam euomit. de blasphemia mox dicam, nunc aliquas eius hæreses tægo. cum Luthero sentit quod anima sit ex traduce, cum eodem & Caluino quòd non sit sui iuris, cum Manichæo & Priscilliano, quòd sit particula diuinæ substantiæ.

Passim eius doctrina redolet Manichæissimum. Manichæi Deum esse rerum omnium Creatorem negabant: nam ponebant præter Deum aliud principium increatum, *Tradunt*, inquit Harmenopolus lib. de sectis, & *duo principia bonum & malum, siue Deum & materiam*: Flud præter Deum vult materiam primam esse increatam, vel saltem an hæc sit creata dubitat. Manichæi, teste Nemefio lib. de homine c. 2. dicebāt vnā solam animam omnium quæ vbique sunt: Flud vnā animam mundi cognoscit. Illi asseriebant animam, teste eodem, esse corpoream: hoc idem asserit iste. Illi deblatterabant animas bonas eius, cuius Deus est, esse naturæ: in tali errore est Flud. Illi duo regna statuebāt, vnum lucis, aliud tenebrarum: iste ait quòd duo sint principia contraria, lux substantialis, & massa tenebrosa. Illi volebant re-

gnum tenebrarum esse immensa magnitudine dilatatum: idem de Fludo testatur effigies materiæ seu massæ rudis sub forma fumi nigerrimi, quæ habetur lib. 1. Microcosmi cap. 4. in qua vndequaque scribitur, & sic in infinitum. Illi comminiscabantur gentem tenebrarum pugnasse contra gentem lucis: iste explicans fabulam Demogorgonis, intelligit massam tenebrosam per litigium, quod rebelle superioribus fuit, & ad terram detrusum à Demogorgone. Manichæi dicebant principium illud, quod dicitur malum, non esse reuera principium, sed immanem quendam principem tenebrarum: apud Fludum tenebræ habent suum principem. Illi, ut ait D. Augustinus lib. de hæres. c. 46. peccatorum originem non libero arbitrio voluntatis, sed substantiæ tribuunt gentis aduersæ. Iste asserit odium, vitium, malum, & similia à tenebris Diaboli nuntiis procedere. Manichæus quasi manna fundens à sectatoribus dicebatur, qui se de cælo Illuminatos esse asseriebant, & seipsum spiritum Sanctum esse dicebat: Flud est de numero eorum qui se illuminatissimos vocant, & luminis occulti, seu manna absconditæ (ut 2. Certam. loquitur) seu sapientiæ lucidæ possessores. Manichæi, ut tradit Harmenopolus, Lunam & sydera ceu Deos adorari volebant: Flud Solem Deum naturæ appellat. Illi in suorum figmentorum patrocinium Scriptura sacra abutebantur: hic eadem

44 *Confutatio dogmatum*

suas imaginationes statuminare, vt vocabulo ab eo cuso vtar, conatur. Illi, vt refert Nemesius, affirmabant puras quidem animas in lucem excedere cùm sint lux; quæ verò à materia contaminatæ sunt, abire in elementa: hic 8. Microf. cap. 1. ait, quod miserrima est illa anima, quæ mentem negligens corporali animæ adhæret: nam facta talis animæ & corporis dissolutione, mens fugit propriis alis sursum, & relinquit eam in luto terreno, seu hylæ voragine obscuratam: tandem Manichæi, teste D. Augustino, dicebāt esse in homine duas animas confligentes vnam bonam, aliam malam: an non simile quid dicit Flud iam allegatus, & p. 83. Certaminis, vbi triplicem animam seorsum separabilem distinguit, ita vt suprema nunquam damnetur, quia nunquam malo consentit.

Flud blasphemus & impius.

QUÆ potest maior esse blasphemia quàm dicere Deum esse auctorem scelerum. nam iustitiæ fontem iniustum nominare, omnem blasphemiam superat, nec vllam maioris blasphemie causam relinquit, vt ait Theodoretus serm. 9. de prouid. Ego verò hæc talia vel in literas referens, vereor ne tantæ blasphemie participem me efficiam, vt cum Anastasio Sinaita in Duce viæ cap. 15. loquar, vel cum Cyrillo Hierosol. Cath. 6.

polluimur ista dicentes ,

*Damna aures Pater alme meas, & claude meatus
Obrutescentis capitis, nec peruia tales
Concipiat flexura sonos, est perdere tanti
Extinctum vita officium de parte cerebri,
Immunem modo sese anima expertemq; nefandi
Auditus felix stolidam conseruet ab aure:
Quis ferat hæc iniecta Deo conuitia?*

Versus sunt Prudentij in Hamartigenia execrantis talem blasphemiam. quam inter Atheïsmos Caluini refert Claudius Sanctus tract. 5.

Quanta autem sit impietas, qualis blasphemia, disce ex Patribus: nam ait D. Ambrosius i. Hexam cap. 8. quod feralis hæc sententia atrocissimam iniuriam Deo infert. Et D. Augustinus lib. de duabus animabus cap. 6. quod peccati auctorem Deum nemo nisi sacrilegus dicat. Eusebius Cæs. 6. præp. cap. 5 quod hoc dogmate nihil scelestius excogitari potest. Et Philo Iudæus lib. de profugis, *Si mortali, inquit, parenti conuiuiatus luit supplicium, qua pæna dignus videri potest qui male loqui sustinet de parente, Creatorèque rerum omnium? & quod potest esse conuiuium grauius quam contendere non ex nobis mala provenire, sed ex Deo?* Non plura modò de hac blasphemia, iterum eam exagitandi recurreret occasio, cum de errorum Fludi breuiculo, vbi loca illius afferemus.

Flud Atheus nullius Religionis.

HÆreseum omnium sedimentum est Atheismus. Si autem aliqua doctrina ducit ad Atheismum, maximè Calvinismus, cuius est hæc feralis sententia Deum esse auctorem peccati quod perinde est ac dicere Deum non esse. immò satius esset negare Deum, quàm ei talem iniuriã irrogare. Audi D. Basilium lib. quod Deus non sit auctor malorum, *stultus igitur, inquit, & verè sensu alienatus, qui dixerit non est Deus. Similis item huic est, qui tanta insania capitur, ut Deum malorum causam dicat. parque priori scelus existimaverim, quoniam ambo Deum similiter negant. Alter quidem non esse omnino dicit: alter verò non bonum esse affirmat. si enim est malorum causa, non bonus est: si non bonus, neque Deus itaque utrobique est negatio Dei.* Quibus præterea gradibus quis in Atheismi barathrum deuoluatur, docet Odoardus Vvestonus Anglicus li. 3. de triplici hominis officio cap. 17. Verùm non est alia via pronior, ut mihi videtur, quàm pruritus discendi curiosa. Quanta autem prurigne in hoc labore Fludus, patet ex artibus, quas pertractat, nempe ludiciaria, Chyromantica, Genethliaca. Geomantica. Egregiam verò descriptionem animæ gyrouagæ, palantis & fluctuantis inter varias opiniones, & in fato quiescētis accipe ex S. Iuliano ep. 36 ad Iouium, *Proprij, inquit de anima, status exul*

per omnes cogitationum suarum, aut alienarum opinionum devias vias spargitur, per Philosophos vaga, ac per ariolos curiosa, superstitioni religiosa, religioni profana spem inter ac metum semper ambiguis affectionibus pendens, hinc omni vento cuiuslibet doctrina circumlata, quia diuini timoris vacua sapientia caput non habet, quasi truncis sensibus, unde intellectum rerum trahat, ubi sententiam statuat ignara, cum se frustra omnibus caelo, terræque regionibus pernegata cogitatione distraxerit, in creaturis conspicuis & in omnibus vacuis casuum, atque fatorum vim uniuersam, qua mundus agitur, constituit tam falsi, prauique tenax, quam nuntia veri.

Paradoxon fortè alicui videbitur quod Fludum, qui tam magnificè & religiosè de Deo, & Trinitate loquitur, repono inter eos, qui sunt primæ, aduicæ siue Indeitatis & non solùm inter defensores secundæ putà Hæreticos, vt loquar cum Philotheo Patriarcha Constantinop. in Encomio sanctorum Patrum Basilij, Gregorij, Chrysostomi. At cessabit hæc admiratio, si perpendamus quoddam Propheta psalm 13. non ait, *Dixit insipiens in ore suo non est Deus*, quia, vt aduertit D. Augustinus, nemo audet dicere, etiamsi ausus sit cogitare. & hoc docemur exemplo Lucilij Vanini, qui suum Athei mum rexir vsque ad vltimum spiritum exclusiue.

Accedat quoddam vt postea euincam ex Fludi doctrina, hauriatur praua de animi immortalitate opinio: ex hac autem indeitas, vt ita

48 *Confutatio dogmatum*

dicam. Cuius præterea non leue argumen-
tum est religionum indifferentia : nam, vt
dicit Tertullianus alicubi, pluralitatem Deo-
rum, nullitas Deorum est : ita pluralitas re-
ligionum, nullitas Religionum est. At Flud
docens secundo Certaminis pag 37. tam
Romanos quàm Lutheranos esse luminis oc-
culti & sapientiæ possessores, est de genere
Politicoꝝ, quales fuerunt Symmachus &
Themistius, qui orat. 17. laudat Valentem
Imperatorem quòd permittat cuique Deum
colere suo ritu, qui, vt ait, rationem & viam
qua coli velit, non præscripsit : sed cuiusque
iudicio & volùtati permisit : & addit Deum
delectari varietate opinionum circa ipsum,
& ideo se occultauit. Idem dixerat orat. 11.
ad Iouinianum, eadem ratione vtitur Sym-
machus apud Prudentium lib post. contra
ipsum sect. 7. dicens, *Vno itinere non potest perue-
niri ad tam grande secretum.* Sed veriùs & pru-
dentiùs locutus est verè prudens ille Poëta,

Longè aliud verum est, nam multa ambago viarũ

Anfractus dñbios habet, & perplexius errat:

Sola errore caret simplex via nescia flecti

In diuerticulum, binis nec pluribus anceps.

Non ero longior in euellendo isto stupido
errore, quod quiuis in sua fide ac religione
saluari possit : nam iam in simili argumento
versatus est Leonardus Lessius in appendice
Consultationis, quæ fides & religio sit ca-
pescenda. Erras, ô Roberte, & vehementer
erras. Si enim, vt ais, homo religionis Lu-
theranæ,

theranæ simul cum homine Religionis Romanæ est particeps sapientiæ lucidæ quæ ducit ad vitam, cur non Arrianus, Macedonianus, Nestorianus, Eutychianus, Pelagianus, Donatista, Calvinista, &c. Erras, inquam, nam sicut vnus Dominus, vna fides, vnum Baptisma : ita debet esse vna Religio, qua colatur Deus, ad quem diuersis contrariis semitis non potest perueniri,

*Simplicis ergo via dux est Deus, ille per vnam
Ire iubet mortale genus.*

Sed quid Lutherano cum Romano? quæ participatio iustitiæ cum iniquitate? quæ societas lucis ad tenebras? quæ cōuentio Christi ad Belial? quæ pars fidelis cum infideli? nonne Lutherani dissident à Romanis in pluribus fidei capitibus? Dissident in numero Sacramentorum, in necessitate operum, in libertate ea exercendi, &c.

*Ite procul gentes, consortia nulla viarum
Sunt vobis cum plebe Dei.*

Tempus est vt colorum varietate dimissa errorum Fludi copiosissimam densitatem in quibusdam manipulis colligamus : vt fidei calculo numerata horreis memoriæ compendiosa breuitate condatur. Verba sunt Cassiodori paucis mutatis, lib. de an. c. 19.

Delibatio errorum Fludi.

PRæfabor cum D. Hieron. i. aduersus Iovinianum ferè initio: proponam breui-

ter aduersarij sententias, & de tenebrosis libris eius quasi de foueis serpentes protraham, neque sinam venenosum caput spiritali maculoso corporis protegi. Insistam autem præsertim in examine historiæ Physicæ Microcosmi, in qua tamen de anima nostra loquens est tam lubricus, ut vix teneri queat. Nolumus tamen mirari, si eius sententiæ se collidant. nam mentitur iniquitas sibi, & impios arripit spiritus vertiginis, dicat quantum volet Fludus se ephecticè loqui, & recitatiuè, non assertiuè; recurat ad sensus mysticos, & dicat latere mysterium, operæpretium me facturum arbitror, ne fucus fiat Lectori, & ea quæ scribuntur à Fludo, & minimè improbantur, in sensu plano refellam. de eius obseruationibus Astrologicis iudicet alij, spernant alij Chiromantica, irrideant alij Cabalistica, execrentur alij Geomantica & Genethliaca, in soli Physiologia gradum sisto. naturam Dei, Angeli; & animæ humanæ tueri immaculatâ à spurcitiis Fludi mihi propositum est, extra hanc lineam non excurro. quantum enim intersit ad salutem sentire de Deo in bonitate, cum sit obiectum nostræ felicitatis, nemo nescit. sicut enim hîc audiemus: ita & illic videbimus. Multum etiam interest rectè opinari de Angelo, qui, ut ait S. Gregorius Nyssenus, est frater animæ. tum quia aliqui Angeli nempe boni sunt. per gratiam diuinæ consortes naturæ, & gloriæ cohæredes

Quanti autem sit momenti rectam habere de anima nostra opinionem, quid attinet dicere? quis enim pietati operam det, si sibi persuasum habeat eam non esse sui iuris, eam esse interitui obnoxiam? quare breviculum errorum Physiologicorum Fludi in tres classes diuidam. non sunt tamen omnes eiusdem gradus, & eadem censurâ digni: nam aliqui sistunt in gradu temeritatis, alij pertingunt ad hæresim, alij ascendunt vsque ad blasphemiam.

Primus ordo.

FLVD Theologaster, sutor vltra crepidam ineptè admodum loquitur de rebus diuinis: nam in Meteorologia Cosmica lib. i. cap. 7. tam confusè loquitur de Verbo, vt videatur internum & subsistēs cum externo & accidentali confundere, & Spiritum cum aëre & vapore, & i. Microcos. cap. 7. de Patris sapientia, ait, *Hic Demogorgon trinus & vnus, siue hac Trinitatis medietas.* Si Filius est trinus & vnus, quid Pater & Spiritus sanctus sunt in Trinitate? quod si Filius est medietas, igitur Pater & Spiritus Sanctus altera medietas. cum quia ratio partis non habet locum in Deo, vbi est numerus absque numero, vt volunt sancti Patres, vt D Aug. tract. 39. in Ioannem, qui & tres cōtra Maximinū c. 10. negat personas esse partes vnius Dei, & hæresi 74. damnat eos qui diuidunt

deitatem in tres partes. Notantur etiam Manichæi qui dicebant Iesu Christi substantiam esse partem substantiæ Patris æterni. De Patre & Spiritu Sancto non est sanior loquela lib. 10. Microcos. cap. 1. vbi cum auctore libri de anima cap. 10. enumerans varias significationes Spiritus, ait, *Etenim ipse Deus dicitur spiritus, atque sic etiam aërem istum & ventum ac flatum ad cordis thalamos attractum nuncupamus spiritum*: quasi verò sic & eodem modo dicatur spiritus quo Deus. & cum eodem auctore cap. 9. loquens de identitate spiritus & animæ, ait, *Idem spiritus ad seipsum dicitur, & ad corpus anima*. Sed addit quòd idem sunt essentia, sed proprietate differunt non minus quàm Pater in Trinitate à Spiritu Sancto, qui tamen ambo idem sunt essentia supersubstantiali. Inepta planè comparatio nam Pater & Spiritus Sanctus distinguuntur proprietate personali reali: at inter spiritum & animam neque realis neque personalis distinctio est. sed eandem rem vocamus animam prout informat corpus, & spiritum quatenus contemplatur vel intelligit. Deinde si stendo est in eius comparationibus, sequitur aut Patrem & Spiritum Sanctum non habere eadem naturam, aut quod eandem habeant aër & ignis; agēs & patiens; materia & forma: nam ibidem dicit quòd spiritus & anima differunt vt materia & forma, vel agens & patiens, vel aër & ignis.

Secundò de Physica Dei perfectione detrahit, conuellendo multa eius attributa vt simplicitatem, actus puritatem, infinitatem inmutabilitatem, dum docet Deum venire in compositionem, quod est consequens ad id quòd asserit nempe Deum esse formã & animam internã mundi. & in eo quòd vult mentem humanã esse de eadem essentia, cuius est mēs diuina hoc enim est facere Deum partibilem. sed nominatim malè sentit de diuina immensitate: nam quamuis hac in parte imponat Christianis vt visum est cum de eius mendaciis: tamen tract. 1. Microcosmi sect. 1. lib. 3. cap. 9. ait, quòd non aliter Deus est vbique præsens quàm Sol ratione radio- rum, quod est esse tantum præsensem virtualiter, & non secundum præsentiã substantialem, & lib. 7. cap. 4. ait, quòd in sanctis Scripturis legitur quòd Diabolus sit mundi visibilis & materialis princeps, qui sui regni visibilis summitatem non minus possidere cupit, quàm rerum Creator in vniuersalis peripheriæ cacumine constanter sedere creditur: & 4. Macrocos. c. 10. esse vbique mediante Sole.

Tertiò sentit de Deo in malitia, perfectionem Dei moralem destruit de eius sanctitate detrahendo, dum eum facit auctorem omnis peccati: ex his erroribus duos assumo confutandos, quorum vnus pertinet ad perfectionem physicam, alter ad moralem.

Deus apud Fludum est forma interna, & anima mundi.

EThnici aliqui, vt Ægyptij, quorum hac in re superstitionem exprimit Orpheus apud Euseb 3. præp. cap. 3. aliàs 9. existimauerunt hunc mundum esse magnum quoddam animal, cuius caput est cælum, Sol & Luna sunt oculi, æther est mens, reliquæ mundi partes reliquum corpus conficiunt. quod dixi de Ægyptiis testantur versus Serapidis apud Macrobiū 1. Satur. cap. 20.

*Sum Deus ijs constans membris tibi qualia dicā
Ornatus cali vertex: venter mihi pontus:*

Sūt mihi terra pedes: summo stant ætheris aures.

Sunt oculi nitidi splendentia lumina solis.

Idem tribuitur Platoniciis, & expressè habet Alcinoi in breuiario doctrinæ Platonice cap. 12. eadem de causa Lactantius 7. institut. cap. 3. reprehēdit Stoicos qui dixerunt mūdum esse corpus Dei ipsū animantis, vbi postquam subministrauit multas rationes qualis est illa fore vt dum terra aratur, Dei membra lacerētur, subdit, *Quod si hoc vanū & absurdū est, tam igitur ipsi eguerunt, quā hac indigent sensu, qui non perspexerunt diuinum quidem spiritum esse ubique diffusum, eoque omnia contineri, non tamen ita vt Deus ipse, qui est incorruptus, grauibz & corruptibilibus elementis misceatur.* Notatur etiam Varro à D. Augustino

lib. 4. de Ciuit cap. 31. & lib. 7. cap. 6. Platonicos secundum corticem literæ intellectos secuti sunt quidam noui Platonici, vt Iordanus Brunus apud Mersennum agerem contra Deistas parte 2. c. 16. & noster Flud mox citandus, quibus omnibus præiuisse videtur Trismegistus in Pimandro cap. 10. dum ait, *Itaque mundus ex materiali quodam & intelligibili compositus est: mundus animal primum, homo secundum, post mundum animal.* Hæc generatim de anima vniuersali mundi: nam de eius partibus præcipuis fuerunt variæ opiniones, & generalis ethnicismus fuit astra esse animata, & Deos esse, vt videre est apud Eusebium 1. præp. cap. 6. & Theodoretum ser. 3. contra Græcos.

Haftenus de iis qui dixerunt mundum esse animatū, & quidē cā anima quæ sit ipsemet Deus. nunc proponenda opinio eorum qui hanc animam esse aliquid aliud à Deo dixerunt. Flud tract. 1. Microcosmi lib. 4. cap. 10. postquam dixit quod mundi anima secundum nonnullos est essentia quædam omnia replens, omnia ad centrum vsque penetrās, omnia colligans atque connectens, vt vnā reddat totius mundi machinam, sitque tanquam vnum Monochordum tribus creaturarum generibus resonans vnico flatu tantummodo, & vnicā vita, deinde quasi aliam opinionem subiiciens, ait, *secundum alios describitur anima mundi esse virtus Dei, & quasi ipsius naturæ Deus* (sic loquitur de Sole) *sem ani-*

56 *Confutatio dogmatum*

ma media natura per quam Deus in mundo ubique esse, cum implere, moderari, iugiterque conservare dicitur; & paucis interiectis, quam quidem animam in Sole præcipuè collocari crediderunt: & postea infert his verbis, Concludimus igitur hanc mundi animam esse quasi lucis primo die creata ætæ & essentiam submittentem sese ex cælo empyreo per cæli crystallini cribrum in inferiora, & seipsam quarto die in Sole tanquam in cæli ætherei centro & corde congregantem, ac exinde circulariter ubique sese eiaculantem & extendentem. Et in Medicina tract. 1. sect. 1. pag. 1. lib. 2. cap. 1. ait, quòd mundi anima nihil est aliud quàm lucis immortalis ab æternitatis radio missæ cum subtilissima & dignissima naturæ humidæ seu aquarum è tenebrosi chaos sinu exilientis portione unio: & 1. Certaminis spiritum empyreum seu lucem creatam esse mundi animam, cuius actus internus est Deus, & animam mundi hoc modo sumptam fusè propugnat lib. 2. Certam. & ducit rationem unam ex eo quòd debent attrahi igniculi qui sunt in aëre atomi vitæ, & scintillæ in spiritu mundano natantes, quibus debet nutriri animal; in quo vides quòd Epicuri fabros reducit. Attamen si Flud intra hos limites se continuisset, erroris notam non propterea meruisset; neque si tantum voluisset mundum esse metaphoricè animatum, vel Deum esse eius animam extrinsecam & assistentem, quomodo solent explicari Platonici: & bene ait Philo lib. quòd
mundus

mundus sit incorrupt. quod prouidentia est anima mundi. at Flud vult præterea Deum esse formam & actum internum mundi, neque ullam causam formalem creatam agnoscit, ex quo capite malè audiunt Almariansi apud D. Thomam 1. p. q. 3. a. 8. dicentes Deum esse principium formale omnium rerum: & propterea hæc Almarici doctrina non tam ut hæretica quàm insana damnatur cap. 2. de summa Trinitate, ut refertur in Decretalibus Gregorij IX tit. 1. & reuera, ut ait Eusebius citatus, non est pium coniunctum mundo Creatorem, ut animam corpori putare: adesse autem ipsum vniuerso mundo, prouidere, ac gubernare Scriptura diuina docet: & ratio est quia si Deus esset forma informans, esset imperfectus, veniret enim in compositionem cum creatura, & haberet rationem partis quæ est minus perfecta quàm totum, & esset subordinatus actioni agentis superioris vnientis ipsum cum comparte, non enim physicè se vnit anima cum materia.

Et ne quis dicat quòd dum Flud ait Deum esse formam, hoc intelligit de extrinseca & in genere efficientis, non autem quod ingreditur compositionem, audiat quid dicat lib. 3. Microcosmi sect. 1. cap. 9. Proinde forma increata seu cæli Trinitatis substantia, quæ merè & in se forma est, existit spiritus seu substantia cæli empyrei anima: & cæli empyrei compositio est spiritus ætherei forma; ac illa denique cæli

58 *Confutatio dogmatum*

ætheri substantia est forma creaturarum & partium cæli inferioris. Audisti compositionem ex Deo & cælo : tum quia passim ait Deum esse actum internum, quod est proprium formæ componentis. tum quia excludit l. 1. Certaminis, omnes causas formales præter Deum. in quo hominis constantiam agnosce, qui iam citatus docet cæli empyrei compositionem esse formam spiritus ætheri, & lib. 2. Certam. quod spiritus inspiratus in mundum ei loco animæ specificæ se habeat.

Dictis supra accedat quod D. Hieronymus epist. 59 ad Auitum, inter errores Origenis refert illum de animatis astris, & dicere alias creaturas præter Angelum & hominem esse capaces intelligentiæ, est dicere esse capaces beatitudinis. in quo errat præterea Flud, vel potius delirat dū mari, terræ, & aliis partibus mundi tribuit vitam, sensum, & rationem. Suam autem matæologiam conatur stabilire ex multis Scripturæ locis : & inducit ad hoc trium puerorum Canticum, & responsionem præoccupat dicendo, quod est stulta distinctio de vero sensu, & ratione metaphorica. Ain Flud? igitur tenebræ sunt animatæ, quia suo modo benedicunt Domino. Igitur stulti tuo iudicio sancti Doctores Ecclesiæ, qui in huiusmodi Scripturæ locis agnoscunt sensum metaphoricum. Sic Cæsarius dial. 2. interrogationi 104. & obiectioni, quæ sumitur ex Cantico, respondet quod creaturæ lau-

dant Deum, in quantum conferunt homini, cuius est laudare. Benedicunt igitur, quia benedicendi præbet occasionem, & in Scripturis frequens est prosopopeia. Possem huc sigillatim singula loca perpendere, sed ex vno vel altero simile sit de aliis iudicium: & ex vno vel altero sanctorum Patrum testimonio disce modum explicandi Scripturas, ac primum audiat S. Basilii, qui in Comment. in Isaiam illud capitis primi, *Audite cæli, & auribus percipe terra*, ait sumi metonymicè, addens, hoc eò dixerim, ut ne qui vestrum stent se hinc pertrahi in fraudem erroris, ut arbitrentur cælum & terram animata esse. In eodem loco metonymiā etiam agnoscit D. Hieron. & addit, *Quidam cælū & terram quasi animantia ad audiendum prouocari putant, iuxta illud quod in alio loco dicitur, qui respicit terram, & facit eam tremere, cum hoc potestatis Dei sit, non terrena intelligentia.* Puto quòd simili delirio ac Flud laborabat Xerxes dum iussit mare flagellari. Pari quoque stultitia detinebantur olim Germani digni risu, qui, ut refert Philo Iudæus libro de Somniis, solebant æstuantī mari occurrere strictis gladiis, quasi mare esset timoris & fugæ capax. Non aliter igitur sentit mare & obedit, quā quia diuinæ potestati non potest reluctari. Pro quo iterum audiat D. Hieronymus, qui explicans illud Matthæi 8. *Tunc surgens imperauit ventis & mari*, ait, *Ex hoc loco intelligimus quòd omnes creature sentiunt Creatorem; quas enim in-*

crepauit, & quibus imperauit, sentiunt imperantem non errore Hæreticorum, qui omnia putant animantia, sed maiestate Conditoris, quæ apud nos insensibilia, illi sensibilia sunt.

Sed insurgit cum magno bombo quasi decumanus fluctus Flud, *Microcosmus*, inquit, *est animatus, ergo & macrocosmus*. O plumbeum pugionem! quasi verò non sint aliæ analogiæ inter hominem, & mundum. Simile argumentum proponunt Stoici apud Lactantium 1. Instit. cap. 6. qui postquam directè respondit hominem neque generari à mundo, neque mundi tãquam animalis esse partem, & proinde non rectè inferri mundum esse sensibilem, eo quòd homo sit sensibilis, sic retorquet argumentum. nam si mundi pars est homo, & sensibilis est mundus, quia homo sentit: ergo quia mortalis est homo, mortalis sit & mundus necesse est: nec tantùm mortalis, sed etiam omnibus morbis & passionibus subiectus Scio quòd Flud huiusmodi consequentia admitteret, nam apud ipsum terra est magnum animal, habet suam expirationem & inspirationem Fluxus & refluxus se habet vt diastole & systole. & quod sunt morbi in homine, hoc sunt aliqua meteora in mundo: & hoc verum esse secundum quandam analogiam & accommodationem damus: adduci autem non possumus vt credamus terram, mare, cælum & similia esse prædita vero sensu, & ratione. nam & à tali errore abhorret sensus & ratio.

Deus omnium scelerum est auctor.

Hic libet exclamare cum D. Hilario lib. contra Constantium Augustum iam vita functū non longè ab initio: O miseræ aures meas! quæ tam funestæ vocis sonum audierunt. Sed ne quis dicat nos imponere Fludo, ipsum audiamus sect. 2. Microcoismi lib. 1. cap. 2. *Accidit etiam nonnunquam ut Deus spiritum mendacem propriis suis Prophetis immittat, quo melius impios irretiat, & ad ruinam inopinatam eos adducat. Vnde 1. Reg. 22. tandem prodiit quidam spiritus qui consistens coram Iehoua dixit, ero spiritus mendacij in ore omnium Prophetarum:* in qua impietate Flud superat Mahometem mitiùs de Deo loquentem apud Euthimiū in Panoplia parte 2. tit. 24. & dicentem, *Quem Deus ducit, ille rectè ducitur: & quos ille in errorem immedit, illi sunt qui deseruntur.* At secundum Fludum Deus datâ operâ impiōrum saluti insidiatur, & nihil minus cogitantes ad ruinam adducit, & errorum laqueis irretit, & non solum deserit lumen, quo possent laquei cuitari, retrahendo. ex quo videas quàm meritò dixerit Guilielmus Reginaldus lib. 3. Caluino-Turcismi cap. 17. hac in parte Calvinistas, quorum est hæc blasphemia (ait enim Calvinus 1. Institutionum, verius destructionum cap. 18. §. 2. quod à Deo manat efficacia erroris) peiores esse Mahometanis.

62 *Confutatio dogmatum*

Verum ne quis dicat prædictam blasphemiam excidisse Fludo per incogitantiam, propugnat illam in Medicina tract. 1. sect. 1. p. 1 lib. 1. cap. 6. ubi postquam ore spurcissimo euomuit quod Deus est auctor boni & mali, tam in Macrocosmo quam Microcosmo (loquitur autem de omni genere malorum, nihil discriminis ponens inter malum poenæ & malum culpæ: nam talem distinctionem habet ibi pro friuola.) Subiicit quod est tam proprium Dei hominem in errorem inducere, quam beneuola faciei suæ luce eum beate: ita erocitat cum coruis nepe parentibus, contra quos pariter erocitantes edicit Concilium Trident. sess. 6. can. 6. his verbis, *si quis dixerit non esse in potestate hominis vias suas malas facere, sed mala opera, ita ut bona Deum operari non permisiuè solum, sed etiam propriè & per se, adeo ut sit proprium eius opus non minus proditio Iudæ quam vocatio Pauli, anathema sit.*

Præterea c. 7. ait, *Nonnumquam ipsum Deum contractina sua proprietate, videlicet lucem faciei auferendo, operari peccata puniendi causa cernimus.* Et post allatum illum locum Apostoli 2. Cor. 4. *Deus huius seculi excæcauit mentes infidelium,* infert, *Unde liquet quod sint tam spirituales quam corporea & palpabiles tenebræ, quibus Deus tam spiritum internum, quam externum obtebrare solet: & iterum, Nonnumquam corda hominum obdurat, & peccare facit, ut potestatem in eos exercendo, honorem, gloriam, & omnipotentiam*

mundo enarret. Siccine, Flude, sentis de Dei bonitate? ex fumo in ignem incidis, vt Græcis est in prouerbio: nam vt vites principiū mali, quod Deo coæternum ponebant Manichæi, non ausi illud Deo tribuere, qua in parte es ipsis detestabilior, Deum facis auctorem peccati, id est, iustitiam causam iniustitiæ, bonitatem malitiæ, misericordiam sæuitiæ, fortitudinem imbecillitatis, scientiam ignorantia, lumen tenebrarum, calorem frigoris, medicinam ægritudinis, prudentiam stultitiæ, splendorem rubiginis, munditiem turpitudinis. Itane quarum rerum vltor est Deus, earum & auctor esse credendus est? Si licet vti verbis Fausti Rhegiensis 2. de grat. & lib arb cap. 3. vt de comedente exeat cibus. certè non inde manat iniquitas, vnde iustitia, vt ait Prosper 2. de vocat. Gentium non longè à fine,

Inuentor vitij non est Deus, Angelus illud

Degener infami conceptum mente creauit.

Sic Prudentius in Hamartigenia, qui iterum post multa pergit:

Nil luseum de fonte fluit, nec turbidus humor

Nascitur, aut prima violatur origine vena.

Miror, Flude, cur tuum Mercurium deseris? cur Platonicos? Platonizas enim persæpe de Mercurio piè in hoc negotio sentiēte, vt testatur caput nonū Pœmandri, & caput decimum quartum, ex quo aliqua laudat S. Cyrillus Alex. 2. contra Apostatam Imperatorem ad tex. 5. de Platone, testis est liber se-

64 *Confutatio dogmatum*

cundus de Repub. Laudant præterea Platonem Clemens Alex. 5. Strom. cap. 7 Eusebius 13. præp. cap. 3 Theodoretus in Therap. sect. 5. nec à magistro dissentiunt discipuli Porphyrius 2. de abſtinentia, Maximus Tyrius differt. 25. At quid ego Ethnicos contra Fludum & ſimiles profero? qui non tantum ſanctos Patres teſtes locupletiffimos reſciunt, ſed etiam Scripturis ſacris licet luculentiffimis fidem abrogant. non ſolum præterea ſollicitus in exponendis Scripturis in ſpeciem oppoſitis, quas ſæpius iam in bonam partem expoſitas à noſtris obtrudit. irrideat quantumvis Calvinus otioſum, ut vocat, permiſſum Dei, & vocet friuolam ſolutionem, quæ ſumitur ex ſanctis Patribus, nempe quod cæcitas, obduratio, & peccata ſint à Deo tantum permiſſivè: maiorem fidem adhibeo D. Auguſtino, & aliis Sanctis, quam Calvino, aut Fludo, *Obduratio Dei*, inquit D Auguſtinus 1. ad Simplicianum qu. 2. *eſt nolle miſereri, ut non ab illo irrogetur aliquid, quò ſit homo deterius, ſed tantum quò ſit melior, non irrogetur.* & ſanctus Anſelmus in libro de concordia prædeſtinationis cum libertate cap. 2. *Deus mala, quæ non facit, dicitur facere, quia permittit: nam dicitur hominem inducere, cum non emollit, ac inducere in tentationem, cum non liberat.* Amplectimur item illam diſtinctionem de malo pænæ, & malo culpæ, tanquam utilem ad enodandâ multa Scripturæ loca, & agnoverunt ſancti Patres, ut Baſilius homilia, quod
Deus

Deus non sit auctor malorum, vbi ait quòd peccatum est propriè malum pendens à nostra voluntate, at reliqua mala sunt à Deo partim ad bonos exercendos, partim ad melandam eorum, qui deliquerunt.

Licet prædictæ opinionis euerfio (quam abominandam & detestandam vocat S. 1. propter respondendo ad obiectiones Vincen- tianas) fit eius manifestatio, sicut ad capien- dam feram in sylua latentem, satis est fieri venatoribus manifestam, quæ est compara- tio D. Irenæi l. 1. c. 35. tamen aliqua supersunt examinanda, quibus suam blasphemiam tueri vtcunque videtur Fludus, si priùs te monuero illum manifestè abuti loco illo, 1. Regum cap. 12. ad probandum, quòd Deus, propriis Prophetis immittit spiritum men- dacem (ex quo est consequens quòd Deus quem impossibile est mentiri, sit quoque mendax;) nam spiritus ille qui comparuit, non fuit proprius Dei Propheta, qui non potest magis mentiri quàm Deus, cum Deus per eum loquatur. Sed fuit Angelus erroris & dæmon, vt docet D. August. l. 83. quæst. in 53. cui Deus laxauit habenas acquiescens eius postulationi, & permisit decipere. Vt taceam quòd aliquando in sacris paginis im- peratiuum præsens sumitur pro futuro, & significat euentum, & non mandatum.

Obtendicula aduersarij. §. 22.

Primum est, quia operatio mala est de ge

nere operationum : at si credimus Fludo sacra scriptura docet. quòd Deus solus est auctor omnis operationis , igitur est auctor prauæ. Minor clara est ex illo loco act 17. *in ipso enim uiuimus, mouemur, & sumus*, in illo 1. Corinth. 12. *diuisiones operationum sunt, idem uerò Deus, qui operatur omnia in omnibus*: quibus locis per modum glossæ affuit sequētia Fludus in Certā. l. 1 ad tex. 3. *quibus, inquit, luculenter docemur, quòd non sit ipsa natura creata, quæ reuera hac operatur, sed ipse Deus inducens creatura imaginem seu effigiem, & in creaturis centraliter existens, isque quasi organus utens, ut mediantibus voluntatem suam tam in cælis, quàm in terra exequatur.* Secundum est, quia rigor & horror blasphemix Fludanæ uidetur molliri & mitigari, ex eo quòd dicat Deum peccata operari propter gloriam suam. Propter quod uidetur Deus immunis à culpa. Nam intentio bona totam actionem perfundit sua bonitate.

Ad primum non est operosum respondere, & quidem primus locus præcipuè intelligitur de benefico influxu, quo Deus nos cōseruat. Secundus de operibus gratiæ quæ speciali titulo Deo omnium bonorum maximè supernaturalium fonti tribuuntur, & generaliter dicitur quòd prædicta loca & similia, quibus docemur Deum omnia operari, cōtendunt ut intelligamus in omnibus actionibus Dei concursum interuenire, qui tamē rectè cohæret cum Dei sanctitate Nec

propterea fas est dicere Deum esse auctorem peccati, incitare & impellere ad peccata. Nam ait S. Chrysostomus hom. 23. in Acta præstare centies defodi quam Deum per nos malorum auctorem audire. Concurrit itaque Deus etiam in operibus prauis, in voluntatem tamen creatam, quæ est causa particularis debet refundi culpa. quæ voluntas quodammodo extorquet & rapit à Deo concursum & cooperationem, ut explicatiùs habet D. Anselmus Dialogo de casu diaboli c. vlt. & potest confirmari ex illa comparatione elegantissima ut vocat D. Augustinus epi. 28. quam facit D. Hieronymus 1. contra Rufinum, sci' licet quòd licet aliquis frumentum furatus sit & manu immunda terræ mādauerit, non tamē desinit terra fouere. quia vitium non est in tritico, quod furto sublatum est, sed in eo qui furatus est: ita non est vitium in Deo licet adulteris seminantibus corpora, creet animas. Pari ratione si aliquis diuinum concursum suffuretur, non est vitium concursus, si prodeat actio, cui est annexa malitia ex vitio illius qui talem concursum quasi Deo inuito extorquet. Nec debet Deus subtrahere illum, sed potius officio suo fungitur. nempe causæ vniuersalis si illum conferat.

Ad secundum dicitur quòd semel positum peccatum, & à creatura commissum cedit quidem in g'oriam Dei, quatenus Deus ex eo elicit aliquod bonum. Nam prudētia lo-

lerris est etiam malis commodè vti, vt ait Synesius ep. 57. scit enim Deus fugere mel de petra, & oleum de saxo. Scit de l. inis colligere vuas, & de tribulis ficus. At quòd Deus procureret peccata, quæ odio prosequitur, & quæ ipsum offendunt, vt inde capteret gloriã, hoc est quod non possumus audire. Nec sunt facienda mala vt eueniant bona vt docet D. Paulus ad Rom. 3. ex quo loco colligitur, quòd si peccatum directè promoueret gloriã Dei, quicumque committit peccatum, esset potius dignus præmio quàm supplicio, tantopere conferens ad gloriã Dei. Et si sunt facienda mala vt eueniant bona exemplo Dei, quilibet potest licitè furari vt elemosynam largiatur. Potest fornicari vt prolem suscipiat quæ Deo inseruiat. Denique si ad honestandam prauam actionem ex genere suo, satis esset bona intentio, vel quòd ex ea resultet aliquod bonum, hac defensione etiam Iudas se defendere posset. Oportebat enim pro omnium salute crucifigi Christum, vt rectè discurret Synesius citatus, & de facto Cainæ vt refert Tertullianus l. de præscript. cap. 47 gratias habebat Iudæ eo quòd præuidens fructum ex passione Christi colligendum, Christum tradidisset. Idem de eisdem vocans Caianos narrat Epiphanius hæresi 38.

*Secundus ordo eorum, qui pertinent
ad Angelum. § 23.*

IN tertio ordine errores circa animam re-
teram, quare hac in parte breuior ero,
quia vt ait Nyssenus, Angelus est frater ani-
mæ, & habet similia lineamenta. Vnde non
est mirum si Flud loquendo de Angelo in
multis lapsus est, cùm tam multipliciter er-
rauerit in Psychologia. Sumo autem Ange-
lum prout se extendit tam ad malum quàm
bonum, licet frequentius nomen Angeli su-
matur in bonam partem. ac in primis vide-
tur Flud nullam agnoscere differentiam spe-
cificam & essentialem inter Angelum & ani-
mam. Quod veresimile fit ex eo quòd ait
animam transire in demonem, qui transitus,
circumscripto morali, non videtur aliter esse
possibilis, quam eo modo quo volunt Pla-
tonici, nempe quòd dæmon sit animus ex-
tus corpore: præterea ducitur coniectura
ex eo quod apud Fludum Angeli & animæ
sunt creaturæ cœli empyrei, & sunt eiusdem
texturæ. tandè ex eo quod anima sit in cor-
pore vt nauta in naui, & proinde assistat,
quod est proprium substantiæ completæ, &
non formæ informantis

Secundò, errat in eo quòd extollit Ange-
lum supra Deum. nam si existimat animam
esse de Dei substantia, immò ipsam æquat

nis, & non potiùs ex propria voluntate & demérito? si sic, incidit in piurú Manichæismum, qui est diabolus esse suapte naturâ malum: meliùs Leo Hebræus Dialogo 2. de amore tractans prædictâ fabulam, per chaos intelligit materiam primam, & per litigium contraria elementa, iuxta id Poëtæ initio transformationum,

Frigida pugnabant calidis, humentia siccis.

Quintò, perperam sentit de Angeli facultate actiua, & libertate: nam vt iam in effigie dictum est, docet errare eos qui dicunt Angelum aliquid agere, ex quo consequens est carere libertate.

Sextò, errat quoad mores dæmonû; nam existimat malum Angelum posse resipiscere, & ad viam rectam & sanctam posse institui, contra veram Theologiam, quæ asserit Angelum, ex quo cecidit, non resurgere: & ne dicas ipsi imponi, audiamus ipsum in Genethliologia l. 3 p 3 c 7. vb. postquam dixit dæmones elementares referri ad planetarios, infert, *Vnde facillimum erit inuenire qualis dæmon elementaris in natiuitate dominum, & curam habuerit ac potestatem in corpus nati, qui tamen dæmon imperatur & regitur à mentis præside, non aliter quàm seruus à suo domino, & in recta ac sancta via instituitur, si anima media, & eius dæmon mentem magis respiciant quàm elementarum: ex quo etiam infertur quod genius ille elementaris de se neque bonus, neque malus est moraliter: sed indifferens vt viam*

virtutis, vel vitij capeſſat, quod eſt contra fidem orthodoxam, quæ eſt, Angelorum eſſe duas ciuitates & ſocietates, vnã bonorum, aliam malorum non quidem naturæ ſuæ, ſed ratione ſtatus, quem ſortiti ſunt pro meritis vel demeritis: nullus enim eſt Angelus, qui non ſit vel à Deo auerſus per peccatum, & in malitiã obfirmatus; vel ad Deum conuerſus, & in gratia confirmatus.

Septimò, malè opinatur de dæmonum habitatione nam 7 Microſmi cap. 4 ait Zodiacum eſſe diuerſorium quorundam vltorum horribilium incitantium ad ignorantiam, triſtitiã, inconstantiam, cupiditatem, iniuſtitiam, luxuriam, deceptionem inuidiam, fraudem, iram, temeritatem, malitiam: non video autem quinam ſint illi vltiores, niſi illi qui ſunt miniſtri iuſtitie Dei, prauitamen, nam boni non ſunt horribiles. ſed fallitur Fludus, nam ex quo mali dæmones debellati ſunt à bonis, non eſt inuentus ampliùs locus eorum in cælo, quod eſt Angelorum bonorum metropolis, vt loquar cum Theophilo Alexandrino, hæc pauca, alia poruiſti notare ex dictis, & notabis ex dicendis.

*De Angeli constitutione apud
Fludum. §. 25.*

FLV D de Angelorum natura diuersis in locis loquitur, sed diuersimodè constans in sua inconstantia. In Macrocos. l. 4 c. 6. ait se sentire cum August. omnes Angelos in initio creationis suæ corpora aërea habuisse & paucis interiectis lineis ait conflatos è spiritualibus cæli empyrei elemētis In Meteorologia l. 3. de causa meteororū, ait quod Angelus est ex aëre rāquam corpore & luce, ignea rāquam mente quæ lux est increata. & libro secundo capite 4. quod omnes creaturæ viuunt de aere, & consequenter Angeli, qui tamen cibo inuisibili & immateriali vtuntur, quem nullum alium existimo esse quàm obiectum, circa quod versantur; & ibi valdè æquiucè loquitur de Angelo confundens cum vento, & dicens quod ventus est naturæ Angelicæ, & consequenter potest dicere quod Angelus est naturæ ventosæ, non videns quod illi qui illud Psalmi, *qui facis Angelos tuos spiritus*, explicant de ventis Dei nūntiis, non loquuntur de Angelo qui est natura intellectualis, & longè alio modo est spiritus, ac ventus. Deinde vide quomodo cum præcedentibus maxime quod dicit de luce increata, possit conciliari quod ait in Medecina tom. 1. tract. 1. sect. 1. pag. 3. lib. 5. cap. 2. nempe quod species

Angelicae fiunt ex spisso lucis creatae, quae est in empyreo: tandem lib. 4. Macrocosmi cap. 7. ait quod daemones, qui utpote Luciferi in Septentrione magis habitant, artus calefaciendos soli exponunt. Habent igitur artus, & membra organica. Dicat nobis Fluddus an nativae, an ascititiae & assumptae; si assumptae de foris, quid curant de illis calefaciendis, an ex frigore sentiunt dolorem, ut facit corpus humanum ex societate animae intrinsece informantis? Deinde ignis latens & lux ex qua Angelus componitur, nunquid est sufficiens ad pellendum frigus. Si corpora organica sunt nativae, ubi est differentia inter Angelum & animam, vel daemone[m] & hominem? Praeterea si habent artus, non igitur sunt expertes quantitatis, quam tamen negat in Angelis 4. Macrocosmi cap. 1. & tract. 1. Microcosmi lib. 8. cap. 3. an forte alia est constitutio Angeli, alia daemonis? cum tamen daemon nihil amiserit de naturali constitutione.

Sed nullibi clariùs & fusiùs aperit suam mentem de Angeli corporatura, quàm in meteorologia l. 1. membro 2. c. 2. dicens contra Damascenũ, Thomã, Dionysiu[m], cum Basilio, Origene, Gregorio, Mercurio Trismegisto, & tota Academicorum schola, Angelum esse substantiam corpoream: aduocat & subsidium Cabalistarum, qui vocauerunt Angelum alteritatem. At inquit replicabũt Thomas, Damascenus, & alij illius sectae agnos-

emus materiam in Angelis, sed verè spiritua-
lem. Quibus inquit replicamus, quòd
stella non sit. ideo à corporis notione remo-
uenda, quoniam est densior pars circuli sui,
qui spiritus est æthereus, & per consequens
est valdè tenuis, & rarus. Porro etiam cor-
pus vnicunque rarum & inuisibile, non ma-
gis à corporis legibus est remouendū, quàm
quod est grossum & visibile: at videmus
stellam esse corpus visibile densum. nonne
igitur negandum est spiritum etiam æthe-
reum esse pariter corpus licet inuisibile?

Hæc Fludus quoad vnā partem, ex
qua conflatur Angelus. nam postea quoad
aliā, dicit Angelorum internum esse lucem
increatam, & externum esse interni specu-
lum. vnde dicuntur agalmata, & probat
quia ratione illius interni dicitur Angelus
esse in rubo aliquando, & alias Ichoua: &
in nominibus Angelorum reperitur hæc syl-
laba *el*, id est Dei.

Refellitur. §. 26.

PEccat in multis Flud, nam præter contra-
dictiones supra notatas, hæc est insignis,
nempe vult Angelos esse corporeos; & ta-
men, vt tetigi, vult esse expertes quantita-
tis. quod non potest fieri naturaliter: (nam
non negamus quin diuinitus possit materia
subsistere absq; quantitate) nam ex materia,
quæ cōstituit ex parte corpus de genere sub-

stantiæ, profluit necessario quantitas & corpus de genere substantiæ, dicit necessariū ordinem ad corpus mathematicum, ut vocant, quod constat tribus dimensionibus. Ceterum quicquid non est corpus, sed corporeum & pertinet ad corpus quale est accidens materiale, dicit respectum ad materiam præditam quantitate. Secundò ad hominem, an substantia empyrei, ex cuius elementis vult esse conflatos Angelos, est expertis quantitatis? An corpus rarum licet & tenue, quale est spiritus æthereus, stando in eius comparatione, est expertis quantitatis? cum rarum sit quod sub magna quantitate siue extensione parum habet materiæ, densum è conuerso. An-ne igitur dicendum erit Angelos esse expertes quantitatis, si sint corporei, quantumuis eorum materia sit rara & tenuis? an aër expertis quantitatis, ex quo constat corpus Angelicum? an aqua, cuius portio empyreum attestante Fludo?

Secundò, principaliter, si Flud volebat niti auctoritate Patrum loquendo de constitutione Angelica, cur non prætulit eos qui ex professo tractarunt de hac materia. præsertim sanctū Dionysium, qui, ut ait D. Thomas opusculo 15. cap. 17. super alios quæ ad spirituales substantias pertinent, excellentius tradidit? Sed hoc parum est, fortè hoc fecit studio adhærendi Platoniciis, & recedendi à Peripateticis & Scholasticis, apud quos iam censetur temerarium docere An-

gelos esse corporeos. Sed cur nominatim citauit Basilium & Gregorium, relictis iis qui apertius suffragantur? cum D. Basilius hom. *quod Deus non est auctor malorum*, loquendo de diabolo, dicat quod eius natura est incorporea. Gregorius quidem, nempe ille qui magni mensuram nominis implet, (nam Theologus & N. ssenus manifestè refragantur) 2. Moral cap. 3 ait quod Angelus est corpus, sed comparatione Dei, quia est minus simplex, & propter illam rationem Angelus potest dici alteritas, quia deficit à summa vnitatem, puritate & simplicitate Dei, quæ doctrina valet pro explicandis aliis Doctoribus in speciem aduersis. quam explicationem potuit Fludus discere ex illo suo auctore libri de spiritu & anima cap. 18. vbi ait nihil incorporeum præter Deum, quia infinitus, incircumscribitus, & simplex: & addit alias naturas intellectuales esse corporeas, quia loco circumscribuntur: & quod anima respectu naturæ incorporeæ, quæ summè incommutabilis ubique est, corporea est.

Tertiò, si volebat sequi ductum rationis, maioris sunt momenti illæ quæ faciunt pro Angeli immateriali simplicitate: nam corporatura Angeli velocitatem retardaret, viuacitatem intellectus obtunderet, vim permeandi corpora hebetaret, nec possent tam multi simul in eodem hominis corpufculo sibi occurrere, vt factum legimus Lu-

cæ 8. vbi habetur dæmonum legionem hominē obsedisse, & inhabitasse. At dicit Flud 4. Macrocos. c. 2. post aliquot Scholasticos malè intellectos, non fore Angelos capaces actionis & passionis, nisi consent materia & forma. quæ consequentia nulla est: nam si semper opus esset vna parte quæ ageret, & alia quæ pateretur & reciperet, tolleretur omnis actio immanens & vitalis, quæ debet recipi in eodem principio, à quo procedit. & ad hoc munus satis est, quòd aliquid constet actu, & potentia, quod habet eo ipso, quòd eductum est è nihilo Vrger Fludus 8. Microcosmi cap. 3. cum pseudo-Augustino toties citato supra, vt plagia eius appareant, Angeli loco circumscribuntur, igitur sunt corporei. Respondemus quòd circumscribi loco, ita vt pars rei parti loci respondeat, est quidem proprium corporis: at circumscribi loco, id est definiri, & esse in vno certo loco, & non in alio est proprium cuiuslibet creaturæ, non autem solius corporis: & ad hoc sat est rem circumscribi terminis essentiali, & non esse infinitam & immutabilem.

Quartò, ostendit Flud se esse ignarum doctrinæ D. Thomæ, dum ait quòd Thomas & alij illius sectæ replicabunt in Angelis esse materiam spiritualem, nam D. Thomas cum sequacibus i. p. Summæ qu. 50. art. 2. negat in Angelis esse vllam prorsus materiam, & certè si esset aliqua physica constitutiva corporis, esset quoque affecta certis dispositio-

nibus, qualitatibus, & determinata quantitate: alioquin, quid inferuisset Angelo? Et si D. Thomas, vel quiuis alius orthodoxus diceret esse in Angelo materiam spiritalem, hoc intelligerem de vi receptiua accidentis, quæ in creatura incorporea gerit munus simile ei quod præstat materia in creatura corporea: neque sumerem materiam spiritalem chymicè, vt sumit Fludus suo more, nempe pro corpore vaporoso, & tenuis consistentiæ.

Quintò, chimericum est quod dicit Flud Angelum compingi ex increato tanquam interno, & creato tanquã externo, & proinde ex duabus personis fieri vnum tertium. Nam citra vnionem hypostaticam, quæ fit in incarnatione, inauditum est & impossibile, quod Deus veniat in compositionem alicuius. Fatemur quidem Deum omnibus rebus adesse, omnia permeare, creaturis illabi: at quod sit forma informans alicuius, cum quo cõstituat vnum tertium; non possumus audire, hoc enim esset Deo iniuriã inferre, vt visum est in primo ordine næuorum: quàm pulchrum est in opinione Fludi videre dæmonem esse compositum ex aliquo corporeo, & ipsomet Deo: at inquit Flud Angelus est speculum & agalma quod, sumpsit ex D. Dionisio 4. de diuinis nominibus, quem tamen hac in parte reijcit: nunquam autem venit in mentem D. Dionisio, vt diceret Deum intrinsecè ingredi compositionē

110 *Confutatio dogmatum*

Angeli: & speculum debet esse omnino distinctum ab eo quod repræsentat. & vult duntaxat quod sit imago Dei ad eius similitudinem quoad fieri potest expressa, bonitatisque eius speciem præ se ferens, siue recipiēs vniuersam, si fas est dicere, figuræ diuinæ bonitatis pulchritudinem: quod militat contra Fludum. Si enim Angelus esset corporeus, non ita bene, nec quantum possibile est. repræsentaret Dei, qui est incorporeus, pulchritudinem. Secundò, concedimus quòd Deus per Angelos apparuit, & quòd Angelus personam Dei sustinebat, vt proinde modò Deus, modò Angelus dicatur esse locutus: at quòd Deus villo modo dicatur esse pars Angeli, inficiamur: quod etiā non euincit id quod ait Fludus, ideo syllabam *el* ingredi compositionem nominum Angelorum, vt dum dicimus Gabriel, id est fortitudo Dei. Hoc enim tantum præbat Angelos esse Dei ministros & nuntios, quod est omnino distingui ab illo.

Tandem quod obfirmat Fludum in illa opinione, quòd Angelus sit corporeus, est quia nihil nisi corporeū capere potest: quod si audit in scriptura sacra Angelum vocari spiritum, statim existimat esse aliquid aëreū & ventosum: cum potius debeat cogitare, quod dum agitur de natura intellectuāli, spiritus sumitur prout opponitur corpori, alioqui Deus qui dicitur spiritus, esset corporeus: quod potuit scire ex Augustini astro
lib. de

libro de spiritu & an. cap. 24. *Quicquid enim, inquit, corpus non est, & tamen aliquid est (puta substantiale) recte iam spiritus dicitur, & quia nihil videmus & euidenter percipimus nisi corporeum, quod est minus crassum inter corpora & magis subtile, ut est id quod est spirituosum & igneum, transferimus ad significandas res incorporeas, quod est solemne sacris auctoribus: & ne nobis molestus sit Flud obtrudendo importunè Scripturæ testimonia, quale est illud ex psal. 103. Qui facis Angelos tuos spiritus, & ministros tuos ignem urentem, sciat D. Augustinum ita explicare, ut dicat Angelos esse spiritu feruentes, id est affectu & charitate. & audiat Eusebium Cæsar 7. præpar. cap. 15. aliàs 5. qui postquam retulit locum allegatum psalmodographi subdit, Neque tamen existimes naturas illas ex mortali hinc, & terreno igne, aut ex ventis aëria & rationis experte substantia præditis esse conflatas: sed quomodo Deum ipsum nuncupare solent, qui cum incorporeus & ab omni secretus materia ac per se totus, immò verò mentem omnem atque rationem natura perfectione transiliat, metaphoricis tamen spiritus, ignis, lucis, atque aliis eiusmodi in aures cadentibus nominibus appellatur: ita planè Angelos, Archangelos, spiritus, divinas Virtutes, cælestes exercitus, Principatus, Thronos, Dominationes perinde, atque infinita quædam seseque consequentia stellarum ac luminum genera spirituales ac rationis compotes naturas sacra littera nominant.*

*Tertius ordo eorum qui pertinent
ad animam. §. 27*

Hic libet paulò diutius immorari, quia propter animam tota Philosophia vigilat, ut ait D. Augustinus lib. 3. contra Academicos cap. 17. tum quia anima gradus est ad cognitionem Angelorum; nam, ut ait Richardus de S. Victore 3. de contempl. cap. 6 nescit quid de spiritu Angelico sentire debeat; qui spiritum suum prius non cogitat. Est item scala ad Deum cognoscendum, ut docet Clemens Alex. 3. pedagogi c. 1. percurram itaque errores qui in hac materia occurrunt, & ostendam Fludum esse illis omnibus infectum.

*Primus error,
Anima non est ens creatum.*

In hoc errore fuerunt Manichæi, teste D. Augustino hæresi 46. Priscillianistæ apud eundem hæresi 70. Gnostici referente sancto Irenæo lib. 2. cap. 31 Mahometus, ut refert Æneas Sylvius epist. 396. qui dixerunt animam esse partem Dei, & eiusdem naturæ cum eo, ex quo sequitur esse quid increatum. In parte hac hæreticorum Patriarchæ fuerunt Philosophi, ut loquar cum Tertulliano, Stoici & Platonici: nullus autem ita clarè loquitur sicut Plutarchus lib. de quæ-

tionibus Platoniceis, ferè initio dicens, *Non solum opus Dei est, verum pars quoque, neque ab eo, sed de eo, & ex eo est facta.* & ante posuerat discrimen inter generationem & creationem, siue effectiorem, quòd à Creatore siue artifice opus est alienum: at quod est genitum, est fragmentum & portio genitoris.

In hac infania & delirio (sic enim vocatur à D. Chrysostomo hom. 13. in Genes. sicut & ingens amentia à Photio codice 179. vbi refertur impius Agapius dicens animam esse eiusdem naturæ cum Deo) prædictos hæreticos & Philosophos superauit Flud: nam non solum dicit animam esse partem Dei, esse de essentia Dei, sed esse ipsūmet Deum. Videamus singula, l. 4. Macroch. c. 9. ait, quòd *Tertia proprietas animæ est ut sit purissima, simplicissima, spiritualissima.* Quid potuit amplius dicere de Deo? Sed hoc nihil est, tract. 1. de Microcos. port. 4. lib. 3. p. 3. cap. 1. ait quòd *Mens humana habet super substantialitatem, æternitatem, immutabilitatem, impassibilitatem, & maiestatem in se esse veræ diuinæ: & infra, Per se, & in sua natura est super omnes Angelorum ordines, & per consequens Deo continua: & portione 2. cap. 1. videmus, inquit, quòd mens humana sit de eadem essentia, cuius est mens diuina: & sect. 1. libro 13. cap. 1. Non malè anima à nonnullis definitur esse res incorporea omni decore lucis adornata, sanctæ Trinitati assimilata, atque æterna gloria coequata: & cap. 2. ait quòd est Deus, cum sit*

114 *Confutatio dogmatum*

spiritus increatus, atque radiis essentiae increatae à Creatore non minus indiuisibilis, quàm lux aut iubar à Sole: & in Anatomia tritici dicit mentem humanam, seu radium mentalem esse Verbum ipsum, cùm sit emanatio immediata à fonte vnitatis, & lucis, & illud Verbum esse Messiam. Possem ex aliis reum huius blasphemiae declarare Fludum. sed hæc testimonia sunt irrefragabilia; nunc illum verbis Prudentij in Apotheosi poemate ꝑ. aggrediar

-- desine nostræ

*Invidiam conflare animæ, quod sit Deus, aut quod
Portio parua Dei, cùm Christo abscindere quicquã,
Et rescare Deo partem, vel carpere tantum
Numen non liceat plenum sibi semper & in se.*

Desine, inquam Flude, in Dei iniuriam tantam animæ humanæ attribuere dignitatis excellentiam, quam ipsemet lib. 4. Macrocos c. 11. minorem agnoscis quàm Angelum in modo intelligendi, & consequenter essendi: nam modus operandi sequitur modum existendi, & ei commensuratur. Vide etiam quomodo tecum consentias, qui sect. 1. Microcosmi libro 10. cap. 2. asseris de eadem anima, *Nec quidem etiam pro parte capienda est, sed pro creatura Dei, neque etiam de substantia Dei, cuius rationem (quam verbatim ex auctore libri de spiritu & anima cap. 24. exscripsisti) reddis. siquidem inquis Deus eam ex semetipso fecisset, nequaquam vitio, passioni, mutabilitati, aut miseriæ esset subiecta, quam rationem ante reddiderant sancti Patres, ut Pru-*

dentius supra

• Absurdè fertur Deus, aut pars esse Dei, quæ
 Divinum, summumque bonum de fonte perenni
 Nunc bibit obsequio, nunc culpa aut crimine perdit.
 Et D. Chrysostomus homil. 11. ad populum
 Antioch. Oblivioni autem & ignorantie, & tri-
 stitia, & curis obnoxiam ipsam animam reddidit
 Deus: & hoc fecit ne ad propriam generositatem
 respiciens maiorem propria dignitate opinionem
 concipiat. si enim cum hæc ita sint, quidam dicere
 sunt ausi, quod substantiæ Dei est, si ab his absoluta
 esset passionibus, ad quid furoris isti non processis-
 sent? Et ne fortè Flud tergiuerfetur, dicens
 aliud esse loqui de anima, aliud de mente
 (quam falsò loco proximè allegato dicit
 nulli passioni, aut mutabilitati esse obno-
 xiam) meminerit se in superioribus animam
 Deo coæquasse. Deinde anima humana est
 eadem res cum mente humana, ut ipse fate-
 tur lib 13 Microcosmi cap. 3. præterea in ip-
 somet animæ vertice, & eo quod eminet in
 anima, scilicet mente, agnoscunt mutabili-
 tatem sancti Patres, sic Cassiodorus libro de
 anima cap. 1. Mens autem, inquit, dicitur

id est à Luna, quæ licet varia vicissitu-
 dine commutetur, quadam se tamen in id quod fuit,
 perfecta novitate restituit. modò enim tribulationi-
 bus attenuata quasi probatur obscura: modò iterum
 in vigorem naturalem lætitia commente reparat-
 ur. Similia dicit auctor libri de spiritu &
 anima cap. 11. non plura de eo errore, con-
 tra quem militant Theologi cum D. Tho-

ma i p qu. 90. art 1. & Hæreseomachi, vt Alphonsus à Castro verbo *anima* hæresi 4. cum autem Flud nihil contra nos vrgeat, non puto esse conueniens ei arma subministrare.

*Secundus. Anima est creata in calo
empyreo ante corpus. §. 28.*

Hic error pugnat cum præcedente, sed non est mirum: nam veritatis simplex via, falsitatis autem semitæ multæ. quod autem Flud huius erroris sit particeps, patet ex eo quod lib. 4. Macrocosmi c 11. & 2. numerat animam inter creaturas empyrei, quæ factæ sunt cum empyreo, sicut plantæ cum terra. Secundò, quia loquens de descensu animæ in corpus sect. 2. Microcosmi port. 4. lib. 3 p. 3. cap. 1 ait, quod animam nostram traducunt per suas hierarchias Angeli, antequam corpus subeat, & post Agrippā 3. occultæ Philosophiæ cap. 38. docet quid accipiat à quolibet ordine, & cap 7. de eodem descensu, vbi quid accipiat anima à quolibet cælo: nunquam verò istum descensum symbolicè intelligi dicit. Tertiò, sect. 1. Microcosmi lib. 8. cap. 1. docet quod anima contra suam voluntatem commigrauit in corpus tanquam carcerem: & approbat sententiam Platoniorum, quod non sit animis naturale cum corporibus vitam degere; & addit quod violenter descendit in corpus, sicut ignis deorsum, tamen Deus voluit hæc duo

extrema coniungi, vt homo tam superiora, quàm inferiora intueretur.

Hunc errorem Flud ebibit ex Platone in Cratylo si tamen legit, & citat Theodoretus s. contra Græcos ferè initio, *Pythagoras*, inquit, & *Plato* populum nobis animarum, sed carentum corpore proponunt, easque animas, quæ in aliquod peccatum inciderint, aiunt supplicij causa in corpora destinari. Ideoque Plato in Cratylo (*hoc est corpus*) (*hoc est sepulchrum*) vocat, tanquam anima in corpore sepulta sit.

Platonicos secutus est Origenes Philosophorum pannos nitens nouo & firmissimo Ecclesiæ consuere vestimento, vt loquitur Theophilus Alexand. epist. 1. Paschali, qui fusè impugnât Origenem. Impugnatur etiâ aliis Patribus, vt Hieronymo passim, Augustino 11. de ciuit. cap. 23. Cyrillo Alexan 1 in Ioannem cap. 9 viginti tribus argumentis, & damnatur à Concilio generali quinto & sexto, act 11 & Bracharensi 1. Canone 6. Sed quia Flud non exprimit motium, propter quod animæ detruduntur in corpora (nisi quod ait ideo sociari, vt anima tã superiorû, quàm inferiorum notitiam hauriat, tanquã si ei non sit naturale iungi corpori, non alium modum cõnaturalem habeat cognoscendi ea, sicut habet Angelus) ideo nunc satis sit dicere, quòd Flud in eo quod asserit animas extra corpus & ante corpus produci, se opponit rationi, quam suggerit Aristoteles 12. Metaph. cap. 3 nempe non esse con-

sentaneum, ut forma existat antequam sortiatum suum effectum formalem, & in sui prima institutione frustretur suo fine, qui est couflare vnum compositum cum corpore. Deserit etiam sanctos Patres & Theologos. nam præter allatos accipe decretum sancti Leonis epist 93 cap 10. *Quam imputatis fabulam, inquit, ex mulierum sibi erroribus texerunt. sed eos omnes Catholica fides à corpore sua unitatis abscidit, asserens constanter atque veraciter quod anima hominum priusquam suis inspirarentur corporibus, non fuere, nec ab alio incorporentur, nisi ab opifice Deo, qui & ipsarum est Creator, & corporum.* Legatur & sanctus Gregorius Nyssenus lib de creat hominis cap. 29. & 30. & Cæsarius dialogo 3. ad qu. 151. locum infra dabo. Audiat item Flud suum pseudo-Augustinum l. de spiritu & anima c 41. *Dicimus autem, inquit, rationales animas pro essentia fieri quotidie de nihilo nouas, sed pro simili natura ex institutione diuina non utique nouas: quales enim in exordia Deus die sexto masculo, & fœmina dedit, talis quotidie inspirat singulis noua de nihilo creatione, non noua institutione.* Hæc ille ex aliquo probato auctore: nam cap 45. ex alio sui immemor Platonizat Sed audiatur verus Augustinus libro de hæresibus in septuag vbi loquens de Priscillianistis ait, *Hi animas dicunt eiusdem nature atque substantie, cuius est Deus ad agonem quandam spontaneum, non tamen in terris exercendum per septem calos, & per quosdam principatus gradatim descendere, & in mali-*

gnam principem incurtere, à quo mundum istum factum volunt, atque ab hoc principe per diuersa carnis corpora seminari. astruunt etiam fatalibus stellis homines colligatos, corpusque nostrum secundum duodecim signa cæli esse compositum, sicut hi, qui Mathematici vulgò appellantur constituentes in capite arietem, taurum in cervice, geminos in humeris, cancerum in pectore, & cætera nominatim signa percurrentes ad plantas usque perueniunt, quas piscibus tribuunt, quod vltimum signum ab Astrologis nuncupatur. Hæc & alia fabulosa, vana, sacrilega, quæ persequi longum est, hæresis ista contexit. Num Priscillianizet videat Flud qui tam sollicitus est referre Planetas & alia astra ad membra hominis, qui animam detrudit vi in corpus, qui eam traducit per hierarchias Angelorum, & cælorum gradatim, vt ab eis aliquid emendicet.

Tertius, Anima est ex traduce.

Eodem modo, inquit Flud sect. I. Microcos. lib. 8. cap. 4. quo Deus inspirauit in deformem & tenebrosam hylam ad mundi existentiam primo creationis die: eodem inquam modo idem spiraculum inspirauit Iehoua in obscuram hominis externi massam, idque non mediatè vti cetera mundi creatura illud à mundo acceperunt, sed immediatè ab ipso Creatore factum est. Ex quo sic infert. Hinc igitur, vt mihi quidem videtur, nullum potest relinqui dubium, aut scrupulus in illa opinione, quæ asserit animam ex traduce provenire: namque s

120 *Confutatio dogmatum*

primum vita spiraculum sufficit ad perpetuitatem mundi & continuationem creaturarum eius, quidni sufficiat itidem secundum spiraculum, ut praestet idem sine repetitione & renouatione in successionem hominum, quod primum in continuatione & praeservatione specierum in ceteris creaturis? quare videtur contraria opinio potius derogare potestati Dei, quam ei aliquid honoris addere, quatenus scilicet videtur arguere Deum non fuisse tam fortem & tam potentem in fine suae creationis, quam fuit in principio: & concludit quod non est opus assidua animatum creatione. Similia dicit lib. 3. cap. 9. vbi fatetur, quod maior Theologorum chorus concludit animam corpori infundi, & infundendo creari. Saltans verò extra chorum ait, Porro etiam animam ex nouo, hoc est de nihilo, seu non praesistente materia creari verisimile non videtur, cum compositionis eius materia sit spiritus, forma verò lux, ut ipsi testantur Theologi. Viderit Flud quomodo haec cohaereant cum ijs quae dicit lib. 10. cap. 2. nempe quod anima non est de materia quatuor elementorum, sed ex nihilo cum quinto spiritu essentiali creata, & lib. 4. Macrocosmi cap. 11. locum producam in errore sexto.

*Impugnatur iuxta litteræ corticem,
vt sonat & in plano sensu. §. 29.*

A Nimas esse ex traduce est animas vir-
tute feminis traduci à parentibus ad
posterios, ita vt anima educatur è potètia fe-
minis, & formetur ex aliquo, quod sit deci-
dum à parentibus, hic est communis intel-
lectus: in quo sensu notatur, vt erro Tertul-
lianus ab hæresologis, & patet ex eius
libro de anima §. 13. *De conceptu anima, &c.* vbi
post multa concludit, *Igitur ex uno homine tota
hæc animarum redundantia, obseruante scilicet
naturâ edictum Dei, Crescite, & in multitudi-
nem proficite: nam & in ipsa præfatione operis
vnius Faciamus hominem, vniuersa posteritas
pluraliter predicata est: & præsentibus piscibus ma-
ris, nihil mirum repromissio segetis in semine, vt
apertiùs Lutherus art. 31. & 41. Nihil est quod
dicitur anima rationalis creando infunditur, & in-
fundendo creatur: meliùs hæc in re ratio decernit,
& Poëta dicens patrem sequitur sua proles.* Hu-
ius erroris est patronus Flud, vt constat ex
primo loco citato, & ratione quam conti-
net. quæ, vt mihi videtur, si aliquod robur
habet, non differt ab illa Tertulliani, quæ sic
clariùs potest proponi. eadem est ratio pro-
pagationis speciei humanæ, quæ est propa-
gationis aliarum specierum mundi, sed aliæ
species propagantur virtute seminis & be-
nedictionis Dei, dicentis *Fructus & multipli-*

camini, vel germinet & producat terra. Igitur & simili modo propagantur homines absque eo quòd Deus de nouo animam creet. Ad quam rationem respondetur, quod ex illo loco Crescite, & multiplicamini, ex quo debet confirmari maior propositio, tantum habetur, quòd Deus tulerit edictum, & statuerit concurrere ad humanam generationem, quoties erunt debitæ dispositiones: ita vt solus quidem sit auctor animæ: homo verò sit etiam pater alterius hominis, quia attingit vnionem animæ cum corpore, & illud faciamus debet retorqueri: nam anima protoplasti & vxoris est à Deo solo producta: productio autem primi hominis quoad animam debuit esse norma & regula productionis aliorum hominum: neque quotidiana creatio animarum derogat potestati Dei. non enim propterea est impotens, si ad exigentiam animæ humanæ nobilioris, quàm sint ceteræ, sibi reseruauit potentiam producendi eam, nec eam vim communicauerit semini. Alioqui dicendum esset diuinæ potestati derogari in opinione Fludi, quæ est Deum solum omnia in hoc mundo operari, & creaturæ vim operandi non esse communicatam. Itaque aberrant qui dicunt animam esse ex traduce, neque debuerunt discedere à choro Theologorum absque urgente ratione, quæ nulla est: immo sunt vehementes in oppositum. Theologi autem prædicti sunt non tantum ij qui dicuntur

Scholastici, D. Thomas 1. p. q. 118 art. 2 & 2. contra Gentes cap. 86. Sanctus Bonauentura, & alij in 2. dist. 18. sed etiam antiqui Patres, D. Augustinus hæresi 81. D. Hieron. ep. 82. Olympiodorus in Eccles. 11. ad id & spiritus reuertatur ad eum qui dedit illum. Hugo Etherianus lib. de regressu animarum cap 4. Prudentius in Apotheosi, poëmate 5. sed optimè Cæsarius dialogo tertio ad qu. 140. Cesset, inquit, fabulosum illud commentum de existentia animarum in semine, dum illud ex mare cernitur. & ad quæst 151. vbi optimam rationem indicat his verbis, *Ne partim delabi è cælo animas, & inferi corporibus falsò existimemus, partim seruantes castitatem & temperantes, aut seminis fluxum patientes velut animarum occisores calumnijemur in lumbo & semine animas suffocantes: nam, vt ait Alphonsus à Castro 11. anima, errore 5. præparato & decocto semine, vel etiã deciso cum impeditur generatio vel semen perit, vel remanet. si periit, igitur & anima. id enim mortale est, cuius semen est mortale: si remanet, cur non sequitur productio animæ? quia nempe generatio certum qualitatum concursum requirit, quæ cùm habeant contrarias, quibus retundantur, sunt quoque obnoxia corruptioni, & consequenter id quod ab eis pendet. Præterea si anima debet educi de gremio materiæ, est obnoxia generationi saltem vt terminus partialis siue formalis, & consequenter corruptioni. quicquid enim generatur, siue per*

124 *Confutatio dogmatum*

se, siue per accidens, vel per se secundo, v^t forma, est corruptibile. Genesim enim sequitur Exodus, id est generationem interitus, vt ludit sanctus Gregorius Nyss. hom. 6. in Eccles. & Olympiodorus in cap. 3. prædicti libri ad id, *tempus gignendi, & tempus moriendi*. Videatur liber secundus Philosophiæ quæ tribuitur dicto Nysseno, & est Nemefij cap. 6. vbi ostenditur ista cōsequētia, quòd anima esset corruptibilis, nisi crearetur: & certè naturaliter non posset extra materiam subsistere, si ex ea educeretur: educi enim è materia, est ab ea deponere quoad esse & fieri.

Cauilli Fludi retunduntur. §. 30.

FL v d lib. 3. Microcos cap. 9. spiritu contradictionis, non furore diuino, vt putat, percitus existimat se posse conciliare Theologos sacros cum Philosophis mira diuinitate profundis, vt loquitur, nempe Platonice arbitrantibus animas ab initio creatas temporis lapsu delabi in corpora: & docet quendam alium modum traductionis & propagationis animarum absque eo quòd de nouo creentur, decidi ex substantia cuiuslibet cæli: sic enim concludit, *Manifestum est igitur ex iam dictis animam humanam conflare ex radiomere formali, quam mentem appetimus, & receptaculo eius, quod est rationalis ille cæli empyrei spiritus, atq; ex eius spiritus vehiculo, quod est for-*

ma seu anima aetherea, quæ tãdem in suum veluti
currum spiritus nempe aetherei includitur, atq; cum
facto eo tota illa cõpositio, quæ tum Deo, tũ ipsi mun-
do similis redditur, homo interior in hominẽ exteri-
orem descendit. Vnde verisimile est, quòd vt prædictæ
prædictorum cælorum substantia non creantur de
novo: sic etiam & anima quæ est illarum partium
compositio, quotidie infundendo non creetur: & an-
te dixerat, quòd lux primo die creata, quæ
est anima cæli empyrei, est animarum fons
& origo. Subinde, inquit, quotidie de nouo crea-
tiones fieri non autumant Origenes, sed omnes ani-
marum substantias, quas radios supra diximus, ab
hoc fonte promanare. Multa dicit Flud in illo
capite tam abstrusa, & secum pugnantia, vt
nemo sit qui possit ea enodare, qualia sunt
illa. Cõcludimus igitur quod cælum empyreum, li-
cet ex nulla præexistente materia, attamen ex forma
præexistente, & prius creata sit factum; quæ quidem
forma respectu cæli medij, & infimi totaliter est for-
malis: respectu verò sui ipsius ex materia spiritalia,
& maiori forma portione, atque ita ex luce in-
creata & materia non præexistente conflatur. Nam
primò, quomodo dicit quòd cælum sit fa-
ctum ex nulla materia, cum ipso referente
& approbante, sect. 2. Microcosmi port 7. c.
2. dicat Diuus Petrus epist. 2. cap 3. quod cæli
erant de aqua, & per aquam: & si conflatur
ex materia spiritali, quomodo ex mate-
ria non præexistente? nonne saltem secun-
dum prioritatem naturæ debent partes to-
tum præcedere? Pergit, Et ista forma increata,

126 *Confutatio dogmatum*

seu cæli Trinitatis substantia, quæ mera & in se forma est, existit spiritus, seu cæli empyrei substantia anima: & tamen paulo post addit, quòd anima cæli empyrei propria est creatà, nempe lux primo die creatà

Sed ad propositum. Modus ille propagationis animarum, quem tenet Flud, nullo modo est admittendus. nam vel existimat huiusmodi cælestes substantias contineri in semine (quod indicat his verbis quæ subdit, postquam ex Trismegisto dixit, quòd mentis & rationis indumentum est anima, & animæ vehiculum est spiritus: *Horum autem, inquit, receptaculum est sperma*) & sic contra eum militant omnia argumenta, quæ fiunt contra Tertullianum & Luciferianos, dicentes animas esse ex traduce: vel existimat, quoties generatur homo, mentem humanam è cælo descendere, & secum deuoluere aliquid substantiæ cæli empyrei, & aliorum cælorum inferiorum: & sic quomodo non exhauritur illa substantia, vel saltem non minuitur, aut vnde resarcitur & reparatur? vel, descendit-ne iterum eadem portio substantiæ, quæ post mortem hominis alicuius ascendit, & datur animarum circulus?

Deinde mens humana vel est multiplex pro multitudine hominum, vel vnica, si sunt multæ ab initio creatæ, hoc iam reiectum est. Et præterea dicat nobis Flud cur contra voluntatem detrudantur in corpora? & an propter scelera admissa, vt dicebat Origenes,

nes,

nes, quem in suam opinionem pertrahit, & ideo eodem anathemate debet feriri, quo ille: si est ynica, & quidem increata & consequenter Deus, vt innuit lib. 3. ca. 8. & 9. dum ait quòd anima intellectùalis, quæ quatenus Dei imago est, infinita dici potest, ad hominum informationem sese extendat: & rursus ait mentem hominis quasi diuinam ipsius Dei essentiam increatam, seu veram Dei imaginem apud Deum ipsum semper referuari pro creaturis, quas ad imaginem suam formare instituit. Si, inquam, mens humana dicitur Deus, hoc iam refutatum est, tum quia quomodo contra suam voluntatem assumit vehicula illa, quibus vecta in corpus descendit: tum quia quomodo Deus vbiq; si descendit, & ascendit siue euolat, vt alibi dicit? Tandem error est mox producendus, quòd mens humana sit vnica pro tota hominum congerie.

Quartus, Mens humana est vnica pro omnibus hominibus.

Auerroës, qui non tam Peripateticus quàm Peripateticæ Philosophiæ deprauator vt ait S. Tho. opusc. 16 c. 2. in fine, cuius rationem videre potes apud Marsilium Ficinum lib. 15. de immort. cap. 1. existimauit dari vnica[m] animam intellectiuam, siue vnicum intellectum toti orbi humano præsentem, ita vt nulla alia anima rationalis

detur in homine quolibet præter vim cogitativam. Huic errori affine est quod dixerunt Arriani, teste D. Augustino hæresi 49. nempe Verbum carnem assumpsisse absque anima: & quod Apollinaris apud eundem hæresi 55. & apud Vincentium Lirin. in Cōmonit c 17 scilicet Verbum supplens absentiam animæ rationalis. Geminum item est quod dicunt Libertini, referente Coccio ex Caluino, vnicum tantum esse spiritum Dei, & animarum nostrarum loco Deum, in nobis viuere, omnes vitales actiones efficere. Refer huc quæ dicta sunt de anima mundi in primo ordine, & recordare quòd etiā Manichæi dixerunt vnicam esse animam in omnibus hominibus, animalibus, plantis, vt refert Epiphanius hæresi 66

Flud cum teneat mentem humanam esse ipsummet Deum, & nullam præter hunc formam agnoscat, debet consequenter dicere esse vnicam; nisi velit diuinitatem in plures particulas dissecare. Hoc erroris portentum in Auerroë debellant citati auctores, & D. Tho. 1. p q. 76 art 2 & hac ratione reiicitur, quia sequeretur quòd omnes homines essent vnus homo formaliter, & in indiuiduo propter vnicam numero animam intellectualem, quæ hominem constituit & distinguit, non ero prolixior, nam iam reiicimus illam impietatem in errore primo, & in ordine primo.

Quintus, Anima non est vera forma corporis.

Quòd anima rationalis etià ut talis, sit forma corporis, definitum est in Concilio Viennèsi tempore Clementis V & sub Leone X. in Lateranenfi, & in alio Lateranenfi sub Innocentio III ubi ratio tangitur, nempe quòd homo sit constitutus ex spiritu & corpore: non alio autem modo constituitur, nisi quia spiritus est forma, & corpus materia; tum quia per animam rationalem ut talem distinguitur homo à bruto essentialiter: non distingueretur autem eo modo, si anima effet tantum forma extrinseca & assistens: tum quia dependentia, quam habet anima à corpore in suis operationibus, indicat ipsam habere còmercium cum corpore eo modo, quo forma informans cum materia; & tandem intellectio non esset operatio vitæ, quæ debet esse à principio intrinseco sese mouente, nisi anima effet talis operationis principium intrinsecum informans.

Quòd autem Flud sit in tali errore patet, quia præter Deum omnes alias formas in exilium mittit: Deus autem ut ostensum est, non potest fungi officio formæ informantis in proprio genere. Secundò, lib. 4 Macrocosmi cap. 9. recensens proprietates animæ,

quatenus corpus informat ait ex Remigio (nescio vbi) quòd non aliter regit & gubernat corpus, quàm nauta nauim: quis autem dixerit quod nauta sit forma nauis? & ibidem ait, *vel iuxta Chalcidum quemadmodum aranea in tela sua centro manens suo motu totam telam mouere percipitur: sic etiam in corde, quod centrum est corporis, ipsa delitescens vniversam corporis molem mouere solet.* at aranea non est forma telæ; vbi etiam consequenter tenet Flud, quòd sicut nauta non est simul in tota naui, nec aranea in tota tela, ita anima non est fusca per totum corpus: pro quo nolo iam nouum paragraphum instituere: nam suo more ex eodem ore euomit calidum & frigidum, & vt frequentissimè solet cum auctore lib. de spiritu & anima cap. 18. & cap. 35. iisdem verbis docet, quòd anima est tota in toto corpore, & tota in qualibet parte, nec maior in maioribus, nec minor in minoribus. Tertiò, inclinatur in opinionem eorum, qui dicunt animas verti in dæmones, quod errori, quem tractamus, proximum est, vt postea dicam. Quartò, vult animam violentè descendere in corpus: quod non fieret, si esset eius forma connaturalis. non enim vnitur forma substantialis materiæ contra propriam inclinationem, nec fit violentia parti, dum ingreditur compositionem totius, propter quas causas malè audiunt Platonici.

Sextus, Anima est corporea.

Diuus Augustinus lib 10. de Trinit. cap. 7. recensens opiniones de anima, ait aliquos dixisse animam esse temperamentum, quodd archiatro Galeno tribuitur, quia nullā sub-
 stantiam nisi corpus cogitare poterant: è conuerso alij, quia animam substantiam esse volebant, & nullam substantiam præter corpoream esse putabant, ideo animam esse corpoream dixerunt. Flud pluribus in locis bene sentire videtur quoad hoc punctum: nam lib. 10 Microcosmi cap. 1. ait, *Est ergo anima substantia spiritualis ex luce & spiritu medio conflata, & per consequens simplex & indissolubilis, incorporea, passibilis, & mutabilis respectu abundantie spiritus sui, qui passibilis est: at verò quoad formam suam lucidam, permanens fixa atque immutabilis: & iterum (ex cap. 24. lib. de spiritu & anima) caret etiam anima pondere, figura & colore quatenus inuisibilis, & sensu non capienda.* & lib. 4. Macrocos. cap. 9. dicit quod tertia proprietas animæ est, vt sit purissima, simplicissima, spiritualissima, inuisibilis, incorporea; Deinde si est Deus, quid magis incorporeum?

Attramen ex aliis conuincitur errare: nam primò ad hominem sic argumentor. quod fit ex elementis est corporeum, etiam ipso consentiente, & dicente lib 10. Microcos. c. 2. cum auctore prædicto, quod si anima ex

132 *Confutatio dogmatum*

elementis fieret, eſſet corporea: at anima iuxta Fludi doctrinam fit ex elementis, igitur ſecundum ipſum eſt corporea: probatur aſſumptio: quod fit ex traduce & ſpermate, fit ex elemētis at anima ſecundum Fludum eſt ex traduce, vt ante viſum eſt. igitur fit ex elementis. Probatur maior ex ipſomet l. 1. cap. 3. dicente quod ſperma componitur ex parte magis ſpiritali omnium elementorū, & c. 5. quod eſt extractum ſubtile omnium in genitoris compositione elemētorum. Secundò quod eſt viſibile, eſt quantum & corporeum: ſed anima ſecundum Fludum eſt viſibilis, igitur corporea: Probatur minor ex lib. 13. cap. 1. vbi dicit ſe in cuiuſdam creaturæ anatomia vidiffe ſpiritum virgineum & limpidum radiis animæ adornatum. Tertiò, quod eſt idem cum ſpiritu vitali & naturali, eſt corporeum anima eſt idem cum huiusmodi ſpiritu in opinione Fludi Igitur apud Fludum eſt corporea: minor patet præſertim ex meteorologia lib. 4. memb. 2. cap. 5. maior etiam conſtat. quia licet ſpiritus vitalis, non ſit ita craſſus, ſicut corpora ſolida, tamen eſt quid corporeum & quantum, & non eſt ſpiritus eo modo quo ſumūt ſpiritum Theologi, ſed eo modo quo Alchimiſtæ. Quartò, quod conſtat materia prima eiſdem rationis cum noſtrate ſiue materia ſublunarium, eſt corporeum: anima ſecundum Fludum eſt huiusmodi. eſt igitur corporea, minor oſtenditur. nam lib. 3. Micro-

cosmi cap 9. postquam dixit quòd compositionis animæ materia est spiritus forma vero lux, subiungit, *At vero spiritum generalem, atque similiter etiam lucem illam vniuersalem, ex quibus omnis rerum forma & materia derivatur, in principio tantummodo virtute diuina ex materia non præexistente creata esse testantur scriptura sacra.* Spiritus autem ille vniuersalis nihil est aliud, quàm aquarum massa, si illi credimus sect. 2 Microcos. port. 7. cap. 2. & cap 3. ait, quòd spiritum mundi vniuersalem Moïses & Petrus aquam nuncupauerunt. & ibidem asserit cælum empyreum conflare ex aliqua portione spiritus illius: inter creaturas autem empyrei simul cum Angelo anima humana nuncupatur. Igitur eius compositionem ingreditur aliqua portio materiæ eiusdem rationis & speciei cum materia rerum inferiorum, esto, propter maioris lucis consortium sit subtilior. quod non impedit quominus sua quantitate gaudeat Vnde præcluditur effugium aduersarij, qui sicut de Angelo, dicit de anima lib 8 Microcosmi lib. 8. cap 3. quod est ex pers quantitatibus post suum auctorem c. 18 patet etiam quot contradictionum nodis Flud implicetur.

In profligando isto errore, qui ad animæ mortalitatem tendit, non immoror. quia illius aduersarium pudet, dum parum sui memor, quod decet mendacem, docet alibi esse incorporatam, vt citata initio loca testantur. & ipse viderit quàm bellè ea, quæ ex

134 *Confutatio dogmatum*

ipso dicta sunt de materia omnibus communi, consentiant cum his quæ ex lib. 4. Macrosmi cap. 11. subiicio: *Animam, inquit, ex materia & forma componi omnes fere testantur tam veteres, quàm recentiores Philosophi (attende hîc mendacium) sed huiusmodi compositio ex materia præiacente non fit, quemadmodum illa generabilium & corruptibilium: sed ex nihilo, hoc est ex materia non præexistente & per creationem producta. ex qua cælum empyreum, eiusque creaturæ, inter quas animæ numerantur, deriuantur. Solùm attexam ineptias Fludi circa animæ compositionem: illam enim existimat esse aggregatum plurium distinctorum, qui tamen eam vocat simplicissimam.*

• *Fludo anima est aggregatum ex pluribus. §. 31.*

LICET Flud dicat pluries animam esse quid simplex, & non esse in ea distinctionem nisi penes diuersa nomina: sic enim loquitur in Microcos lib. 13. cap. 3. *Multa igitur habet anima nomina secundum operis sui officium. vocatur namque vita dum vegetat, spiritus dum contemplatur, sensus dum sentit, animus dum sapit, mens dum intelligit, ratio dum discernit, memoria dum recordatur, voluntas dum vult: & tamen ista omnia non differunt in substantia, quemadmodum in nominibus, quoniam omnia sunt una anima. Eadem eodem tenore dicit auctor libri de spiritu & anima cap. 13. attamen Flud alibi*

alibi immutabile, & aliquid quod est passibile & mutationi obnoxium. Similem animæ compositionem ex parte vna passibili & alia impassibili reprehendit in Platone Severus Platoniceus apud Eusebium lib. 13 præpar. cap. 17. rationem postea afferam.

Pergo ad alia. Flud existimat animam humanam coagmentari ex substantiis cælorum, vt patet ex lib. 3. Microcosmi cap. 9. propter rationem, quam verbis Macrobij lib. 1. in somnium Scipionis cap. 11. subiicio, vbi explicans descensum animæ secundum Platonicos, ait, *Non subito à perfecta incorporeitate luteum corpus induitur, sed sensim per tacita detrimenta, & longiorem simplicis & absolutissimæ puritatis recessum in quadam syderei corporis incrementa turgescit. in singulis enim sphaeris, quæ cælo subiecta sunt, ætherea obuolutione vestitur, vt per eas gradatim societati huius indumenti testee concilietur.* Verum sancti Patres nominatim D Hieron. epist. 61. & Nemefius lib. de hom. cap. 3. in Origene (qui Platonicos est secutus non tantum quoad erroris caput, nempe animas esse ante corpora in cælo creatas, sed etiam quoad accessorium, scilicet animarum vehicula) reprehendunt huiusmodi animarum descensus tanquam Christianorum decretis minimè consentaneos: & cum anima rationalis sit actus corporis organici, & sit satis proportionata vt corpori disposito vniatur, quid opus est vehiculò, siue corpore & substantia intermedia? Valeant ita.

que huiusmodi vehicula. quoniam cantilenæ sunt: sicut & descensus per signum cancri, & ascensus per signum capricorni, de quo Macrobius supra cap. 12. nisi mysticè intelligentur, vt intellexerunt Marsilius Ficinus nobilis Platonicus lib. 18. de immort. an. cap. 4. & Rhodiginus lib. 15. Antiq. lect. cap. 23. nempe quia Luna Cancrī domina generationi proxima est: Saturnus verò dominus Capricorni remotissimus, ideo per Cancrum id est Lunarem, vegetalēque instinctum descendere animas dicunt: per Capricornum verò, id est per Saturnum, intellectualēque instinctum ascendere: Saturnum enim prisci mentem vocant, quā solā superiora petuntur.

Faceſſat denique Flud, qui non ſolūm exiſtimat huiusmodi cæleſtes ſubſtantias ingredi compoſitionem animæ, ſed etiam ipſummet Deum, qui præterea partes illas animæ vult tanquam ſcopas diſſolutas diſſociari: nam dicit 8 Microc. 1. quod mens euolat in cælum, & relinquit animam in terra: & alibi, poſt mortem ſpiritū circa cadaver oberrare conſentiens naniſ eorum qui dicunt corpus concludi in ſepulchro, vmbra circa illud volitare, manes detrudi ad inferos, ſpiritum ad aſtra euehi, iuxta iſtos verſus reſatos à Ioanne Reuchlino lib. 2. de verbo mirifico cap. 20. commendante numerum quaternarium,

*Dis duo sunt homines, manes, caro, spiritus, umbra,
 Quatuor ista locabis duo suscipiunt.
 Terra tegit carnem, & umbrum circumvolat umbra,
 Orcus habet manes, spiritus astra petit.*

*Septimus. Anima non est libera ad
 bene vel male agendum.*

Flud lib. 7. Microcos. cap. 4. docet quidem quod mens & ratio hominis non subiiciuntur fato, per quod veteres Philosophi operationem septem planetarum in stellis fixis intellexerunt: at pro solita constantia libertatem videtur euertere: nam tract. 2. Macrocosmi parte 10 lib. 1. cap. 3. audacter pronuntiat in furtis & similibus vitiis astra imponere necessitatem. Hunc tamen rigorem mollit & temperat subiiciendo ex seplasia Hermetica vel Platonica *ubi mēs diuina vacat*: sed quid est hoc dicere, nisi tunc animam esse liberam, & non necessitari, quando sequitur ductum mentis & rationis. tunc vero necessitari, quando huiusmodi ductum reiicit, & in vitia ruit: quod ex priori loco desumitur: nam postquam dixit tres esse in anima portiones, quarum suprema est à celo empyreo, media quæ dat vitam corpori, ab æthereo, infima ex elementorū subtili conflata quæ est animæ animalis & sensitivæ dispositio (quasi verò munus sensitivæ non sit dare vitam, & infima portio distinguatur à sensitiva tanquam dispositio à forma) infert,

138 Confutatio dogmatum

Hinc ergo est quod si media anima portio inferiori suo membro adhaerit, mens ipsa diuina communicationem cum ea habere recusabit: unde sequetur ut astrorū influētia & operationes in talem animā, & uniuersam eius corpus praeordiniū plenissimū sint habitura; siquidē anima istius portio stellarum essentis superior vacabit, neque anima in eius operationibus adesse inuenietur. Si ita est, dicat nobis Flud an de se media illa portio sit libera, & liberē adhæreat menti, liberēque ab ea recedat? si ei non est liberum adhæreere, vel non adhæreere menti, vbi igitur animæ libertas? Si verò est liberum, cur dicitur necessitari dum eius ductum derelinquit, ab ea recedit, & vitiis se mancipat?

Sed demus Fludo ipsum bene sentire circa fatum Astrōlogicum, quomodo se expediet à Stoico? quod ab ipso astrui sic ostendo. Quicumque voluntati humanæ adimit vim actiuam operandi, tollit quoque libertatem: at Flud tollit vim actiuam operandi voluntati, igitur Flud humanæ voluntatis libertatem euertit: maior probatur, quia indifferentia, quæ constituit libertatem, est actiua, secundum quam aliqua facultas est potens agere vel non agere, positis omnibus ad agendum necessariis. nunc ostenditur minor, quia Flud docet in Medicina tract. 1. sect. 1. pag. 3. lib. 1. cap. 1. creaturam nihil omnino agere, sed solum Deum. Secundò, quia docet Deum inducere & impellere ad peccata, ibid. cap. 6. & 7. voluntati autem Dei

antecedenti efficaci, & impulsui quis potest resistere? si non potest resistere fortiter impellenti, ubi est peccandi vel non peccandi libertas? Vnde vides cur illud fatum vocauerim Stoicum & Calvinianum, quod ortum habet à decreto Dei: immo debet vocari Caïnanum. Nonne si quis sibi in animum inducat Deum esse auctorem scelerum, & operari tam bona quàm mala de genere morum, sumet ansam excusandi excusationes in peccatis, & dicendi dum aggreditur nefariam actionem? *Utor tuo opere, ô Deus, perficio tuam operationem, ô summa potestas.* Sic, teste Diuo Irenzo libro primo cap. 29. & Epiphanio hæresi 38. Caïnani, qui prauas actiones Angelis attribuebant, in procinctu operis dicebant, *O tu Angele, utor tuo opere, ô tu potestas, ago tuam actionem.* Iniurius itaque est Flud & in Deum, & in humanam libertatem, quapropter Patres Concilij Tridentini sess 6. can 4. anathema dicunt ei, qui dixerit liberum hominis arbitrium veluti inanime quoddam nihil omnino agere. Superuacuum autem duco recoctam cramben apponere, & hominis libertatem propugnare, quam non audet palam oppugnare, quam pro viribus occultè subuertit.

*Octauus. Animæ è corpore exitus,
& ad idem reditus reiteratus, est
voluntarius & naturalis.*

Agens de Fludi mateologia tetigi animarum huiusmodi diuagationem: & quidem si anima pro nutu & arbitrio posset se vnire, quod tamen falsum est, cum sit officium generantis, posset quoque se ad libitum separare, & iterum se vnire, vt dicitur de Hermotini anima egrediente, & regrediente: rem narrat Tertullianus lib. de anima §. 26. *de Hermotini anima, & reprobatur dicens, quòd illa animæ secessio, genus erat grauioris aliquanto saporis, vt de incubone præsumptio est, vel de ea valetudinis labe, quam Soranus opponit excludens lucubonem, aut tale quid vitiij, quod etiam Epimenidem in fabulam impegit quinquaginta penè annis somniculosum: & addit omnia magis esse coniectanda, quam istam licentiam animæ siue morte fugitiuæ: quasi verò animæ corpus sit vt vagina: & ratio est, quia tandiu manet anima vnita, quandiu manent legitimæ dispositiones, quæ si dissoluantur, non possunt naturaliter reduci. Itaque tam arcta est inter animam & corpus vnio, vt hanc sola mors dirimat: ipsa illa ratio operatrix mortis simplex licet, inquit Tertullianus supra §. 29. Vis est, quid enim quæ tantam animæ & carnis societatem, tantam à conceptu concretio-*

nem sororum substantiarum diuellit ac dirimit.
 Accedat auctoritas Cassiodori lib. de anima
 cap. 6. *Mirum propterea videtur rem incorpoream*
membris solidissimis colligatam, & sic distantes
naturas in unam conuenientiam fuisse perductas, ut
nec anima se possit segregare, cum velit, nec retinere
cum iussione Creatoris agnouerit. Eadem ferè
 habet auctor lib. de spiritu & anima cap. 18.
 quem libenter cito, quia est notissimus Flu-
 do de eo, quod Flud dicit naturalem esse
 resurrectionem, & animæ reunionem cum
 corpore, iudicium protuli dum de eius Al-
 chimia.

*Nonus. Animæ præest triplex An-
 gelus custos.*

Flud pro triplici substantia cælesti, ex qua
 dicit constare animam, triplicem quoque
 Angelum ait esse in ea, nempe duos bonos,
 & vnum malum: ex bonis vnum dici em-
 pyreum, qui dicitur bonus genius Archang-
 gelus, & præest menti, alium Olympicum
 siue æthereum, qui præest animæ siue spiri-
 tui vitali, & est fatalium executor, malus
 autem genius est elementaris: non magis au-
 tem sibi constat in hoc negotio, quàm in
 aliis: nam in meteorologia lib. 4. de causa
 efficiente memb. 2. cap. 5. ait quòd Angelus
 malus præest spiritui naturali: & in Gene-
 thliologia lib. 3. p. 3. c. 7. ait quòd Angelus ele-
 mentaris præest animæ animali, siue sensiti-

uæ ex formaliori elementorum parte constitutæ: quod non potest constare, nisi contra omnes Medicos confundat spiritum naturalem cum spiritu animali proprio animæ sensitivæ ut sic. Secundò, cap. 5, eiusdem partis ait quod aliquis ex elementaribus præest corpori, *Immo inquit, credendum est potius quod particularis spiritus cuiuslibet elementi dominium habeat in sua corporis portione.* Agnoscit itaque plures Angelos dominantes corpori: & tamen paulopost ait sufficere unicum, dum respondens Porphyrio asserenti tot esse demones, quot sunt partes corporis, dicit frustra fieri per plura, quod fieri potest per pauciora: *Vnde, inquit, si corporis præfectus omnes corporis partes respicere & tueri potest, frustra requiruntur demones plures.* Tertio, pergit dicens, *Cum itaque animæ vitalis præses Olympicus pulchritudinem & sanitatem corporis in quantum sufficit, respicere ac tueri possit, cur plures demones ad tale opus requirerentur?* & tamen corporis curam demandat dæmoni elementari, qui corpus, corporisque officia & appetitus respicit. Et ante dixerat dæmonem Olympicum pertinere ad hominem internum, & non externum, nempe corpus cui præfecerat quadruplicem pro quaternario elementorum; tum quia pulchritudo & sanitas pertinent æquè ad animam sensitivam ac vitalem, & potius ad corpus quàm hominem internum, cui præsidere ex parte dicitur dæmon Olympicus: nunc ad rem.

Hic

Hic mihi præludendum est cum D. Augu-
stino 3. contra Iulianum Capuensem cap 3.
mira sunt quæ dicitis, noua sunt quæ dicitis,
falsa sunt quæ dicitis : mira stupemus, noua
cauemus, falsa conuincimus : mira, inquam,
noua & falsa sunt quæ dicit Flud de triplici
genio. Vera quidem & Catholica sententia
est cuilibet homini à natiuitate dari Ange-
lum bonum custodem, qui clientis ita cu-
ram suscipiat, vt quantum in se est, bonum
& salutem illius procuret, & indirectè bona
corporis in quantum conducunt ad salutem
æternam. Communior etiam opinio est
Theologorum quemlibet hominem habere
dæmonem aduersarium & impugnatorem,
non à Deo, sed à Dæmonarcha destina-
tum, quod testimonio plurium Sanctorum
possemus confirmare, & habet fundamen-
tum in sacris paginis nempe 2. Corinth. 12.
v. 7. & ad Ephes 6. v. 12 & quibusdam aliis
locis magis facientibus ad rem quàm ille
quem affert Flud ex epist. ad Ro. cap. 7. v. 23.
vbi non agitur de Dæmone, sed rebellione
appetitus, siue partis inferioris, quæ aliunde
prouenire quàm à Dæmone; ex qua indu-
ctus est Flud ad ponendum prauum Dæmo-
nem custodem, sicut & induci potuerunt
Manichæi, vt dicerent malam animam esse
carnis concupiscentiã, & animam bonam &
malam tunc pugnare, quando caro cõcupif-
cit aduersus spiritum, vel è contra. Esto igi-
tur adhæreat cuilibet homini spiritus ne-

144 *Confutatio dogmatum*

quam ab ipsa etiam ianua natiuitatis animas aucupabundus, vt verbis Tertulliani vtar lib. de anima cap. 3. Attamen errat Flud primò in eo quòd illum recēset inter custodes: sic in Genethliologia supra cap. 5. vbi etiam ait curare corporis constitutionem, & appetitum. At quomodo custos, si malus? an lupus custos ouium? quod etiam agnouit homo ethnicus Plutarchus libro de Oraculorum defectu, *Homines, inquit, sunt Dæmonibus diuiniore, qui affectus mortales sopiuerunt: non igitur Dæmones custodes, qui prauis affectibus obnoxij sunt.* Deinde quid opus Dæmone ad promouēdas appetitus inclinationes? nonne caro satis propensa est ad quærenda quæ sunt sibi commoda & opportuna? Sed fortè datur ad prædictas inclinationes moderandas ne exorbitent. At hoc non vult Flud: nam de eius mente est proprium officium supremi refrænare Dæmonem elementarem, vt patet ex loco allegato ex meteorologia, vbi ait quòd spiritui naturali præest vnus Angelus, qui nisi à supremo refrænetur, malus genius vocatur: ex quo vterius infero in sententia Fludi non vocari malum si refrænetur, & consequenter dari Dæmonem qui modò sit malus, modò bonus, quod reieci in secundum ordinem.

Sed ad præcipuum caput difficultatis veniamus: & missis iis quæ Mersennus obiicit, obseruat, ad 28. problema Veneti contra istam prætensam custodiam, ad quæ non

aliter respondet Flud, quàm recurrendo ad illud figmentum de compositione animæ ex triplici substantia cælesti. Videamus quæ sit necessitas huius triplicis Angeli, & quæ auctoritate vel vrgente ratione fultus audeat Flud inauditum illud dogma propalare: & quia, vt ait Claudianus Mamertus lib. 2. de anima cap. 10. gloriosum victoriæ genus est ab eo, cum quo decertes, arma capere, argumentû, quod facit aduersus Porphyrium, contra illum retorqueamus. Frustra sit per plura, quod potest fieri per pauciora, at vnicus Angelus est tantarû virium, vt possit rotius hominis œconomiam administrare, & habere curam vnus animæ, etiam si fingatur esse composita ex triplici substantia: quod tamen non concedimus, cum illa substantia triplex, nil aliud sit quàm triplex spiritus, scilicet naturalis, vitalis, & animalis ex parte corporis requisitus, vt eo tanquam instrumêto vtatur anima ad suas functiones exercendas; & per quandam analogiam respondens cælo empyreo, æthereo, & elementari, vt fusiùs persequuntur Medici, & auctor lib. de spiritu & anima. Itaque inconcussum manet argumentum Iamblyci, quo ex eo quod homo sit vnicum animal, infert ei sufficere vnum præfectum. Priuolum enim est quod respondet Flud absurdius esse credere vnicum animal habere tantû vnum dæmonem, quàm si quis diceret mundum, qui vnicius est, non habere

nisi vnum dæmonem. Ita-ne Flude? debuit tibi in mentem venire tanta mundi moles ad quam ferendam impar est vnicus Angelus. tum quia mundus non est vnum per se, sed congeries etiam genere distinctorum: perinde argumentaris, ac si diceres absurdus est credere vnā nauiculā regi ab vno tantūm nauta, quā omnes naues in toto Oceano fluctuantes regi ab vno: vel pluribus nauarchis egent plures naues, igitur & vna eget pluribus. Futile item est quod dicit Macrocosmus regitur à pluribus Angelis, igitur & Microcosmus, qui de qualibet regione Macrocosmi participat, ac si participaret in eadem quantitate, proportionē, varietate: ac si non essent aliæ analogiæ inter hominem & mundum, propter quas ille dicitur Microcosmus.

Hebes Fludiratiocinium & minutiloquium. §. 32.

NE indicta causa damnetur Flud, audiātur eius rationes, quas breuitati studens perstringo. Argumentatur primò ab auctoritate Scripturæ, in qua profundenda non est parcus, & quam ad sua sensa, vel potius somnia solet detorquere. Psalmo 91. dicitur *Angelis suis Deus mandauit de te, ut custodiant te in omnibus viis tuis.* Et Zachariæ 2. *Et ecce Angelus, qui loquebatur in me, egrediebatur, & Angelus alius egrediebatur in occursum eius, & dixit ad eum, Curre, loquere ad puerum.*

istum. Ad primum locum dicitur quòd siue intelligatur de Christo, siue de quolibet alio homine, nihil promouet aduersarij causam: nam in primis Christus, qui erat incapax peccati, non egebat ductu & regimine Angeli: ministerio tamen plurium poterat uti, & ad eius obsequium erant parati: ex quo obiter moneo Fludum perperam menti humanæ assignasse Angelum custodem, si ut docet, mens non potest errare, & est ipsemet Deus, quis enim Deo pædagogum præficiat? Si verò de quolibet homine intelligatur, non est consequens, quòd plures cuilibet priuatæ personæ præficiantur. Sic si dominus præcipiat seruis, ut alicuius ægroti curam habeant, non est consequens, quòd plures ei ministrent, si sufficit vnus. Denique Deus in persona vnus alloquitur genus humanum, ad quod custodiendum plures destinauit, ita tamen quod singulis hominibus singuli sunt distributi Angeli. Secundus locus ineptè allegatur, nam non negamus, quin aliqui Angeli imperent aliis, & aliqui alios de agendis instruant. Sed vnde habet Fludus, quòd illi duo Angeli erant custodes Zachariæ: quasi verò ille qui imperauit, propterea fuerit ordinarius custos Zachariæ. Debit attendere Flud, quod fiebat extraordinaria legatio, & mittebatur vnus Angelus ad reuelandum alteri (qui postea suggereret Zachariæ) aliquid pertinens ad Synagogam vel Ecclesiam. Ineptè igitur Flud

ex illo facto singulari colligit cuilibet homini etiam dono prophetiæ destituto esse præfectos plures Angelos.

Venio ad rationes Fludi dignas armigero imbelli, quas breuiter rescissa battologia propono. Prima, si homo habeat tantum vnum Angelum custodem, non subiacet vi & influxui astrorum: nam à suo pupillo ille vnicus tutor illam vim auertet. Secunda, tanta est discrepantia inter animam & corpus, vt ad vtrumque regendum impar sit. Tertia Archangelus custos mentis auerfatur corpus, quod est mentis diuinæ carcer tenebrosus, è quo illam eripere nititur. Quarta, si Archangelus præset corpori, æquè ac menti, corpus non esset tam pronum ad vitia. Quinta, nisi admittere ir dæmon Olympicus, anima vitalis non esset tam inconstans & mutabilis, vt modò menti adhæreat, modo animæ animali. Sexta, si vnicus tantum dæmon integram massam tam internam quàm externam regeret, mirum foret vt mens animæ ac corpori, & corpus itidem animæ, atque tam mens quàm anima corpori essent tam aliena. Hæc est summa rationū: si tamen sunt plures, & non potius vna, & quidem tam infirma, vt vniuersa Fludi medicina non possit ei vires restituere, vt proinde pigeat me ad illam respondere. Aduocetur itaque muliercula, vel quilibet è plebe qui Fludum instruat, & eius admirationem quæ ex ignorantia procedit,

tollat: non quidem ex assertione plurium Dæmonum, qui si essent custodes, non essent causa dissidij, sed pacis: sed ex eo quòd limus cælo, & caro spiritui conferta sunt. Denique quia

--- *substantia duplex*

Iungitur, inque vnâ coeunt contraria vitam.

Ita Prosper carmine de prouidentia, ex communis omnium sensus promptuario: & si homo in puris naturalibus esset conditus, si nullus esset Angelus custos, si cessaret impugnatione Dæmonum, nihilominus vigeret illud dissidium: nam appetitus superior ducta rationis ferretur in bonum honestum sæpe oppositum bono iucundo, erga quod afficitur appetitus inferior.

Sed percurramus reliqua eo ordine quod proponit Flud. Primò, vnde trahit istam sequelam, scilicet non fore hominem subiectum influentiæ astrorum, si ei adsit vnus tantum Angelus: est-ne necesse vt semper vim astrorum auertat? cum sæpe cedat directè in bonum corporis, & indirectè in bonum animæ: aut si per vim astrorum intelligit aliquid fatale, quod hominem inclinè ad malum, cur illud detorquet semper Angelus, cum vt plurimum humanæ passionibus sint materia & seges virtutis? Sufficienter Angelus munus tutelæ obit, si in quantum conducit saluti illius, cuius curam habet, impediatur ne illi fiant tenebræ ignorantie, lubricum occasionum, & Angelus aduersa-

rius nimis persequens; id est, si quantum in se est, coërceat Dæmonis aduersarij vires, ne tam grauitè tentet, & peccandi occasiones offerat. Si animam excitet & moueat ad bonum, & retrahat à malo, si exteriora pericula tam corporis quàm animæ propulset, quod facit vt plurimum remouendo obiecta malorum incentiua, & lapides scandali. Deinde in opinione Fludi aduocatur Dæmon Olympicus, qui fortior Empyreo retundat eius vires, ne impediatur influxum astrorum, quod vt dixi, non intendit Angelus custos. Sed quid necesse est Dæmone fatalium executore? an vt applicet influxum astrorum, quæ satis per se eiulantur suas influentias? Præterea cùm directè influxus in corpus incidant, nonne potius pertinent ad illum qui curat corpus? Et si sunt malignæ influentiæ, & illas applicet Olympicus, iam non erit bonus, sed malus. Melius ipsemet Flud scit. . Microcosmi port. 4. lib 3. p.1. capite quinto reticens de tertio genio mentionem facit duplicis, boni & mali, inter quos est homo medius, quem vterque ad se trahere conatur, & illi est liberum vni vel alteri manum dare, & consequenter non est opus tertio Dæmone, qui modò conuertat hominem ad supremum, modò ad infimum.

Secundò, abiectiùs sentit Flud de Angelo, quàm par sit, qui ait illum non sufficere ad lites animæ & corporis componendas, & ad vtrumque in officio continendum: ad quod
tamen

tamen non obligatur, nisi in quantum videt hoc congruere diuino placito. Vnus homuncio sufficiet ad mille nutus excitandos in neuropasto, & vnus Angelus non erit sufficiens vt vnum hominem regat, quantumuis ex diuersis partibus compositum, quæ tamen diuino vinculo colligantur, vt dicitur Isidorus Pelusiota l. 4. ep. 125. sed quàm consequenter loquitur Flud, an corpori datur malus genius seditionis auctor, vt ex sua parte discrepantiam tollat, vel vt foueat? an vt regat, vel potius à recta via auertat?

Tertiò, vt nihil dicam de eo quòd menti assignat custodem Archangelum, cùm tamen opinio communis Theologorum sit ad custodiam hominum saltem priuatorum destinari solos Angelos ordinis infimi infimæ hierarchiæ, cùm Archangelus, etiam si auerferur tenebras, negligat curam habere corporis, & ita moderari illud, vt non sit oneri animæ, & ei quantum fieri potest subdatur? Aegroti enim Medicus curam non abiicit, nisi sit desperata salus: cur non ita corpus adaptat, & eius tenebricosam ferruginem abstergit; vt sit conueniens animæ instrumentum, & non demergat ipsam in profundum? & si auersatur, & non vult habere curam illius (quod non est in eius arbitrio, sed Dei mittentis) est-ne cōsequens vt incidat in manus prauī Dæmonis corpus, in quo, vt ait Cassiodorus lib. de anima, omnia sunt præconialia, quicquid reclament Ma-

nichæi, qui dixerant non esse facturam Dei, sed Diaboli.

Quartò, perperam ex eo quòd idem Angelus præsit menti & corpori, infert Flud fore vt corpus non sit tam pronum ad vitia: nam pronitatem ad vitia non tollit tutela Angeli: & è cõuerfo hæc pronitas non pro- uenit à solo prauo Dæmone: alioqui nulla haberetur ratio téperici, nihil relinqueretur libero arbitrio, nihil consuetudini, nihil educationi, nihil victui, nullo loco poneretur prauorum consortium, nullo exem- plum.

Quintò, animæ inconstantiam refundit in Dæmonem parum gnarus naturæ huma- næ voluntatis, quæ tædio afficitur ex eodem vitæ tenore: & fluxus & refluxus tot affe- ctuum diuersorum, qui vigent in voluntate, partim ex cogitationum æstu proueniunt, quæ occurſu obiectorum, vel de nouo obla- torum, vel in memoria hærentium excitantur. Præterea quid distinguit Flud hac in parte inter animam vitalem & animam sen- ſitiuam, ac ſi affectus quibus adhæret anima vel menti, vel corpori, non pertineant ad animam ſenſitiuam.

*Decimus. Anima ſeparata à cor-
pore errat circa corpus.*

Commentum poëticum eſt errare, & non admitti ad inferos animas inſepultorum,

ahororum, & biothanatorum, quod explodit Tertullianus lib. de anima; retuli etiam supra eos, qui dicunt animas volitare circa sepulchra. Ratum tamen est apud Theologos animas pro diuersitate status, in quo excedunt à corpore, se recipere vel in locum expiatorium, vel in locum præmij, vel supplicij. Non recordor quòd Flud horum faciat mentionem: memini tamen ipsum docere mentem humanam sursum euolare post mortem, & animam relinqui in Hylæ voragine. Simile quid fabulatores referunt de Hercule, cuius vnâ partem dicunt degere apud superos, aliâ apud inferos. Idem Flud, si modò ritè memor, in homine distinguit triplicem animam, ita vt suprema nunquam damnetur: quod si ita est, sequitur nullam animam damnari: nam, vt ostendi pluries, etiam in opinione Fludi, mens humana non est distincta ab animâ humana: quare facîle contemnet Flud illa diuersarum animarum receptacula, quæ assignât Theologi: nec mirum est si contra omnem rationem & auctoritatem etiam sacrâ dicat animam separatam, & spiritum errare circa corpus, quod confirmat ex iis quæ sequuntur.

In Anatomia mystica lib. 2. cap. 5. causam cur præsentē reo cadauer hominis interfecti sanguinem emittat, refert in præsentiam animæ illius qui interfectus est: ad quod verificandum præmittit tanquam euidentis

quòd anima sine spiritu suo æthereo (qui est quasi vitæ humidum radicale) nec ille nisi in suo curriculo, qui est aër mundanus, neque ille sine suo vehiculo, quod est humanus visibiliter condensatus, qui est sanguis, neque corpus ingredi, nec in ipso manere, nec tandem ab eo mortis violentiâ discedere possit: & ait quod illud Iobi 24. 12. *Anima vulneratorum clamauit, & Deus multum abire non patitur*: intelligitur de anima cum suis vehiculis vsque ad vltimum, quod est sanguis, cui cætera mirabili vinculo alligantur: atque hinc prouenit, quod si quis transeat per locum, in quo homo est infectus, aut vbi cadauer nouiter occultatur, timore afficiatur, quoniam aër, qui est vltimū vehiculum, in quo animæ infecti vehitur, huiusmodi cæde perturbatur, & spectris vndique circundatur: & sic cum spiritu interno hominis transeuntis se iungens ipsum etiam similibus figuris inuisibilibus afficit. Pergit Flud, ex quibus euidenter liquet quod aër, qui est animæ infecti sedes & currus nexu inseparabili relationem habeat ad sanguinem adhuc in corpore defuncti remanentem: & confirmat ex eo quòd præsentē reo cadauer emittat sanguinem, quia spiritus, qui est animæ receptaculum, & habet ad huiusmodi cadauer relationem, à cadaueris sanguine minimè adhuc separatus totaliter, metu perculsus in corpore mouetur, & motu huiusmodi subitaneo san-

guinem congelatum liquefacit calore sui motus. Porro etiam est luctatio quasi atque contentio inter spiritus interfecti & interficientis, qualis erat inter spiritus Eteoclis & Polynicis, qui ignis flamma permixti flammam, à flamma distinguere videbatur. Nam ipsa anima defunctorum in aëreo spiritu tanquam suo vehiculo, etiam à suo cadauere separato inhabitare solet. Addit quòd spiritus mortuo homine se potest condensare & apparere viuentibus in eadem forma, qua corpus erat: & dicit apparuisse spiritum Samuëlis. Addit præterea eodem modo Eliam apparuisse cum Moïse in monte Thabor, & Christum post resurrectionem: & affert varia experimenta & historias, quarum fides sit penes auctorem.

In discursu Fludi multæ sunt falsitates, fabula, & impietas. quoad sanguinis emissionem à cadauere occisi videatur Mersennus cap. 4. Genes v. 10. q. 53. & ex Iuriconsultis Gregorius Tholozanus in Syntagm. iuris libro 36 cap. 20. Farinatus in Practica criminali q. 52. qui huius euentus varias reddunt rationes, qui tamen non semper euenit. Verior autem est quòd non datur illa causa naturalis, sed ad Deum recurrendum est qui humani sanguinis vindictam exposcentis obiectiue, quatenus prouocat, vindex vult occultum homicidium detegere. Quare falsum est hoc accidere propter præsentiam animæ occisi quicquid reclamet cum Ægy-

ptio Porphyrius 2. de abstin. Falsum est quod omnis transiens per locum, vbi cadauer est occultū, timore percellatur, si inscius sit adesse cadauer: nam si oculis occurrat vel aliunde sciat, potest alia ex causa timere quàm ex prætenso animæ vehiculo, quod à vento perflante facilè potest dissolui, & alio & aliò propulsari, ne misceatur cum spiritu transeuntis & vnde accipit flatus siue spiritus vitalis vt se in figuram conformet, & in spiritu alterius spectra efformet? Falsum est animam non posse dissociari à sanguine, vel spiritu aëreo. Falsum item est posse spiritū, qui est euanidæ & inseparabilis substantiæ & naturæ, diu subsistere circa cadauer, quod post multos dies à cæde emittit sanguinem. Falsum quod spiritus timore percellatur à corpore separatus, loquor de spiritu chymico de quo Flud. Falsum quod habeat vim liquefaciendi sanguinem concretum. Falsum quod aduentante homicida excitetur spiritus defuncti, vt subeat cadauer & sanguinem commoueat quasi bellaturus cum spiritu interfectoris. Cùm illæ inimicitiae superstitæ reliquæ sint fabulosæ: & illud quod dicitur de spiritibus duorum fratrum est figmentum poëticum, ad odium ante implacabile significandum: quod si non alia causa sanguinis emissionis esset, quàm dissidium spiritus vtriusque, dicendum quoque esset hoc contingere, quando homicidium est manifestum.

Quod autem Flud dicit de spiiritu chemicè sumpto, quòd se possit condensare, & in figuram humanam se conformare est ridiculum cùm iam euauerit. Cæterùm spiritus Theologicè sumptus pro persona, vel semipersona incorporea est incapax condensationis: & ideo nouum corpus sibi composuit anima Moïsis, vel ab Angelo est ei coaptatum. Idem dicitur de Samuële, vel eius loco apparuit Dæmon, vt dicunt aliqui. Elias verò cùm, vt loquitur Tertullianus, sit æternitatis candidatus, & adhuc uiuat in corpore, potuit cum eo adesse. Tandem impium est & hæreticum dicere quòd Christus post suam resurrectionem apparuerit eo modo, quo dicit Flud, quasi verò non habuerit corpus solidum & palpabile, & proprium oculis Apostolorum obiciendum, temperando nimis amlucem. Immò ad hoc apparebat, vt probaret verum corpus resurrexisse.

*Vndecimus. Anima uertitur
in Dæmonem.*

Hic error ortum habet ex alio, nempe animas non differre naturâ à Dæmonibus, neque esse formas informantes, & tribuitur Platonis, & quibusdam hæreticis, vt Catharis apud Exbertum ser. 13. aduersus eos, Eberhardus lib. contra Valdenses cap. 26.

notat præterea Tertullianitas eo quòd dixerint animas peccatorum mutari in Dæmones. Notatur etiam Origenes apud Viuem ad 9 de ciuit. cap. 11. vbi hunc transitum expresse tradit Apuleius. Afferit etiam Maximus Tyrius dissert. 27. & longè ante Hesiodus in poëmate, quod inscribitur *Opera & dies*: nam postquam descripsit aureum genus hominum, addit huiusmodi homines fieri Dæmones post mortem, & custodes uiuentium, versus Hesiodi paulò aliter referuntur à Theodoro to ferm. 8. contra Græcos post medium, & sic Latine exprimuntur,

*At postquam genus hoc terrâ mors obruit alta,
Dæmones hi sancti terrestres ritè vocantur,
Custodes hominû, nostra hac quibus omnia curâ.*

Huius etiam meminit Plutarchus lib. de Socratis Dæmonio. Longè aliter hæc transmutationem intellexit Diuus Chrysostomus, scilicet moraliter, & non tantum post mortem, sed etiam in hac vita: nam hom. 2. de Lazaro ex Lucæ 16. capite, carpens prædictam Gentilium opinionem, ait, *Sunt enim plerique simplices, qui putant animas violenta morte descendentium fieri Dæmones. Hoc autem non fit, non fit, inquam, istud: non anima violenta morte decedentium fiunt dæmones: sed anima potius in peccatis uiuentium: non quòd mutetur illorum substantia, sed quòd voluntas Dæmonum prauitatem imitetur.*

Flud sect. 2. Microcosmi port. 4. lib. 3. p. 1. cap. 5. faciens mentionem duplicis genij boni

& mali, ait quod homo inter hos duos con-
certantes medius est, & loco liberi arbitrij
sibi est, ita vt victoriam vtri vult præstare
soleat: & præterea quod quilibet genius co-
natur hominem transformare in seipsum,
puta per conformitatem morum: & bene
hactenus Flud, si sistat in sola mutatione mo-
rali: nam omnis alia physica metamorpho-
sis debet excludi, vt bene docet Philastrius
hæresi 73. sed cum de hac morali transfor-
matione non sit vlla dubitatio, cur iterum
Flud hanc quæstionem retractat, & iterum
vt dissoluendam proponit, nisi intelligat de
alio genere transformationis? quæ non po-
test esse alia, quàm physica, vel non potest
aliter intelligi, quàm dicendo animam, ante
quam ingrediatur corpus, non esse alterius
naturæ quàm Angelicæ, & post mortem si
bene egerit in numerum bonorum Angelo-
rum cooptari, si malè ad consortium Dæ-
monum transire, & vti illos esse pernicio-
sam, vt dicit Apuleius lib. de Deo Socratis
post medium. Proposita autem quæstione
Flud inclinat in partem affirmantem (quod
est conforme eius principiis) quæ est ani-
mam esse creaturam empyrei sicut est Ange-
lus, & violenter in corpus descendere: &
trahit ad hoc propositum post Agrippam li-
bro tertio Philof. cap. 28. illud Ioannis 6.
*Nonne ego vos duodecim elegi, & ex vobis vnus
Diabolus est?* Verum, vt bene interpretatur
S. Epiphanius hæresi 38. Iudas erat Diabolus

mente (id est affectu) non naturâ: de aucto-
ritate Trismegisti, cuius ea quæ citat Flud,
habentur cap. 10. Pimandri, non sum sollicitus:
nam ipsum purgare ab errore esset non
tantum Ægyptium, sed etiam Æthiopem la-
uare.

*Diodecimus. Anima humana est
corruptibilis & physice mortalis.*

Addidi physicè, quia non est dubium quin
eo modo sit mortalis, quo alicubi dicit Flud,
& pluries auctor libri de spiritu & anima,
nempe vitam gratiæ diuinæ amittendo, & se
vitiis mancipando: sed ad rem, error pro-
positus, qui totius Religionis euertit fun-
damentum, non eget refutatione: satis mi-
hi erit illum ex doctrina Fludi eruere: ve-
rùm quod in pluribus locis dicit esse im-
mortalem: & præsertim lib. 4. Macrocosmi
cap. 11. hæc sunt verba concepta, quibus ra-
tionem incorruptibilitatis animæ reddit &
priori, Concludimus igitur præter rationes prædi-
ctas (quæ sunt à posteriori) animam propter suæ
compositionis rationem incorruptibilem esse, quia
nulla contraria ad compositionem eius concurrunt,
cum spiritus, qui est quasi anima materia, æreus
sit, mens verò ignea, quæ est forma compositi: est
enim de spiritali lucis substantia: tum verò ær
& ignis amiscuïmi existant, & unum sit quasi
pabulum alterius, alterum verò tanquam vita &
anima suo nutrimento matrimonio naturali, quæ

vinculis perpetuis simul copulantur. An non timet Fludus ne ignis ille aliquando pabulum suum absumat? vel aliquando lucerna languescat? vel si homo in aqua moriatur, ab aqua ignis extinguatur, quod timebant Stoici, quorum mentem exprimit Poëta quidam dicens,

Nec timeo lethum, genus est miserabile lethi,

Tollite naufragium, mors mihi munus erit.

quod etiam timebant illi, cum quibus nauigabat Synesius, vt narrat in epistola quarta, qui orta tempestate gladios strinxerunt, vt se interficerent antequam anima vndis obrueretur.

Sed seriò vide quàm rectè consentiant quæ dixit priùs cum illis quæ dicit lib. 8 Microcosmi cap. 1. nempe animam, quæ mentem neglexerit, facta talis animæ & corporis dissolutione, relinqui in terra, mentem verò sursum ferri. Igitur separantur mens & anima, & ea quæ ingrediuntur compositionem dissoluuntur, ex quo sequitur interitus: qua ratiocinatione vtitur Seuerus Platonius disputatione de anima apud Eusebium 13. de prepar. cap. 17. vt probet, quòd anima non sit ex duabus partibus conflata, quarum altera patiendi necessitate libera, patibilis altera sit. quod itidem existimat Flud, iam verò, inquit Seuerus, de animo illo, quem à Deo nobis duplici ex parte, alterâ patiendi necessitatem excludente, altera subeunte passionem conflatum quasi medium quendam ex albo, nigro-

que colorem obtrudit Plato, hæc in præsentia quæ dicamus occurrunt, partium illarum progressu temporis illabente dissidio interire animum oportebit: quemadmodum illam coloris mediæ temperationem, cum illi, ex quibus ante coaluit, suapte naturâ paulatim in suum quisque genus, propriumque subuuntur, perire necesse est: id quod si semel probabitur, mortî certè obnoxium non immortalem animum ponemus.

Secundò, quod constat ex elementis est corruptibile: anima secundum Fludum constat ex elementis; igitur anima in doctrina Fludi est obnoxia corruptioni: maior apud omnes in confesso est: probatur minor ex iis, quibus ostendimus sequi ex principiis Fludi animam esse corporeâ, quia fit ex elementis: & confirmatur, quia, ut habetur in Genethliologia lib. 3. p. 3. cap. 7. anima animalis siue sensitiua ex formaliori elementorum parte constituitur, & ideo ei præest Dæmon elementaris: at de mente Fludi anima rationalis non est alia à sensitiua, igitur si hæc componitur ex elementis, & est corruptibilis, etiam illa. Subsumptio habetur sectione prima Microcosmi lib. 13. cap. 1. Anima, inquit, humana, quæ in corpore habet esse, & extra corpus, pariter anima & spiritus vocari potest: non tamen duæ animæ sensuales scilicet & rationalis, altera nempe quæ uiuit homo, & altera, quæ, ut quidam putant, sapit. Sed una eademque anima in semetipsa uiuit per mentem ac ac intellectum, & corpori uitam præbet per sensum, &c.

quæ omnia transumpta sunt ex auctore de spiritu & anima cap. 9.


Tertiò, fatentur omnes spiritum naturalem & vitalem esse euanidæ & dissipabilis naturæ: at animam confundit Flud cum utroque: igitur in doctrina eius anima facile dissipari potest & destitui: minor est evidens ex dictis, & meteorologia ipsius lib. 4. de causa efficiente meteororum membro 2. cap. 5.

Ex hac contracta Effigie, quam absque fūco depinxi, iudicet æquus Lector in quantam molem excresceret, si iuxta totam magnitudinem pingeretur: ex ungue leo, ut fertur, *Siquidem*, inquit Lucianus lib. de sectis, aiunt quendam ex statuariis, opinor autem fuisse Phidiam, tantum ab ungue leonis conspecto iudicasse in quantam magnitudinem totus leo exurgeret, si iuxta unguis rationem fuisset sculptus.

Epilogus ad Robertum Flud.

Hæc pauca ex propemodum innumeris, ô Roberte, quibus tuas apologias, & quæcunque hætenus exscripsisti, volens nolens infecisti, quibus etiam alia subiunget Appendix, quæ si deinceps emendaueris, & te receperis ad bonam frugem, materiã nobis suggeres gaudij singularis, & erit unde Deo Opt Max. summas agamus gratias, si te præsertim è Calvinistico grege ad orthodoxum ouile reduxerit.

FINIS.







APPENDIX

AD EFFIGIEM ET NÆVOS:

*Arguam te & statuam contra faciem
tuam. Psal. 49. §. I.*



POST depictam effigiem incidi circa Quadragesimam anni 1634. in librum Fludi, cui est Epigraphe, *Clavis Philosophiæ & Alchimiæ Fludans*, qua videtur sensum suum aperire in iis, quæ ipsi à Merfennio, Lanouio, & Gassendo obiecta fuerant. Sed potius omnia obscurat, & velat nube allegoriæ. quod familiare Ethnicis, dum eis suorum Deorum probra & delicta obijciebantur, ut notat D. Augustinus 7. de Ciu. cap. 5. *Sed ipsorum, inquit, interpretationes Physicas audiamus, quibus turpitudinem miserrimi erroris velut altioris doctrine specie colorare conantur.* Et Tertullianus 1. contra Marcionem cap. 13. *Ipsi quoque vulgaris superstitionis communis idololatriæ cum in simulachris de*

nominibus & fabulis veterum mortuorum pudeat, ad interpretationem naturalium refugit, & dedecus suum ingenio obumbrat. Non erit operosum aduersariis Fludi respondere ad illius tergiuersationes, nisi fortè refellere piget, ne propterea aliquid putetur dixisse, quia ei responderi dignum habitum est, ut in simili dixit idem Aug. respondens Fausto Manichæo lib. 12. contra eundem cap. 65. Certè prædicta Fludi responsio est potiùs palinodiâ vel tautologia eorundem locorum Scripturæ centies repetitorum, malè intellectorum, tumultuariè congestorum, quàm vera Antiapologia. Solùm ne cui videatur Fludus fluctibus suis abluisse & abstersisse colores, quibus eum depinxi, & erasse næuos ab effigie, obiter relinamini in his partibus, in quibus prædicti Auctores similes defectus animaduerterant, & eo ordine quo priùs procedam: & primò an rata debeat esse eius Physiologia in eo, quòd materiam primam Deo, coæternam facit. Secundò in eo, quòd creaturam iure operandi spoliât. Tertio in eo, quòd asserit Deum esse formam informantem & animâ mundi. Quartò in eo quòd Deum facit auctorem peccati. Quintò in eo, quod docet de Angeli constitutione. Sextò in eo, quod dicit de animæ humanæ origine. Septimò in eo quòd tenet licitum esse cuiuslibet suo ritu Deum colere, vel posse quemlibet in sua religione salutem consequi.

Demateriae primae origine. §.2.

Flud qui toties conqueritur de Antagonistarum infirmitate & debilitate, qui pagina 16. iactat se habere humeros atlanticos ad ictus retundendos, qui pag. 38. se pollere virtute Herculeae, tamen transfuga legitimas certaminis leges transgreditur, extra lineam excurrit, circulum exit, firmiter pedem non figit lubricus & inconstans, ut iam patebit. nec mirum, quia veritas firmos habet pedes, quare dicitur *emet*: mendacium autem est inconstans, ideo Hebraeis dicitur *secher*, ut ostendit Archangelus Burgonou. in fine tractatus in selectiora Cabalistarum dogmata. Vel ut ait Clemens Alex. 1. Strom. ante medium, veritas est vna, falsum autem innumerabilia habet diuerticula. Quare iusta subesset causa non congregiendi cum tali aduersario.

Flud hac in parte parum propositi tenax. §.3.

NOtabam in effigie Fludi inconstantiam & vacillationem inter duas opiniones discrepantes vnam Artephij, aliam Paracelsi. Audiamus nunc an in aliqua earum quiescat, & an nulla sit Antilogia intra paucas paginas. Pagina 16. omnia ex nihilo, hoc est ex non exi-

stenti actu creantur: at pag. 7. mundus ex præexistenti aliqua materia creatus est: pag. 16. materia informis præsentia radiorum emanationis sanctæ lucidorum informata, illuminata, atque creata dicitur: at pag. 17. ipsa rerum omnium materia prima non est creata: pag. 16. materia prima non est aqua, sed hæc est materia secunda: at pag. 56. materia rerum omnium prima est aqua, de qua D. Petrus 2. 3.5. ex quo prima fronte illud argumentum ad hominem ei soluendum incumbit, materiam primam secundum Fluidum non est creata, aqua est materia prima secundum Fluidum, igitur aqua secundum Fluidum non est creata. Pag. 16. est iam in sola potentia ad actum, & in mera potentia diuina reseruatur: at ibidem producta est illa potentia in actum.

*Flud à sanctis Scripturis & Patribus
ad hæreticos, & horum Patriarchas
transfuga. §. 4.*

Quamuis Flud fluctuabundus per diuersas opiniones vagatus sit, tamen vltimò in hunc scopulum malè feriatuſ vñdis erroris & contradictionis impulsus impègit, & firmius adhæsit, vt diceret materiam primam esse Deo coæternam & increatam.

Primò itaque deserit Scripturam factam; siue enim teneamus quòd materię primæ facta sit mentio in illa, & quòd nomine terræ

inanis significata sit vt vult D. August. 12. Cōf. c. 8 siue non cum Tertull contra Hermogenē, tamen vt pluribus ostendit ibidem, constans est omnia per verbum facta esse, & nihil existere præter Deum quod non sit factum.

Secundò deseruit eorum SS. P. quos partim citauit in effigie, partim citabo in decursu, quibus adde Lactant 1. instit. cap. 2. & c. 9. Zenonem Veronensem ser. 1. de Genesi. Iustinum in admonitorio: videndus Feuardentius in 2. D. Irenæi c. 11. vt nihil dicā de illis qui dicunt mūdum esse ē nihilo conditum vt Greg. Naz. orat. in sanctum lauacrum versus finem, & de aliis qui dicunt nihil esse Deo cōæternum. Videndus Ioannes Cyparissiota decade 8. c. 13. & cap. 10. vbi ostendit quod omnia sunt creata excepto Deo.

Tertio secutus est hæreticos Hermogenem, Hermianos siue Seleucianos, de quibus D. August. agit hæresi 59. Albanenses, & quendam Baranum Hermannū Rissauich apud Alphonsum à Castro 11. *mundus* hæresi 1. Manichæos teste Niceph. 6. hist. c. 31. Philastrio hæresi 8. & 14. quanquā Faustus Manich. apud D. Aug. 1. 21. contra ipsum initio dicat, *Duo principia confitemur, sed vtrū ex his Deum vocamus, alterum hylem aut vt communiter & vssitate dixerim demonem.*

Quod dicebam hac in parte Philosophos fuisse hæreticorum Patriarchas, dixi cum Tertulliano l. contra Hermogenem cap. 8. quilibet præscript. ait, *Vbi materia cum Deo æquatur, Zenonis disciplina est;* & lib. contra Valen-

tinianos cap. 15. *Age nunc discant Pythagorici agnoscant Stoici, Plato ipse, unde materiam quam innatam volunt, & originem & substantiam traxerit in omnem hanc struem mundi, quod nec Mercurius ille Trismegistus Magister omnium Physicorum recogitavit.* Idem Platonici tribuit Theophilus Antioch. 2. ad Antolycum fere initio. Adde Epicuræos qui dixerant ex nihilo nihil fieri posse.

Sed ne Fludus gloriosum ducat se cum tot & tãtis Philosophis in ista opinione tanquam in equo durateo includi, possem ex Ethnicis testes multos in mediũ adducere, qui asseuerarent Deum esse omnium rerum auctorem. Immo ex Pythagor. Hierocles apud Photium cod. 251. Platon. hac in parte refellit. Sed neq; ita sensisse omnes Platon. testis est Aencas Gazæus in Theoph. post medium, vbi quod materia non sit *ἀνάγκη* docet Porphyrius ex Chalcidæis & Plotino. Purgat item Platonem Theodoretus ser. 4. cõtra Græcos. Rationes quibus hic error potest explodi, possunt sumi ex citatis auctoribus nempe quia si Deus egeret materia, nulla esset differentia inter Deum & mortalem opificem, quæ ratio est Hebræorum apud Chalcidiũ Comm in Timæum Platonis, & exornatur à Theodoro, Lactantio, Origene apud Euseb. 7. præp. c. 8. aliàs 2. & bene ait D. Athan. lib. de Incarnat. verbi *initio* quod Deus non posset dici creator, sed artifex, nisi materiam condidisset, & eos Deum facere imbecillum, qui dicunt egerẽ materia. Præterea

si materia prima esset increata, nullum ius & dominium haberet Deus in illam: & consequenter, ut attigit Hierocles, quorsum illam Deus digerere conaretur? quam consequentiam bene vidit Iustinus *supra* parum à medio: *Atqui potest materia, inquit, iuxta Platonis dogma ingenerata est & ipsi opifici contemporanea & coæva: quo fit ut consentaneum sit eam ipsius voluntati non assentiri: ab illo enim qui non fecit in illud quod factum non est nulla vis atque potestas, &c.* illam autem rebellionem materiae, & bellum plusquam Poëticum ex Manichæis refert D. Aug. & Niceph. & in hoc etiam illam resistantiam consistere dicunt, quod non potuerit Deus facere ex ea quicquid voluerit; sed quasdam ipsius particulas fuisse ineptas molitioni & esse malorum seminarium, ut explicat Droserius huius erroris sectator apud Origenem Dialogo de recta in Deum fide art. 2.

Flud Fabulator. §. 6.

ALix rationes possent proferri: sed qui cauillari volunt argumeta multiplicant, qui verò philosophari, veritate rerum contenti sunt, ait Philo apud Euseb. *supra* c. 8. aliàs 21. solum adijciam Fludum hac in parte sequi fabulatores. Nam ut ait Theod. quæcunque fabulae de ipsa materia peruagantur, eas diuina Scriptura in chaos illud, quod est apud Hesiodum Poëtam cōiecit. quod autem Chaos illud Fludo sit materia prima patet ex variis eius operibus, & hinc pag. 30. Gassendo dicenti

Fludum docere velle chaos suum fuisse à Salomone & Iobo comprobatum consentit. qui enim tacet, consentire videtur. & alibi fabulam Demogorgonis è chao educantis & obstetricatis litigium (quā habes apud Burchardum Pyladem initio Theogoniæ) approbat. in quo præterea aduerte Spiritum contradictionis. Nam per hylam intelligit materiam primam, & eandem dicit esse aquam: & ait alibi quod pan, qui est aqua, est secundus Hylæ filius, igitur idem est filius quod mater:

Flud diuinæ Scripturæ tortor. §. 7.

VT hæreticis ferè mos est simplicia quæque torquere, ait Tertullianus l. contra Hermodenem cap. 19. ita hoc valde familiare Fludo, maxime hîc, nam quæso te quid iste locus, quem pag. 56 affert ex 1. Corinth. 1. 28. *Elegit Deus ea quæ non sunt, ut ea quæ sunt destrueret*, ad probandum quod Deus produxit mundū ex materia informi, vel etiam ex nihilo. cum sensus sit Deū elegisse Apostolos abiectos & qui pro nihilo habebantur, ut eos qui in magno pretio habebantur, nempe mundi sapientes & potentes destrueret, idest humiliaret, inanem ostendendo esse eorū sapientiam: quid etiam loca pro Fludo faciunt quæ citat ex Iobo 12. 22 & Apostolo ad Hebr. 11. 3. nonne militant contra Fludum & probant Deum omnia creasse ex nihilo ut ex non existentibus.

Examinemus reliqua: productis illis testimoniis Genes. 1. *In principio creauit Deus calum & terram.*

& terram, & Ioan 1. in principio erat verbum. Itatim noua & inaudita visa est interpretatio Fludi, qui per principium intelligit materiam. sed legens Tertullianum legi quoq; desumptâ fuisse ex hæretico Hermogene similiter ad hoc propositum primum locum detorquente. Cui adhibet triplicem expositionem: prima sit, *in principio creauit.* id est in principatu & potestate, quæ habet fundamentum in vocabulo Græco. secunda, *in principio,* id est in Sophia æterna: quæ expositio est etiam aliorum Patrum vt S. Augustini 11. de Ciu. c. 32. tertia, *in principio* id est initio, quæ est communis. principium enim est inceptionis verbum. quod multis probat Tertullianus. vt dum dicimus in principio figulus fecit vnam ex argilla, ibi principium non denotat materiam sed ordinē operis. præterea probat. quia si principium materiam significaret, non ita scriptura instruxisset, in principio Deus fecit, sed ex princio. non enim in materia sed ex materia fecisset.

Ad secundum locum, vt omittam quod ex illo potius Tertullianus conuincit Hermogenem, & probat omnia facta esse per verbum & ibi nullius materiæ fieri mentionem, respondeo nunquam venisse in mentem interpretationem Fludanam sanctis Patribus, licet pluries prædictum locum tractarint. Sed aliqui per principium intelligunt Patrem. alij & magis iuxta litteram intelligunt initium, ita vt S. Ioannes, qui suum Euangelium scrip-

sit ad refellendos hæreticos qui malè de filij diuinitate sentiebant, voluerit dicere quòd filiū iam erat in initio creationis & quòd non est creatura, sed Deus æternus. ita vt nihil prius eo cogitari queat, quod nullo potuit principio præueniri, sic Fulgentius 2. ad Trasimundum c. 5. Anastasius Sinaita 1. de rectis fidei dogmatibus. Basilii 1. de spiritu S. ad Amphilochoium cap. 6. *Ioannes, inquit, pulchrè duabus vocibus cogitationem intra terminos præscriptos reclusit cum ait, in principio erat verbum. Hac enim vox erat nullum cogitationi præbet exitum: quæadmodum hæc principium, non dat transitum humane mentis imaginationi: quantumvis enim cogitatione curras ad anteriora, non excedis erat. & quantumvis insisteris videre quæ sint ultra filium, non poteris tamen superare principium.*

Sed contra allatam expositionem instat Fludus, vocabulum *principium* non potest dicere ordinē quia nullus erat. verum est quòd extra Deum, cum nondum erat mundus conditus, nullus erat, sed Deus posuit ordinatim procedendo in rerum productione. & sicut prima creaturā fuit principium numeri: ita & initium ordinis numeralis. Secundò inquit Flud. non potest importare ordinem loci quia nullus erat, esto. quanquam posset quæri à Fludo vbinam esset illud principium tenebrosū? si respondeat in Deo. certè in eo tenebræ non sunt vllæ. Tertio ait Flud. prædictum nomen non posse notare principium temporis, quia nondum erat. sed hoc futile

est, & simili argumento conabantur Aristotelistæ probare mūdum esse æternum & nunquam incepisse. dicebant enim si mundus incepit & factus est in tempore, vel quando erat, vel quand non erat: neutrum autem potest dici. quia illud, *quando* designat tempus, quod nondum erat antequam mundus fieret. ad quod Respondent Theologi cum D. Augustino II. de Ciu. cap. 6. mundum non esse factū in tempore, sed cum tempore, similiter soluitur, Sophisma Sexti Empyrici l. 9. cōtra Mathematicos §. *an sit tempus*, & l. 3. Pyrrhoniæ Hypotypos, c. 17. quo nititur probare non potuisse incipere tempus & nullum esse, si inquit temp⁹ incipit, vel incipit esse in tempore, vel non. si non, igitur non incipit, quia quicquid incipit, in tempore incipit. quod si in tēpore, vel in seipso, vel in alio. non in seipso, alioqui idē esset à seipso diuersum, & idem esset, & non esset: esset quidem, quia quod fit in aliquo, in eo tanquam præexistente fit: non esset autem, quia fieret & inciperet. quod si fit in altero tempore, de illo redibit quæstio in quo fiat, & sic in infinitum. ad quod dicitur tempus incepisse in seipso vt optimè ait Theodorus Abucara opusc. 34. *tempus*, inquit *neque est in tempore* (nempe alio quàm seipso,) *neque non est in tempore*. scilicet extra seipsum. quod enim dicitur quicquid incipit in tempore diuerso à seipso, verum est de rebus, quæ tempore mesurantur, non autem de ipsamet mensura. Sicut quantitas non

est extensa per aliud, quàm seipsam, sed est ipsamet extensio formalis, qua aliæ res sunt extensæ. quod autem dicitur si tempus incipiat, fore vt sit antequam sit, negatur de tempore reali, sed tantum sequitur ante quodlibet tempus præcedere aliud possibile vel imaginarium.

Ad propositū. dum dicitur, *in principio creauit Deus cælum & terram*, sensus genuinus est, Deus in condendis operibus initium & exordium sumpsit à cælo & terra. iam si quærat in qua mensura durationis cælum fuerit creatum, respondendum erit, esse creatum vel in æuo, vel semiaëuo, vel instante permanente. præterea illud principium non significat initium temporis quod iam sit, sed quod mox futurum sit, ita vt instans quo creatur cælum statim voluendum, sit instans negatiuum & extrinsecum circularis reuolutionis & motus cum quo idem est tempus, vel cuius est mensura.

Vltimus locus, qui magis videtur suffragari Fludo, sumitur ex Sap. 11. 18. vbi habetur, *Manus omnipotentis mundiæ ex materia informi siue inuisa creauit*. Si hunc locum explicare velimus, fortè respondebit vt fecit Gassendo pag. 30. nempe non potuisse alio modo respondere quàm rejiciendo interpretationem seu trāslationem D. Hieroni. quàm hæc sunt infirma & puerilia. Falleris Flude non reiicimus, sed nec sicut tu facis, confundimus interpretationem verbalem cum expositione interpretatiua secundum sensum. potiori iure tibi

Roberti Fludi.

obiici posset quod interpretationem illius loci, *in principio creauit*, non tantum secundum veram intelligentiam, sed etiam secundum litteram deseris, cum illa verba quodcunque potius ferant, quam illud principium materiale tenebrosum, quasi verò principium non habeat aliam significationē vsu mægis receptam. debuērat meminisse Fludus illius, quod toties inculcat, *littera occidit*.

Nunc ad rem. sensus est Deum creasse mundum sensibilem & corporeum ex materia, quæ de se caret forma Physica, ita tamen creasse ex illa materia, vt saltem prius naturâ creauerit illam materiam, vel saltem concreauerit. & sapiens potius loquitur de creatione, prout dicit distinctionem partium mundi & ornatum, quam de materia omnino prima, & fundamento totius entis corporei. Itaque primò Deus creauit materiam informem, non quidem nudam ab omni forma (non disputo inodò an hoc potuerit) sed carentem forma nobiliori, quam erat receptura: illa autem materia dicitur informis & inuisa, quia defectu lucis, videri non poterat. tenebræ enim erant super faciem abyssi. siue aquæ terram operientis, siue vt exponit D. Augustinus mox citandus, terra erat obscurior quam abyssus. & similiter potest exponi D. Paulus dum ait, *ex inuisibilibus visibilia fierent*. Sed ne dicat Fludus hanc expositionem esse nouam & confictam, audiat D. Augustinum 12. confess. cap. 8. *terra, quam dedisti filiis hominum ceruen*

dam atque tange. adam, non erat talis, qualem nunc cernimus. inuisibilis enim erat. addit. illud autem totum prope nihil erat, quoniam adhuc omnino informe erat. iam tamen erat quod formari poterat. tu enim domine fecisti mundum de materia informi, quam fecisti de nulla re pene nullam rem, unde faceres magna. & infra terra autem ipsa quam feceras, in formis materies erat, quia inuisibilis erat. Vides Fluide materiam, quam informem dicit sapiens, esse factam & non esse æternam, esse creatam è nihilo, licet sit ens tam imperfectum, ut non longè distet à nihilo: habeo & testem antiquiorem Tatianum Assyrium orat. contra Græcos: vniuersam, inquit, mundi machinam, & quicquid in ea conditum exstat, è materia constitutum esse patet: ipsam verò materiam productam, ita ut partim rudis & informis intelligatur, antequam discerneretur: partim conformata & digesta post peractam eius discretionem.

Argumentum Fludi vulgare & tritum conteritur. §. 6.

TImebam Fludi rudentes Fluctus, dum pag. 16. vidi paratum ad probandum materiam primam non esse creatam. Sed facile alliduntur. nihil autem profert quod non emedicarit à nostris, & quod non sit vulgare in scholis. Quicquid, inquit, creatur in actuatur, quoniam omnis creatio est deductio potentie & quasi nihili in actum: at materia prima non in actuatur: ideo non creatur. minor sic probatur. quod quidem

iam est in sola potentia ad actum, non in actuatur; at materia prima iam est in sola potentia ad actum: ergo minime in actuatur. porro quod sit in sola potentia ad actum ex eo elicitur, quatenus deest illi forma: & per consequentiam pro nihilo videtur haberi, quippe quæ in mera potentia diuina reſeruatur, & protali à ſapientibus æſtimatur.

Reponemus duplicem eſſe potentiam præter actiuam, & duplicem actum ei correfpondentem. prima dicitur à Theologis obiectiua quæ eſt non repugnantia & poſſibilitas vt reſ fiat. obiectiua autem dicitur quia eſt obiectum alicuius facultatis actiue, quæ poteſt talem potentiam in actum reducere. & tali potentie reſponder actus entitatiuus, vt vocant, ſiue exiſtentia. ſecunda eſt paſſiua, cui reſponder actus Phyſicus ſiue forma, & hæc potentia poteſt dici ſubiectiua & receptiua. hoc poſito, dicimus, quod iam materia actuatur & eſt actuata dupliciter, primo per propriam exiſtentiam. ſecundo per formam Phyſicam cui vnitur; & proinde vtraque potentia eſt expleta in materia, obiectiua quidem totaliter: Subiectiua vero ex parte, quatenus per plures formas, quas recepit & ſuſtinet, quantum ad formas materiales & corporeas perficitur: non eſt autem adæquatè expleta, quia non tot formas recipit, quin plures, quas appetit, poſſit recipere. quod dicitur deſſe illi formam, falſum eſt ſimpliciter, plures enim ſuo gremio fouet. verum eſt tamen quod in ſua natura & eſſentia non inuoluat formam Phy-

ficam, & actum Physicum, sed tantum ordinem, potentiam, aptitudinem & appetitum ad illum habendum. & hoc sensu in genere Physico, & in ratione principij Physici est pura potentia Physica. at in genere entis & Metaphysico non est pura potentia, sed gaudet actu entitativo, & existentiali. quicquid enim existit, est actu in rerum natura, licet præcendantur omnia quæ ei possunt aduenire, nec emendicat existentiam à forma, sed tantum existentiam in specie Physica completa, & eandem existentiam, quam habet sub vna forma, retinet sub alia. sicut enim habuit potentiam ut primæ formæ uniretur tanquam subiectum actui Physico, ita eandem retinet ut vnâ forma expulsâ uniatur cum alia ad faciendum aliud compositum: non capio autem quomodo Fludus dicat materiam primam existere, existit enim quod præexistit, & tamen omni actu spoliatur, quomodo etiam dicat reservari in mera Dei potentia si existit. quod enim existit, actu est, & non est duntaxat possibile ut existat. possibilitatem enim meram excludit actus, & si materia iam est in sola potentia ad actum, igitur non transiit ad actum, cur igitur pag. allegata ita concludit. *in mundi ergo creatione producta est materia istius informis potentia in actum.*

Fludi

Flud cavillatio. §. 7.

EX ultimis verbis Flud. initio puncti superioris citatis videtur quod Flud. clauē suā apertit suam mentem, fortē enim sumit materiam primā pro cuiuslibet rei possibilitate siue non repugnantia vt producatur & existat. & proinde vult dicere, in quantum conijcio, quod materia primā iam est in sola potentia ad actum quantum ad res nondum productas & possibiles: est autem producta ad actum quantum ad res existentes. quod est dicere aliquas res existere & à Deo conditas esse, alias non esse productas sed posse produci. & consequenter in tali modo opinandi materia mundi, ex qua est productus, fuit mundus vt potens existere. & materia lucis erit lux in potentia, & materia animæ erit anima vt potens existere & nondum existens. Egregia Philosophia quæ tollit ē rerum natura materiam, quæ sit principium Physicum componens cum forma totum Physicum, sit fundamentum generationum, gremium formarum sibi succedentium. quod si dicat talem existimari à sapientibus, quæram à quib⁹. si enim loquatur de Ethnicis. arnon apud illos habiti sunt sapientes Plato, Zeno, Aristoteles & sequaces? qui tamen si ita sumpsissent materiam primā, non incurrissent censuram Ecclesiæ & sanctorum Patrum; Cathalogum hæreticorum non auxis-

sunt Hermogeniani & alij. si loquatur de Christianis, an nō apud istos sapientes Sancti Patres quos citavi & optimè Dionysius Alex. 1. aduersus Sabellium, referente Eusebio 7. præp. cap. 8. aliàs 19. Deus inquit *impassibilis, immutabilis, immobilis, atque æternus est: materia verò contra passibilis, mutabilis, mobilis, omnis alterationis receptiva.* Quod non cadit in nihilum & non repugnantiam: denique cū ipse Flud. dicat quod materia prima est aqua. existimat-ne aquam esse nihilum & in sola potentia diuina reseruari vel esse meram non repugnantiam vt res fiat?

Oblitus fere eram dicere aliquid de scholæ Coryphæo D. Thoma, cuius auctoritate se posset fulcire Fludus, sed quamuis 1. p. dicat materiam primam non existere in rerum natura per seipsam, cū non sit ens actu nisi per formam; tamen neque dicit esse non repugnantiam, neque esse æternam, neque increatam, sed esse concreatam cum forma aliqua.

*De facultate communicata creaturæ
ad agendum. §. 8.*

Fludi Physiologia est naturam naturatam siue creaturā nihil omnino operari. quamuis autem hæc quæstio habeat connexionem cum illa de anima mundi; & Flud vtatur promiscuè locis scripturæ, quib⁹ videtur probari quod Deus solus operetur, & iis quibus

astruit Deum esse animam mundi: tamen discernendæ sunt perspicuitatis causâ. rationes quibus debeat rejici Flud, indicavi in effigie, solum ad eius tergiuersationes respondebo, & loca Scripturæ sacræ explicabo.

*Brutum fulmen Fludi in Orthodoxos
quasi Idololatrias. §. 9.*

FLud tanto ardore exardescit in eos, qui vim operandi creaturæ tribuunt, ut Idololatriæ stigma eis inurere tentet. Cur? quia inquit pag. 16. *est abominabilis & detestanda à potestate & virtute divina derogatio ea creaturis tribuere, quæ creatori soli & unico sunt propria.* & ante dixerat propterea Lanouium esse diuinæ maiestatis hostem & amicum Idololatriæ. & pag. 63. *quid ineptius quàm actum, motum atque vitam in se & per se rebus planè mortuis inesse asseuerare? hinc Idololatriæ origo: hinc Dei neglectus & vana in creaturis confidentia.*

Vtrum rebus mortuis vitam tribuamus, & quomodo per se actum & motum, postea videbimus, nunc de prætenfa Idololatria. mentitur egregiè Fludus dum ait nos diuinæ potestati derogare, immò maximè eius commendamus bonitatem, quòd voluerit se communicare creaturis, & communicando essentiam, & naturam communicare facultatem operandi & simile producendi, cum dependentia tamen ab ipso, & supremia potestate. & sicut non est ita proprium Dei esse,

quin sit creaturæ communicatum, ita non est
 iia proprium Dei operari, quin etiam hoc
 habeat creatura per participationem. Incur-
 remus autem crimine Idololatriæ, si plures
 Deos agnosceremas; si non agnosceremus
 vnius Dei providentiam in omnibus; & con-
 cursum cum omnibus; si ita Deum negligere-
 mus, & in creaturis consideremus vt existi-
 maremus illas aliquid posse sine Deo. & si sit
 Idololatria asserere creaturas dependenter à
 Deo aliquid operari, aliquos motus edere,
 igitur docet Idololatriam Scriptura sancta,
 quæ docet Deum initio creationis vim se pro-
 pagandi dedisse creaturis Genes. 1. & Lucæ 21.
 dicitur de arboribus, quod producant ex se
 fructum, & passim alibi creatura dicitur ope-
 rari. Igitur Idololatræ sancti Patres qui vim
 se mouendi & operandi in creaturis agnos-
 cunt vt D. August. 7. de Ciu. c. 30. igitur Ido-
 lolatræ omnes qui fatentur Angeli & homi-
 nis liberum arbitrium. igitur Idololatræ, qui
 negant Deum esse auctorem peccati. sed ne
 parciior sim quàm Fludus pro consequentiis,
 quas trahit, sequentes repono. si creatura ni-
 hil agit, igitur secundum Fludum Deus est
 auctor Idololatriæ, qui primorum Idolola-
 trarum mentes mouit, vt simulachra forma-
 rent, qui manus pictorum, & sculptorum di-
 rexit. igitur Idololatriæ propagator qui eadē
 in similibus operatur, qui impios irretit, &
 ad ruinam inopinatam adducit, vt loquitur
 scēt. 2. microcosmi l. 1. c. 2. quænam enim
 maior ruina quàm Idololatria. Igitur ipse

met Deus Idololatra, qui sub effigie hominis coram Idolo genuflectit. Iudicet æquus iudex quis ex duobus transferat in creaturam ea quæ sunt propria Dei, an ille qui dicit creaturam Deo adiuuante, & concurrente operari, an verò ille qui æternitatem tribuit materiæ primæ independentem à Deo? quis enim alius Dei census, quàm æternitas inquit Tertullianus l. contra Hermogenem cap. 4. ad illum prouocò qui viuebat eo tempore quo paganismus vigeat & Idololatria grassabatur, qui materiarios huiusmodi refert inter Idololatrias. sic enim scribit l. de præscript. c. 33. *Idem Apostolus (ad Gal. 4.) cum improbat elementis seruientes, & aliquem Hermogenem ostendit, qui materiam non natam introducens Deo non nato eam comparat. & ita matrem elementorum Deam faciens potest ei seruire, quam Deo comparat.* Idem Tertullianus l. de Idololatria cap. 9. artes, quas studiosè pertractat & defendit Flud, puta magiam, Genethliacam & similes dicit esse obnoxias Idololatriæ, & harum auctores esse Angelos desertores. sunt & reliquæ Idololatriæ in Fludo, qui iurat per Herculem. *quis enim inquit Tertull. c. 20. per quos deiecit, non honorat?* Tandem quis Idololatra, an ille qui Deum bonum colit? an vero ille, qui Deum malum & auctorem peccati & consequenter pseudotheum, & diabolū; nullus enim est Deus qui sit auctor peccati, sed tantum diabolus. quòd si in ethnicis Idololatria fuit Iouem virorum ex-

plat & alios sceleratos, an non maior adorare cum, quem omnium scelerum auctorem & executorem existimes? pagani enim tantum attribuebant crimina personalia diis suis, & eos alienis sceleribus non onerabant.

S. Scriptura, qua Flud prætentam Idolatriam exagitat, ad natium sensum reducit. §. 10.

FRustra laborat Flud in aceruandis testimoniis Scrip. ad probandum Deum operari omnia in omnibus. nam hoc ultro dāmus, cum eius concursus interueniat in omni actione. sed probare quod post mundi primam constitutionem Deus solus operetur, & nullo modo creatura cooperetur, hoc opus, hic labor est. duo testimonia videntur virgentiora.

Primum est illud Isaie 44. 24. quod non semel truncat & sic proponit pag. 15. & 64. ut incautis fucum faciat ea quæ sunt media, ex quibus pendet intelligentia, supprimendo *Ego sum dominus faciens omnia, & nullus mecum.* sic autem habet integer locus, *ego sum dominus faciens omnia, extendens cælos solus, stabiliens terram, & nullus mecum.* quis non videt hîc Prophetam loqui de prima mundi conditione & eius principalium partium conseruatione, & non excludi causarum secundarum consortium in rerum creaturæ propaga-

tionē & suavi administratione, sed tantum excludi synergiam creaturæ in mundi molitione. & proinde hic locus non ferit eos, qui efficaciam & vim operandi tribuunt creaturæ, sed Manichæos & alios qui ponebant duo rerum principia, vel Archonticos, de quibus Philastrius initio hærescologiæ; & Alphonsus à Castro v. *mundus*, hæresi 3. qui dicebant Deum curam producendi mundum demandasse Angelis, quos refellit D. Irenæus l. 1. c. 23. & l. 2. c. 2.

Secundum producit ex actis Apostolicis cap. 17. 25. Deus non indigens aliquo dat vitam, & inspirationem & omnia de vita infra dicam: nunc ad illud *non indigens*, in quo vim facit, dico non excludi consortium agentium subalternatorum. quis enim si attendat ad præcedentia, in quibus dicitur quodd Deus humanis non colitur, non statim videt sensum esse Deum ex mera liberalitate, & non ex indigentia, nihil enim in eius commodum & utilitatem cedit, dare vitam & necessaria ad vitam iis quæ viuunt, licet hoc præstet interuentu aliarum creaturarum. nonne ipsemet Flud hoc agnoscit dum pag. 10. ait Deum operari omnia mediantibus ministris Angelicis? nonne & Apostolus ait 1. Cor. 3. 9. *Dei sumus adiutores*? nonne quis iure potiori allata testimonia in Fludum retorqueret, qui vult mundum non esse à Deo creatum & nihilo, sed Deum indiguisse materia?

Ratio & cauilli Fludi eueruntur

§. II.

PEdissequa ratio Fludi hæc est pag. 65. si aliqua creatura agit per se, sequitur profecto, quod illa principium istius actus habeat aut per se & à se, aut aliunde. si aliunde, necesse est aut à fonte diuino, aut ab aliquo principio, quod est coeternum Deo. si prins concedatur, nimirum, quod sit à fonte diuino, tunc omnis emanatio est continua, & non diuisa à suo fonte quasi alpha ad omega, vel finem usque se continuè extendens. nam diuinitatis essentia est indiuisibilis: & per consequens est Deus per se, non creatura per se, qui operatur omnia in omnibus.

Respondemus: absit ut cum Manichæis aliquod principium Deo coeternum ponamus siue efficiens, siue materiale cum Fludbi sed agnoscimus vnicum, & dicimus omnes creaturas & creaturarum facultates emanasse à fonte diuinæ bonitatis, & continuè à Deo conseruari, & non solum hoc, sed etiam addimus principium operatiuum, quod datum est à Deo creaturæ, non posse prodire in actum & sortiri effectum absque concursu Dei, & eius ope subsidiaria, quippe quod habet suum esse precario & emenditatum & dependens à Deo. Quid autem velit Fludus ducit quod essentia diuinitatis est indiuisibilis, & per consequens est Deus per se, & non creatura

creatura per se, non satis video, sicut nec quando dicit quod Trinitas est indiuisibilis; & personæ diuinæ non separantur ab inuicem, & quomodo ex eo probet Deum solum operari, concedimus autem quod Deus solus sit per se idest à se & non ab alio, nec vnquam diximus vllam creaturam, aut principium operatum esse hoc modo per se & à se habere vim agendi. Cum verò dicit pluries quod Deus indiuisibilis, si intelligat quod non potest subsistere & operari creatura si separaretur & diuidatur à Deo, sicut riuius non potest fluere perenniter si à fonte diuidatur, concedimus, quo tamen non obstante dicimus siue in actionibus naturalibus & necessariis, siue liberis; siue externis, siue internis creaturam Deo cooperari: nec ineptia vlla est, vt fingit, dicere quod aliqua creatura producat ab alia & ab ea dependeat dependentiâ subalterna & particulari, & simul pendeat à Deo dependentiâ vniuersali & suprema.

Ex quo videre est quod Flud imponit aduersariis dicens pag. 64. Cassendum innuere quod causæ naturales quasi secundariæ per se, hoc est sine immediato Dei actu agere possint, & cauillatur ludens in æquiuoco non enim aduersarij sumunt particulam, *per se*, prout idem significat ac seorsim & separatim excluso concursu Dei: sed *per se* sumitur prout opponitur ei quod est per accidens; sic dicimus ignem per se calefacere id est per calo-

rem natium; aquam verò calefacere per accidens, id est per calorem ascititium sibi aliunde impressum.

Cauillatur idem dum pag. 63. ait aduersarios docere Deum solummodò agere vt causam efficientem principalem, & non vt intermediam & finalem, *Quasi verò*, inquit pag. 64. & 65. *Deus non sit alpha & omega, tam finis quàm principium, seu in fine & conclusione.* Non enim Deum esse causam primariam ita intelligunt, vt produxerit mundum, & deinde cætera fiant à solo mûdo sicut ille ordinauit, quod bene improbat D. Augustinus s. de Genesi ad lit. c. 20. neque etiam quòd Deus inchoet actionem, vel aliquod opus, & quod deest perficiendum relinquat creaturæ, vt verb a Fludi præ se ferunt. nec inficiatur præterea Deum esse alpha & omega, id est esse causam efficientem & finalem. Sed nihilominus volunt esse causas efficientes & finales subalternas. In quo præterea aduersas Fludum non sumere causam finalem prout mouet agentem, nec prout ad eam colimat actio; sed prout ad finem & extremitatem vsque perducit, & proinde non attingere veram finis causalitatem, quæ est intentionalis motio agentis. nec finis constituitur in ratione principij causantis prout est vltimus in executione, sed vt est primus in intentione.

De Physica Dei perfectione. §. 12.

HAnc dicebam in effigie violari, si Deus sit anima interna mundi, & forma informans. & ex hoc fonte, vt bene viderunt aduersarij, præcipuè scaturiunt impietates Fludi. & reuera Eusebius Cæsar. 3. præp. Euang. c. 9. arbitratur in profundum impietatis incidisse eum, qui ausus est animam mundi esse intellectum, qui omnia creauit, tetigisse rationes, auctoritates produxi quibus iunge, quod ait D. Augustinus 7. de Ciuitate. c. 5. vbi loquens de anima humana duplicem errorem Fludi ingulat. *Nec cuius portio, inquit, sed cuius conditio est, nec qui est omnium anima, sed qui fecit omnem animam.* Nunc sunt videnda Fludi obtendicula & diuerticula, & vtrum aliquid explicatius dixerit quàm antea, & nos intro ducat clauis sua in penetralia cordis, claritatis gratia, licet Flud confundat, in duas partes est distinguenda quæstio. Prima an Deus sit forma informans. Secunda an sit talis forma, quæ sit vita per quam omnia viuant, & quia latius pater forma quàm anima, cum omnis anima interna sit forma, & non è conuerso, ideo exordium ducum à forma.

An Deus sit forma informans. §. 13.

NEgant Orthodoxi, immò dicunt nò esse possibile quòd Deus fungatur munere
D ij

causæ formalis, quia proprium est formæ informantis habere naturalem inclinationem ad materiam tanquam compartem, & ei vniri ad faciendum vnum totum in genere Physico: at Deus non habet talem inclinationem, nec Dei natura potest cum natura creata conflare vnum Physicum per se, & aliam naturam totalem ex vtroq; extremo resultantem. Affirmat Fludus saltem in terminis. Videtur tamen intelligere causam efficientem per formam, vel confundit causam formalem cum effectiua, nam creare est efficere, & creatio est efficientia: at secundum Fludum pag. 15. creatio est informatio, & certe multa loca Scripturæ S. quorum non est parcus, probant tantum Deum esse causam effectiuam omnium.

Si ita est, debent in hac parte cessare iurgia: peccat tamen Flud, in modo loquendi & dedit anam aduersarijs ipsum impugnadi, nam Orthodoxi dicunt esse formam & animam assistentem, Flud dicit esse informantem, illi volunt esse externam, iste internam. Secundò in eo quod non distinxit inter officium causæ efficientis, & minus causæ formalis. Terriò cum nullam aliam causam formalem agnoscat quam Deum (licet non sibi constet, cum 1. 2. macrocosmi approbet illud Aristotelicum 4. Metaph. *Vbi est minus forma, ibi plus materia & e contra*, quod non potest intelligi de Deo qui non est capax augmenti vel decrementi, & ratione sui non potest magis esse in vno quam alio, sed tantum ratione forme

quam producit) & Deus non possit fungi proprio officio causæ formalis, sequitur quòd nulla sit propria causa formalis, & cōsequenter receptum communiter causarum quaternarium immunit. Quartò ea quæ ipsi ab aduersariis obiiciuntur non abstergit & diluit, pauca quæ habeo cum illis communia profero. Obiecerat Mersennus sequi ex opinione Fludi Deum facere compositionem cum spiritu æthereo pag. 61. respondet Flud ridiculose. *Hoc est falsum*, inquit, *non feci enim Deum compositionem*, quasi verò Mersennus dixisset quòd Flud facit Deum compositionem, & non potius quòd Deus facit compositionem cum spiritu mundano, id est venit in compositionem tanquam pars, in quo modo loquendi non est sensus quòd Deus se habeat actiue sicut quādo dicitur Prouerb. 8. *Cum ipse eram cuncta componens*, id est ornans & digerens: ad argumentum verò quo vrgetur, nempe sequi Deum esse partem, si sit forma informans in genere causæ formalis internæ, sic respōdet, non propterea fore partem quia est indiuisibilis & simplex, quasi verò obstet rationi partis simplicitas, si cætera adsint. Immo omne compositum Physicum debet vltimò resolui in principia Physica simplicia in genere Physico: licet illa principia possint esse composita in alio genere, vel si per indiuisibile intelligit inseparabile, non promonet suam causam. nam quòd aliqua forma sit inseparabiliter vnita cum materia, non officit compositioni, modò

fit distincta, immò fortior est. Quintò argumentum, quod facit vt probet Deum esse formam, aliquid amplius probat quàm Deum esse causam efficientem. Est autem tale pag. 16. quod facit tale, est magis tale: at Deus est formarum dator, ergo est magis forma, si enim per formam intelligit causam efficientem & agètem, iam resilit ab opinione quam mordicus tenet, nempe non dari vllam causam efficientem præter Deum, & mirum est quomodo hoc argumento vtatur Flud qui, vt dixi, in exilium mittit omnes causas formales præter Deum.

Sed directè ad argumētum quod sumptum est ex illo axioma Aristotelico. 2. Metaph. c. 2. *Id maxime tale est, quod est causa ceteris vt sint talia*, vel isto propter quod vnum quodque tale & illud magis, missis variis conditionibus quæ requiruntur vt axioma verificetur, dico vnā esse necessariam scilicet vt ea, quæ comparantur, participant formaliter & secundum eandem rationem formam de qua agitur, sic, vt existimo, Medicus noster non valde approbaret istud argumentum. *Quod facit sanum est magis sanum: Medicina, vel deambulatio facit animal sanū, ergo medicina, vel deambulatio est magis sana.* Nec ista debent approbari, *Quod facit auritum est magis auritum: Deus fecit asinum auritum, ergo Deus est magis asinus vel auritus: quod facit corporeum, est magis corporeum: Deus fecit mundum corporeum & sensibilem, igitur Deus est magis corporeus & sensibilis, & similia.* Probādum ita-

que prius esset Fludo quòd Deus sit capax subire vices formæ in genere formæ vt inde eliceret esse magis formam, quia formas producit: breuius, valet axioma sic modificatum, *Quicquid est causa ceteris ut talia sint, illud est magis tale vel formaliter, vel eminenter.* Et sic dicimus Deum producere formas & animas, quia eas continet eminenter, non autem formaliter & secundum propriam speciem, cum gradus vitæ vegetatiuæ, sensitiuæ, & discursiuæ non sint formaliter in Deo, sed tantum eminenter, alioqui Deus esset capax augmenti, sensus & discursus.

An Deus sit anima per quam omnia viuunt. §. 14.

Dicimus primò quòd Deus non potest formaliter per seipsum esse vita & anima internà etiam eorum quæ viuunt, quia, vt dictum est, nō potest esse forma, cuius species est anima, & quia non continet formaliter gradus animarum, potest tamen esse efficienter quatenus potest producere viuentia, vel animas, quæ illa constituunt in ordine viuentium. Secundò dicimus quòd nequidem efficienter est vita omuium, quia non omnia viuunt vitâ propriè dicta, cum enim præter vitam Anglicam in rebus corporeis distinguatur tantum tres gradus vitæ nempe vnus vegetatiuæ tantum competens plantis, alter ve-

getatiuæ & sensitiuæ, simul conueniens brutis, tertius vegetatiuæ, sensitiuæ, & intellectualis proprius hominis, & tamen multa sint entia præter plantas, bruta, homines & Angelos, consequens est non omnia viuere vita vera & propriâ, esto metaphoricâ, & similitudinaria, vt aqua quæ perennemter fluit, vt Mercurius, &c.

*Flud in hoc negotio abutitur Scripturis
Sacris, & vana nititur experientia. §. 15.*

Flud contendit omnia creata viuere, licet vt ait pag. 70 in quibusdam vt mineralibus anima sit profunda, imperceptibilis & occulta. Certè ita est profunda & occulta, vt lauerit Philosophos tam Ethnicos, quàm Christianos, quorum est naturæ viscera rimari. & caruerunt experienciâ, quam fecit Fludus, quæ sic habet pag. 69. *Videmus, inquit, quòd plumbum super palatiorum tecta expositum cœlione solari à statu plumbi maturationis gradibus pergit & transiit in aurum.* Ac si plumbum vt fruges maturefceret, plumbeum certè argumentum, an hoc probat quod viuat plumbum, quia vi solari conuertitur in aurum, vel fæces exiit? quod ait de incremento lapidum, non arguit in eis esse vitam, nam aliud est crescere per alimentum intus susceptionem, quod est proprium

prium viuentium : aliud per iuxta positionem & agglutinationem, quod etiam conuenit inanimatis.

Fortè magis fauent loca Scripturæ, quæ ita prodigit, vt opus esset grandi cōmentario ad ea explicanda. verùm aliqua tantum probāt, Deum inesse omnibus secundum essentiam, potentiam, & præsentiam, omnibus dare esse & conseruare, & ipsemet Fludus animam sumit pro essentia pag. 69 quis autem negauit in quolibet esse suam essentiam & quidem à Deo participatam? sed aliqua, quæ affert aliquid amplius probare videntur, quæ sunt breuiter enubilanda.

Citatur illud Io. 1. *in ipso vita erat*, ex quo nescio quas consequentias trahit inconsequenter Fludus, sicut ex eodem perperam Manichæi inferebant omnia esse animata & viuere, vt refert D. Aug. tract. 1. in Ioannem, verùm ex eo quòd in Deo sit vita & verbum sit vita, estne concludendum quòd omnib⁹ vitæ gradum communicet? an omnia quæ habet Deus omnibus communicat? vnde illud Fludi. *Si vita est in verbo, sequitur, quòd verbum (vt pote vite dator) sit illud, quod animat rem quamlibet*, verum est si res illa sit vitæ capax, vel si velit ei communicare, quod non facit omnibus nec per seipsum formaliter, sed per animas quas producit, & quas non obstante vnica anima ipse Flud à Deo distinctas agnoscit pag. 70. sensus itaque Euangelistæ est omnia à Deo facta esse, nec mirū, quia sicut fons aquæ viuæ non

exhaustitur, licet aqua hauriatur, vel rinulus ex eo fluat: ita verbum est sufficiens ad omnia procreanda, bene etiam exponitur à D. Augustino allegato, ubi sic legit, *quod factum est in ipso vita erat, & loquēs tam de causa secunda sine artifice creato, quàm de prima ait. Arca in opere non est vita, in arte est vita, quia vivit anima artificis, sapientia Dei secundum artem continet omnia, terram vides, cœlum, solem, lunam, fuerunt ista in arte, sed foris corpore sunt, in arte vita sunt, ex quo vides quòd in verbo omnia vivunt, quatenus in eo continentur idealiter. creatura enim in Deo est creatrix essentia. sed non propterea quodlibet vivit in propria natura extra causam: sic statua, arca, & quodlibet artefactum in mente artificis vivit, sed non extra illam.*

Secundò profertur illud Isaia 45. 8. Rorate cœli desuper, & nubes pluant instum, aperiat terra & pariet Salvatorem, ut legit Flud, sed nunquid videt ibi esse metaphoram & figuram locutionis secundum quam continens sumitur pro contento, nec intelligitur de terra, quam pedibus calcamus, sed illius incolæ. est enim vaticinium de beata Virgine matre Dei, alioqui existimatne Fludus homines, ut dicitur de Gigantibus vel Cadmeo exercitu, esse satitios, quod opinati sunt quidem fabulatores, quos explodunt Philo l. *quod mundus sit incorrupt.* Lact. 1. Inst. c. 11. Euseb. 7. præp. c. 7. Theodoretus serm. 5. contra Græcos post quos Rhodig. l. 2. Antiq. lect. c. 19. quòd si di-

cat Flud, se quoque intelligere de beata Virgine terra illa benedicta, cū pag. 15. post allatum iam dictum testimonium, *verbum ergo in compositore reperitur, & ex composito exit, seu editur diuinitus*, puta secundū humanitatem, quid hoc ad probandum, quod Deus sit forma informans, vita omnium, vel quod sit præsens rebus omnibus? abutitur etiam loco Io. 1. *Verbum caro factum est, siue verbum est incarnatum*, ergo, inquit, *diuinitus se miscet cum composito carneo*, quasi, verò eodem modo verbum vniatur cum omnibus aliis rebus, quo vnitur cum vnica humanitate Christi.

Sed dices saltem hinc habetur verbum fungi munere causæ formalis, & pluries posse fungi, & esse formam informantem alicuius. Respondeo neque hoc haberi: quia vt dictum est, forma dicit ordinem essentialē ad materiam, est pars incompleta & perfectibilis ex consortio alterius extremi, & facit vnum in genere naturæ cum comparte, at nihil horum in verbum cadit, sed tantū terminat per suam Hypostasim naturam humanam, vnde resultat vnica persona in duabus naturis.

De morali Dei perfectione, siue sanctitate. §. 16.

Nihil amplius vrgebo contra impietatem, blasphemiam & sacrilegium Fludi quod Deus sit auctor peccati, non rationes,

non auctoritatem sacrarum paginarum non testimonia Patrum, non decreta Pontificum, non consensum populorum, quia hîc Flud se retractat, duntaxat retundam quæ proponit in contrarium.

Flud canit palinodiam, sed ore tenus.

§. 17.

Tanta est blasphemia superior, ut eam Fludani Fluctus, quam ante euômuerant, nunc resorbeant; quia lux eam ferre non potest, quod autem sit pura & mera palinodia patet si consulantur loca quæ attuli dum de eius maculis, in quibus assertoriè loquitur, & non dicit ut hic pag. 17. se non positue scribere, sed disputandi gratiâ, quia cum nondum pupugerant aduersarij, nec aurem velli-cauerant, adde quod pag. 65. dicit in tractatu de morborum mysterio, quem non meminime legisse, istamquæstionem proponi & affirmatiuè tractari quod Deus sit solus & vnicus actor & operator, si affirmat solum Deum & nullum alium esse actorem & operatorem, igitur est operator operum malorum, nam peccatum, ut alibi ait, est de numero operationum, & actionum, non igitur disputandi gratiâ.

Sed utinam seridè recantasset, blasphemiam huius radices adhuc in corde eius non remanerent, nec dubius hæreret, & consequenter

hac in parte non esset hæreticus, dubius enim in fide, vt aiunt Theologi, est hæreticus, quòd autem dubitet fatetur, dicens *dubium hand exiguum circa nonnullos textus sacri locos mentem meam subit, quod si Lanouius cum sociis suis verè & non apparenter duntaxat soluere, pectorique meo prorsus eximare poterit, ingentes profectò ei debebogratis.* Hæc ficta docilitate Flud opinia-ster, qui expositionem Scripturæ expectat ab aduersariis, quam potuit discere ex hærescomachis, qui fautores vel auctores huius blasphemie impugnarunt, vt Simonem Magnum, de quo Vincentius Lirin. c. 34. Florinum de quo Eusebius 5. hist. c. 19. Manichæos, &c. maximè cum hæc controuersia hoc sæculo & præterito fuerit agitata inter Caluinistas & Catholicos: sed mirum est, quòd Scripturæ diuinæ intel'igentia ei non fuerit communicata in puncto quod magis pertinet ad pietatem, cultum Dei, & ad vitam rectè instituentiam, si enim quis sibi persuasum habeat Deū esse auctorem scelerum, & se esse tantum organum in patrandis criminibus, cur erit sollicitus de eis vitandis? voluntati enim Dei sicut & potestati quis resistit? non timebit supplicium æternum, quia ei iusta & legitima causa suppetet refundēdi suum peccatum in Deum, mirum inquam cur clauis non fuerit data Fludo, & intelligentia reuelata, qui est de numero illuminatorum, qui pag. 48. ait, *Iure per Deum immortalem tot & tanta à Deo, & thea-*
didastis in mysteriis Dei atque natura mihi concro-

ditā ac reuelata esse, ut nec omnes Gassendi thesauri, nec Merfenni secreta, nec mirabilia Cabale Lamoniana vel cum minima eorum scintilla, aut atomo comparari queant. En nouus Paulus raptus vsque ad tertium cælum, non grauabor autem ei eripere glaucauma, ni renuat.

Distinctio mali in malum pœnæ & malum culpæ est antiqua & solida, non noua & friuola. §. 18.

DIcebam in Effigie ad enodanda Scripturæ loca vtilem esse & necessariam distinctionem mali culpæ & mali pœnæ, quam hîc ut & alibi dicit per contemptum esse Scholarium, & esse admodum friuolam & inanem. Sed audiat non esse nouam & à Scholasticis inuētam, sed esse per antiquam & Sanctorum Patrum; & consequenter non friuolam & inanem. Incipio autem à S. Damasceno, qui Scholasticis superior ætate fuit & sic loquitur, l. 4. de fide orthod. c. 20. *Cum dicit Scriptura Deum creare mala, & non esse malum in ciuitate quod non facit Dominus, non malorum causam Deum esse ostendit: Sed anceps est nomen mali duo significans, nam quandoque naturā malum ostendit, quod quidem virtuti contrarium est, & diuina voluntati: quandoque quod ad sensum nostrum malum & laboriosum ut tribulationes & inductiones: Hæ enim existimatione mala sunt, cum dolores existant, res autem verā bonæ, nam conuersionis*

¶ salutis intelligentibus causa sunt, & has per Deū fieri dicit Scriptura. D. August. 1. de lib. arb. c. 1. ait, Duobus modis appellare solemus malum, uno cum malè fecisse quengquam dicimus: alio cum mali aliquid esse perpeſsum: & addit, primi generis malorum nullomodo, ſecundi autem auctor eſt Deus D. Hieron. in cap. 45. Iſaiæ ad id, ego Dominus & non eſt alter formans lucem & creans tenebras, faciens pacem & creans malum, Confundatur inquit hæſis, qua malorum conditorem arbitratur Deum, cum hīc malum non contrarium bono, ſed pro afflictione ponatur & bello, ſecundum illud, quod in Euangelio ſcriptum eſt, ſufficit diſci malitia ſua. Iterum explicat eodem modo allatum Prophetæ teſtimonium ſcribens in cap. 3. Lament. Ieremiæ, ubi ait quod Deus tropicè dicitur facere mala, ſed his omnibus antiquior Tertullianus l. 2: contra Marcionem cap. 14. locum prædictum tangens, Condens mala ſed & pacem faciens ut etiam & hīc reſpondeam hæreticis, ecce enim inquit ipſe ſe conditorem proſitetur malorum dicens ego ſum qui condo mala, amplexi enim vocabulū communionem duas malorum ſpecies in ambiguitate turbantem, quia mala dicuntur & delicta & ſupplicia, paſſim volunt eum conditorem intelligi malorum, ut & malitia iniuſtè auctor renuntietur. Nos autem adhibita diſtinctione utriuſque forme, ſeparatis malis delicti & malis ſupplicij, malis culpa & malis pœna, ſuum cuique parti deſignimus auctorem, malorum quidem peccati & culpa diabolum: malorum verò ſupplicij & pœna Deum crea-

tozem. Et cap. 24. explicans id Ieremiæ, Ecce ego emitto in vos mala, *Non peccatoria*, inquit; *sed ultoria*, &c. Et D Irenæus l. 4. c. 77. vbi videndus Fetardentius, sed dicit Flud, adhuc iniquus est Deus qui punit absque præuia culpa; Sic Iobum innocentem percussit ob solam tentandi rationem, sic propter peccatum Dauidis multa millia hominum innocentum occidit, & creauit diabolum solum ad perdendum, vt dicitur Isaia 54 16. respondeo absolute Deum cum sit Dominus vitæ & mortis posse innocentem spoliare vita. Specialiter ad id quod dicitur de Iobo, dico Deum non, permisisse diabolo affligere Iobum ob puram rationem tentandi & inducendi in impatientiam, sed vt eius virtus illustrior fieret & afflictio esset occasio maioris meriti. Deinde pœna illa non erat purè vindicativa, quæ supponit reatum proprium personæ quæ plectitur, sed erat probatiua, supponens reatum naturæ, nam ratione peccati protoplasti homo est obnoxius tentationi & afflictionibus: accedat quod ipse Iob non erat ita iustus, vt ipsemet agnoscat, quin potuerit mereri illam calamitatem propter peccata venialia, & proinde Deus Iobum reprehendit qui conquerebatur. Secundo ad id de pœna peccati Dauidici respondeo populum maiori ex parte non fuisse innocentem & fuisse punitum occasione peccati Regis, quod impleuit mensuram peccatorum communitatis. Tertio si illud quod dicitur de fabro apud Isaiam intelligatur de diabolo

diabolo dicendum particulam *ad* non significare causam sed euentum, nec Deus ided creauit diabolum vt perderet, sed vt gloriam assequeretur, à qua per propriam culpam excidit, ad humanam tamen vtilitatem diaboli malitià vtitur, sicut & medicos solere aiunt qui ad morborum curationem viperis, serpentibusque nonnunquam vtuntur, vt præclare dicit Theodoretus 3. Therapenticæ versus finem.

Optima item distinctio in Dei placitum & Dei permissionem.

§. 19.

DO Fludo non omnia loca Scripturæ quæ videntur Deo attribuire malum, posse explicari per distinctionem mali pœnæ & mali culpæ, quare debet aduocari alia, cuius non meminit Fludus, nempe *facere* aliquando sumitur positiuè, aliquando permissimè non impediendo, quæ distinctio sumitur quoque ex sanctis Patribus, nam Tertullianus l. contra Hermogenem cap. 9. ait, *Jam ergo malum ab ipso qui est mali si non auctor, quia non effector; certe permissor, quia dominatur.* & l. de orat. c. 8. explicans id quod obijcit Flud ex oratione Dominica, *ne nos inducas in tentationem*, ait ne patiaris induci ab eo utique qui tentat. cæterum absit vt Dominus tentare videatur quasi aut ignoret fidem cuiusquam, aut deicere sit

F

42 *Confutatio dogmatum*

consentiens. & certè vt dicitur Iacobi 1. Deus neminem tentat, nempe tentatione inductiua ad malum culpæ. D. Chrysostomus explicans id ad hom. 11. 8. *Dedit Deus illis spiritum compunctionis, oculos vt non videant, &c.* ait hom. 19. *Illud verò quod dicit, dedit eis, non operationem quandam Dei, sed concessionem hoc loco significare putabis.* Agnoscit præterea hanc distinctionem S. Augustinus in Enchirid. c. 96. & 1. de Trinit. cap. 12. & apud Prosperum Sententia 58. vbi dicitur quod nihil fit, quod non de summi imperatoris aula aut iubeatur, aut permittatur. Quare Palladius in hist. Lausiaca sect. 115. ait quod quæcunque fiunt, in duo diuiduntur, in Dei placitum, & Dei permissionem. Vnde illud ad Rom. 11. 32. *Conclussit Deus omnia in incredulitate, vt omnium misereatur,* si non placeat expositio eorū qui ita explicant *conclussit in incredulitate*, id est conuicit infidelitatis, sic intelligendum est, permisit labi in infidelitatem & in ea languere, vt misericordia eius illustrior appareret.

Quomodo dicatur Deus excacare & indurare? §. 20.

Licet hoc tetigerim cū de maculis Fludi, tamen quia in hoc magnam vim facit Flud; *Quid obsecro, inquit, dicet aduersarius, de Pharaone cuius cor fessus est Iehova se obdurasse, vt ei redderetur inobediens, & obstinatum?* Hæc ille postquam pag. 17. sibi obiecit aduersarij ref-

ponſionem & pluries verſauit, & miſcuit auctoritates, quæ loquuntur de malo pœnæ, cum aliis, quæ ſunt de malo culpæ, vbi aduerſarij reſponſionem præoccupans vel fingens, quòd testimonia debeāt intelligi de malo pœnæ, relabitur in vnum, quod eſt de malo pœnæ Eccleſ. 7. 14. vbi agitur de incorrigibilitate peccatoris, quæ eſt pœna annexa obdurationi, & de diebus fauſtis, & infauſtis.

Ad rem dico quod Deus non eſt cauſa poſitiua & directa excæcationis & indurationis, ſed vel negatiua ſubtrahendo lumén maius, & auxilium abundantius, quo conuerteretur peccator, ſi daretur. Iuxta quod S. Auguſtinus ep. 105. ait, *Non obdurat Deus impartiēdo malitiam, ſed non impartiēdo miſericordiam.* Vel permiſſiua quatenus permittit diabolo vt tentet, ex quo licet liberè, impingit homo: vel occaſionalis quatenus peruerſi ex rebus quas conceſſit Deus, ſumunt occaſionem errandi, & perſeuerandi in peccatis. Sic aliqui excæcantur ex ſœlici ſucceſſu rerum temporalium, & ex Dei patientia, ſecundùm quam, vt dicitur ad Rom. 11. 22. ſuſtinet vaſa iræ, Phærao ſumpſit occaſionem ſe obſirmandi, & obturandi aures voci Dei, qui nolebat cum eſſe inobedientem ſed obedientem, quia pluries ad eum miſit vt remitteret populum, & Phærao ex Dei patientia ſe obdurauit cùm alius fuiſſet emollitus vt notat D. Hieronimus in reſponſ. ad 10. quæſt. ad Hedibiam, vbi aſſert

44 *Confutatio dogmatum*

exemplum solis qui ceram liquefacit, & lustum indurat.

Diabolus verò est causa directa indurationis excitando ad malum, homo quoque seipsum indurat consentiendo, & dum auxilium diuinum respuit, luminis est rebellis, oculos claudit, aures obstruit, cor obdurat, intelligentia se priuat, & eius mens praua est cæcitatibus origo, ut ait D. Chrysost. hom. 46. in Matth. & 48. in 12. Ioann. ex quo patet quam perperam dixerit Fludus Deum in induratione Pharaonis habuisse pro scopo eius inobedientiam, pater etiam quomodo sit intelligendus locus ille Ioan 12. *Cum autem tanta signa fecisset coram eis, non credebant in eum ut sermo Isaie Prophete impleretur (c. 53.) quem dixi domine quis credidit auditui nostro & brachium Domini cui reuelatum est, propterea non poterant credere, quia iterum dixit Isaïas (c. 6.) excacauit oculos eorum, & indurauit cor eorum, ut non videant oculis, & non intelligant corde, & conuertantur, & sanem eos. Vbi præter ea quæ dicta sunt de modo indurandi, tria aduertenda sunt. 1. hoc loco hæreticos abusos esse, qui ut notat S. Athanasius tract. in Passionem Domini Iudæos à culpa immunes fuisse dicebant, quia ita euenire oportebat, eo quod prædictum erat, & bene ostendit causam incredulitatis eorum non esse tribuendam sermoni Prophetæ, sed eorum actioni & voluntati, idem docet S. Chrysost. hom. 67. in Ioan. & 46. in Math. & 19. in 11. ad Rom. Secundum verba illa, non poterant,*

non significat absolutam impossibilitatem, nam cum multis modis impossibile quid dicatur, ut tradit S. Greg. Theologus Orat. 36. hic significat minus æquum & rationi consentaneum, sic non erat æquum, ut Deus gratiam vberiore daret Iudæis, qui ea abutebantur, vel quia eorum voluntas ab ea abhorrebat, non poterant credere. 3. illa particula *ut non videant*, nõ causam sed euentũ denotat. sic S. Chrysost. Hom 67. Ioan. 39. exponens quod affert S. Ioannes ex Isaia & D. Aug. tract. 53. in Ioan,

Reliqua Scripturæ loca prauè detorta.

§. 21.

PROducit Flud. vltèriùs illud Apostoli ad Rom. 9. *Cum nondum nati essent (filij Rebecca) Iacob dilexi, Esau autem odio habui.* Sed quid hoc ad probandum quòd Deus sit auctor peccati? an ex eo quòd Deus qui nihil odit eorum quæ fecit, sed tantum peccatum, quod non fecit, gratis odio habuit Esau? an nescit Fludus quòd Deus odio non habet personam, sed vitium, & quod in Scriptura S. aliquando odisse idem est ac minus diligere, an quia non prædestinauit Esau, sicut Iacob, vel non tot illi contulit beneficia siue temporalia siue spiritualia, quot isti? Itaque si ad mysterium prædestinationis & reprobationis respiciamus, sensus est Deum elegisse Iacob, & non

electionis vel etiam odij causa sufficiens erat massa perditionis in qua vterque inuolutus erat, & è qua eripere voluit Esau, sicut eripuit Iacob: quæ expositio est textui maximè conformis vt constat ex sequentibus vbi dicitur quod est liberum Deo misereri, vel non misereri, *Cuius vult*, inquit Apostolus, *miseretur, & quem vult indurat.* Id est non miseretur, vt dicebam cum D. Augustino *supra* vt sit Antithesis.

Secundò Aduocat Flud in subsidium præcedentium id quod scribitur ad Rom. 11. 32. conclusit Deus omnia in incredulitate vt omnium misereatur. Iam responsum est *suprà* Deum non procurasse positivè infidelitatem nec in mundum introduxisse, vt blasphematur Flud. licet permiserit, solùm glossa quam asuit, est examinanda. *At nè quis replicaret quod si hæc ita se habent, quid de ceteris Scripture locis est censendum, cui huic opinioni repugnare videntur? Apostolus talem à mundanis expectans replicationem, illam videtur repellere & tollere per istum versum immediatè sequentem. O altitudo diuitiarum, &c. quibus arguere videtur, quòd quicquid etiam à satana tanquam ministro Dei agitur, ex ipso Deo, & per ipsum Deum, & in ipso efficiatur: nam satan ipse omne factum suum attribuebat Deo dicens extende manum tuam aduersus Iobum, & maledicet tibi; quo sermone agnoscit se ipsum esse non nisi manum Dei seu organum, in quo mouetur Deus ad voluntatem suam exsequendam.*

O Fludi linguam maledictam & maledi-

eam, quæ huiusmodi spurcitiis nostras aures implet! In primis aberras Flude toto cælo, nec capis intentionem & sensum Apostoli, qui toto illo capite sicut & nono, agit de electione gratuita populi Gentilis præ populo Iudaico & inæquali gratiarum distributione, neque respiciebat ad loca Scripturæ, quibus scatet, quæ dicunt Deum esse mundum ab iniquitate & peccato, quæ nunquam tu neque similes tui explicabitis in fauorem blasphemix. Apostolo itaque imponis quem cogeres si posses seruire tuæ impietati, in cuius mentem nunquam venit, quod ei affingis, non enim exclamat & in admirationem rapitur quomodo Deus sit causa peccati, cum diuinæ bonitati & sanctitati sæpè attestetur, sed admiratur cur Deus elegerit, & reprobauerit Iudæos, & ait esse recurrendum in simili quæstione ad profunditatem sapientiæ & scientiæ Dei, & secretorum inscrutabilitatem, vnde prædictam exclamationem passim vsurpant sancti Patres & Doctores in negotio prædestinationis.

Perperam Flud & extrà propositum ait Flud, quòd Apostolus arguere videtur, quòd quicquid fit à satana, fit à Deo, nam neque ex præcedentibus neque ex his verbis, *ex ipso, & per ipsum & in ipso sunt omnia*: per omnia, enim comprehendit res subsistentes positivas, quæ egent causa efficiente, non autem peccata, quæ quatenus talia non habent causam efficientem, sed deficientem, vt infra di-

cam, & vult dicere Apostolus, quòd ratio cur Deus Gentiles in locum Iudæorum assumpserit, non est petenda ex parte illorum qui nihil potuerunt conferre, cùm à Deo sint omnia. Quod addit diabolus factum suum attribueri Deo falsum est & si faceret, ei fidem non adhiberemus, quia mendax est, falsum item quod diabolus sit manus Dei, quasi verò Deus non habeat aliam manum, potestas enim Dei est manus Dei, alias filius æternus citur metaphoricè manus Patris, sicut & Spiritus S. dicitur digitus vt explicant Doctores ad illud exodi 8. 19. *digitus Dei est hic*. Falsum item quòd diabolus sit organum Dei eo modo, quo vult Fluditavit Deus latens sub effigie diaboli nihil operantis affligat, tentet, malum operetur, esto Deus permittat, & eius pravam voluntatem in bonum serui sui conuertat, quomoddò enim diceretur non volens iniquitatem si operando malum, suam exsequitur voluntatem? & quis est ille qui vellet in se factari maledicta, sensus igitur petitionis diaboli est, laxa mihi habenas per manum tuam, qua me contines, ne tantùm noceam, quantum cupio & possum, & videbis quòd Iobus, in impatientiæ verba prorumpet, & maladicet. Deus autem qui Iobi virtutem nouerat, laxauit, & tamen deceptus est diabolus, & sua spe excidit.

Fœnea & straminea substructio impietatis argumentatio Fludi.

§. 22.

HActenus in gratiam Fludi qui cupit instrui vel potius lectorum, ne decipiantur, vel existiment nos succumbere aduersariis? nam de Sanitate Fludi non admodum spero, cum iamdiu imhibitam habeat mentem praua opinione de Deo, tum propter dicta loca, tum propter nescio quas ratiunculas, quæ apud ipsum habent vim demonstrationis conuincentis.

Ad id quod ait sibi ab aduersario responsum, scilicet Deum non esse auctorem peccati, sed diabolum, replicat, quod Deus nihilominus est causa, quia creauit diabolum: cuius argumentum, ut speciem veri habeat, sic potest formari: quod est causa causæ, est causa causati, at Deus est causa diaboli qui est causa peccati, ergo Deus est causa peccati. Respondendo valete axioma, quando causa secunda, quæ concurrit cum prima & yniuersali, nempe Deo, operatur necessario, non autem si sit libera, & capax defectus, cum peccatum quatenus tale, non requirat causam efficientem, sed deficientem: & voluntas creata non facit peccatum quatenus ipsa est à Deo, sed prout est de nihilo, & exorbitat & deflectit à recto ordine, nec propterea libertas est mala, licet

G

quis ea abutatur, sed potius laudandus Deus qui eam dedit ad benè agendum vt monet Clemens Alex. 3. Strom. ante medium: breuius, verum esset si diabolus esset ex natura sua malus, vt voluerunt Manichæi, vel si ad hunc finem illum Deus creasset vt malè operaretur, vel alios ad malum instigaret.

Hanc responsionem præuiderat Flud, cui replicat, *Quasi verò omnia futura in arca sua præscientia atque prouidentia non essent reſeruata aut aliqua ex creatura actionibus eum latere posset: ex quo videtur quod Deus creauit ministrum suum priuatum ad diffeminandam infidelitatem.* Quid vult dicere Flud, vnum ex istis vt puto: aut ideo Deum esse causam peccati diaboli, quia præuidit & præsciuit eum futurum malum, & peccaturum, at præscientia non est causa peccati, non magis quàm Prophetia, quæ est illius radius, nec imponit necessitatem: nec ideo quis peccat quia Deus videt peccare; aut quòd Deus peccauit, quia illum creauit quem sciebat peccaturum, & ideo non debuit creare; aut quia sciens creauit, non ad alium finem creauit, quàm vt esset malus, & infidelitatis & aliorum malorum auctor, quasi verò Deo non suppeteret aliud motiuum creandi & quidem honestum: aut quia non impediuit cùm posset.

Flud argumentorum veterum hereticorum ossa obrodit. §. 23.

H*Æc sunt argumentationum ossa, quæ obroditis*, inquit, Tertullianus l. 2. contra Marcionem cap 5, ubi Marcion qui credebatur duos esse Deos vnum bonum, & alium malum, in hoc religiosior, quàm Fludus, non audens bono Deo attribuere malum, sed potiùs recurrens ad alium Deum, simile præcedenti argumentum profert. Si *Deus*, inquit, *bonus & præsciens futuri, & auertendi mali potens, cur hominem & quidem & imaginem & similitudinem suam, immò & substantiam suam per anima scilicet censum passus est labi de obsequio legis in mortem circumuentum à diabolo? Si enim bonus, si euenire tale quid nolleret, & præsciens, qui euenturum non ignoraret, & potens qui depellere valeret, nullo modo euenisset, quod sub his tribus conditionibus diuina maiestatis euenire non posset: quòd si euenit, absolutus est è contrario Deum neque bonum credendum, neque præscium, neque potentem: si quidem in quantum nihil tale euenisset, si talis Deus id est bonus, & præsciens, & potens: in tantum ideo euenit, quia non talis Deus.*

Respondet Tertullianus admissis tribus illis attributis, lapsum tamen hominis euenisse ex eius libero arbitrio, nec potuisse per Deum euenire: sed imputandum homini & non Deo, qui ad rectè viuendum illum crearat.

Urget Marcion non debuisse instrui libero arbitrio, si libertas exitiosa futura erat. Respondet Tertullianus debuisse, cum eximium donum sit liberum arbitrium, & in eo diuinæ bonitatis imago reluceat: tum quia alioqui, nec mali, nec boni merces iure pensaretur ei, qui aut bonus, aut malus necessitate fuisset inuentus, non voluntate.

Instat secundo, cum non obstante libero arbitrio potuerit Deus impedire, ne homo peccaret, cur permisit peccare? Respondet Tertullianus cap. 7. Deum non fecisse, ne rescinderet libertatem, & se retractaret parum constans & fidelis, & patiens: scio absolutè loquendo posse Deum salua libertate peccatum impedire, sed hoc non esset ita consentaneum suauis prouidentiae Dei, qui ut ait sapiens cap. 12. cum magna differentia disponit nos.

Instat tertio cum anima sit imago Dei, in exemplar culpa debet refundi. Respondet Tertullianus quod licet in pluribus imago imitetur prototypum, non tamen in hoc quod esse defectus incapax: postea addit de diabolo, à Deo quidem fuisse creatum bonum, & Angelum: sed sua libertate & malitia seipsum transformasse in diabolum: addo quod vanum est quærere cur Deus crearet eos quos sciebat esse peccaturos, quasi verò Deus prius secundum nostrum modum concipiendi, non determinarit creare, quam peccatum præuiderit. Velle sine Deum vinci à malitia, aut præscito peccato alicuius abrumper

decretum, quod fecit de eo creando: attendat denique quod ait D. August. in Enchiridio: neque Deus omnipotens, qui rerum est summa potestas, cum summè bonus sit, vlllo modo sineret mali aliquid esse in suo opere, nisi vsque adeo esset omnipotens & bonus vt benè faceret etiam de malo: & alibi ait, maluit deus de malis facere bona, quàm nulla mala esse permittere.

Vltima machina Gigantis bellum cæio inferentis deijcitur. §. 24.

VLtima machina eius qui ponit os suum in cœlum, talis est pag. 18. *Si actus diaboli sit in diabolo per se & originaliter & à Deo alienus quatenus est malus, Deo coeternum faceremus, ut pote qui si à Deo ortum suum non duceret, necesse haberet esse principium Deo coeternum bono Dei actui contrarium, quod esset in aliquo impietas longè maior, asseuerare, quàm in Fludo affirmare materiam non esse quid creatum.*

Sed sagittæ paruulorum factæ sunt plagæ eorum. Supponimus enim in peccato, duo esse scilicet materiale, & formale; siue vt placet alijs, positium & priuatiuum; siue actum, & talis actus deformitatem, & rectitudinis carentiam, & dicimus actum malum diaboli quatenus est positium & secundum materiale non ita esse à diabolo, quin etiam sit à Deo simul concurrente & consequenter non dici-

mus actum diaboli esse à solo diabolo : sicut enim natura dæmonis dependet à Deo : ita & eius operatio secundum entitatem positivam : nihilominus tamen negamus actum quatenus malus & defectuosus, & secundum illam reduplicationem esse à Deo qui non potest deficere à recta regula benè operandi: hoc enim dicere est gravissima impietas, & talis qua maior dari non potest, & satius esset negare Deum : etenim non tanta irrogaretur iniuria : sed dicimus actum præcisè secundum malitiam esse à solo dæmone, qui est capax defectus. Etenim actus est difformis regulæ, & defectuosus, non postulat causam efficientem, sed deficientem ut bene aduertit D. Augustinus 12. de Civit. cap. 7. *Nemo ergo, inquit, querat causam male voluntatis: non enim est efficiens, sed deficiens: quia nec illa effectio est sed defectio: deficere namque ab eo, quod summè est ad id quod minus est, hoc est incipere habere voluntatem malam* Quapropter dicit idem l. de spiritu & lit. cap. 31. quod nusquam in scripturis legitur, quod non est voluntas nisi à Deo : & 2. de lib. arb. cap. 20. *Motus ergo ille aversionis quod fatemur esse peccatum, quoniam defectivus motus est, omnis autem defectus ex nihilo est: inde quò pertineat & ad Deum non pertinere ne dubites: & lib. de perfectione iustitiæ cap. 2. dat exemplum claudicationis, quæ non est referenda in Deum, neque vim motricem, sed tibiam malè affectam: vides Flude quod pro actu malo eliciendo, quatenus malus est non sit opus*

ullo principio effectiuo, sed tantum defectiuo, & multo minus tali, quod sit Deo coæternum, & ideo inanes & similes araneæ telis consequentiæ tuæ.

Turris babylonica culmen conclusio
Fludi. §. 25.

Qui Deum esse auctorem peccati dicunt conantur Deum detrudere è throno sanctitatis & iustitiæ & sicut Gigantes & filij confusionis erigunt turrim Babel: quæ enim maior confusio, quam confundere cælum cum cæno, lucem cum tenebris, scientiam cum ignorantia, potentiam cum debilitate, bonitatem cum malitia, sanitatem cum morbo, iustitiam cum iniquitate, perfectionem cum defectu, puritatem cum spurcitia, Deum cum diabolo: tali autem turri fastigium imponit concludens. *Quòd non videatur esse impietas in quopiam adeò grauis omnia Deo (tam bona quam mala culpæ de quibus est quæstio) adscribere ac est illa, nimirum ea falso attribuire creaturis, quæ radicaliter Deo sunt propria, & inter cætera actum aliquem peculiarem in diabolo esse existimare, qui non est originaliter à Deo, & consequenter immediate.*

Sed certè apud indicem benè affectum non dico Christianum sed ethnicum magis impius reputaretur ille, qui diceret Deum esse auctorem mali, & consequenter esse malum, & ma-

iorem iniuriam inferret ei vt pote blasphemus in primo capite & supremo gradu, quàm ille qui concursui Dei, vel etiam potentiae diuinæ subtraheret aliquem actum. Sed neque hoc faciunt Catholici, dum dicunt peccati actum, vt est peccaminosus, non esse à Deo: quam esse eorum mentem non ignoras Flude, dum initio huius contouersiae fictè errorem toti mundo intolerabilem ne malè audias, abiuras dicens te non tantum consentire cum Theologis Scholasticis peccatum non esse à Deo, sed ab obliquitate creaturæ, & tamen vt est actus & motus esse à Deo: & si diceremus Deum remotè duntaxat concurrere cum creaturis eas conseruando, immò si diceremus Deum tantum creasse mundum, & curam se propagandi & agendi demandatam esse creaturæ. non propterea creatura esset æterna vel omnipotens, vel à se, nec posset de aliquo quasi proprio gloriari, sed semper posset ei obijci id quod ait Apostolus 1. ad Cor. 4. *Quid habes, quod non accepisti?* Sed neque hoc dicimus: sed dicimus Deum non tantum originaliter, quatenus est origo & causa naturæ angelicæ, vel humanæ: sed etiam immediatè concurrere ad materiale peccati, ad formale autem nullo modo: & consequenter negamus Deum esse causam peccati, vt peccatum est: nam vt ait D. Augustinus l. de duabus animabus contra Manichæos c. 6. *Visionum auctorem Deum nemo nisi sacrilegus diceret.*

De Angelis

De Angeli constitutione. §. 26.

PAUCA hîc dicenda quia multa in effigie,
 tum quia pauca addit Flud, qui relegens,
 quæ ante dixerat de Angeli corporatura D.
 Dionysium & Damascenum, quos habuit
 aduersarios, hîc pag. 39. habet patronos, & p.
 19 cûm Landuius obieciſſet Fludum negare
 substantias separatas, nempe Angelos, qui ta-
 les dicuntur quia sunt immunes à materia,
 respondet ratione sui externi esse separatas,
 ratione verò interni scilicet Deitatis haud-
 quaquam, per quod vult intelligi Angelos
 non dici substantias separatas, quia carent
 materia, vt communiter intelligitur, sed quia
 sunt distinctæ à Deo ratione sui externi nem-
 pe corporis aërei, vel etiam ab alijs rebus, non
 autem ratione interni inhabitantis nempe
 Deitatis: quem modum loquendi apud nemi-
 nem alium vidi, quàm Georgium Venetum in
 opere illo mendoso, quod continet proble-
 mata tom. 6. sect. 5. initio: ex quo auctore non
 parum profecit Flud vt ex loco Veneti allega-
 to patet & aliis: & ne existimes eum esse in-
 uentorem illius systematis, in quo per tres en-
 neades numerorum digerit res huius mundi
 secundum rationem superioris, & inferioris,
 simile habes in Isagoge in harmoniam mundi
 eiusdem Veneti, quam præfixit Nicolaus
 Faber.

Addit Flud pag. 38. & 72. Angelos prauos ratione lapsus eorum fuisse quoad externum, siue corpus in naturam aëris grossioris commutatos, quo magis cruciaturi, & tormentis igneis redderentur obnoxij, docet ex D. Augustino, vbinam hoc dixerit, locum non indicat.

Duo hic in Fludo improbanda.

§. 27.

Primò quod pertinet ad Angeli corporeitatem, iam reiecta est in secundo ordine natorum: & quanquam non ignorem multos Patres dixisse esse Angelos corporeos: tamen quòd Angelus circumscripta Diuinitate in eo inhabitante sit tantum corpus aëreum, non existimo vllum ita sensisse: sed posita illa opinione adhuc præter Deum, debet assignari aliqua pars quæ se habeat vt anima & interna forma quæ sit principium vitale motus & intellectiōis: non enim potest Deus per seipsum in genere causæ formalis obire hoc munus, vt ostensum est, negando esse formam informantem: tum quia si mente præscindamus Deum ab Angeli propria natura, vt possumus, cum sit realissimè distinctus tanquam persona increata à creata, quid erit Angelus nisi vilis creatura & minor quàm homo; cum tamen sit nobilissima, & in quo præcellet? Si dicas ratione inhabitantis Deitatis, contra,

cùm Deus sit in omnibus rebus per essentiam, presentiam & potentiam, & nō sit spiritualiter in creaturis intellectualibus nisi ratione effectū gratuitorū ordinis supernaturalis, quos producit in eis, quomodo eorum est capax Angelus, si nihil sit nisi aer? Sic quomodo Angelus erit beatus nisi habeat proprium intellectum, quo cognoscat Deum sicuti est, & voluntatem qua amet? & satius esset dare illi corpus humanum organicum ratione cuius per sensus posset rerum notitias haurire, & in hac opinione dæmon qui est donis gratuitis spoliatus, in quo tamen naturalia, ut iam dicam, integra permanserunt, nihil erit quàm crassus aer, quomodo ergo est capax exercere operationes naturales vitales?

Secundum.

SECUNDò si Flud dixisset dæmones solere assumere corpora ex aëre crassiori, fortè ei fidem adhibuissemus: at probare non possumus quod externum Angeli (quod in opinione Fludi est tota & propria natura illius, cùm Deitas non possit esse illius pars, nec cum ea venire in compositionem) ratione lapsus sit commutatum in aliud: alioqui quomodo verificaretur doctrina Theologica, quæ est, in dæmone naturalia mansisse integra: quæ habet suffragium à sanctis Patribus ut D. Dionysio 4. de div. nom. & ait Isidorus Hispalensis

lib. I. de summo bono cap. 10. *Præuaticatores Angeli etiam sanctitate amissa non amiserunt uacem creatura Angelica sensum*: & D. Bernardus Epist. 7. versus finem ait reprobos Spiritus destitutos esse participatione gratiæ spiritualis, non tamen uacitate industriæ naturalis, & Alcimus auitus l. 2. in Genesim carm. de peccato orig. his versibus docet naturalem perspicaciam intelligendi remansisse in dæmone & vim delegendi occulta.

Sed quod uinaces pertendit in abdita sensus,

Quodque futura uidet, rerumque arcana resignat,

Angelici feruens superest natura vigoris.

Quod non fieret si eius natium corpus esset mutatum in crassius, nam inde impediretur cognitio, sicut corporis humani crassitas animam impedit ne ita benè res intelligat.

quoniam caliginis atra

Obstunt nebulae, & mortalia lumina nobis

Et pupæ tenues: caro circum atque ossa resistunt.

ut ait Orpheus apud Theodoretum 2. contra Græcos.

Accedat ratio, quia sicut per peccatum Adami substantia animæ non est passa detrimentum, nec in ea imago Dei est obliterata, ut ostendunt Catholici contra hæreticos & præsertim contra Matthiam Illyricum qui fingit dum homo peccat, physicam transmutationem de vna forma substantiali in aliam. Ita dum lapsus est Angelus, nulla facta est commutatio substantialis, & certè cum peccatum

fit quid morale, non habet vim physicè trans-
formandi vnum in aliud.

*Ratio aduersarij infringitur, & San-
ctus Augustinus ei non fauet.*

§. 22.

SED dicet Flud Deum in pœnam peccati fe-
cisse illam transmutationem. Sed cur? vt
dæmon esset obnoxius cruciatui per ignem.

Contra, esto corpus sit necessarium, vt
quid naturaliter patiatur ab igne: at non vt
diuinitus. Agit autē ignis gehennæ vt Dei in-
strumentum eleuatum ad agendum suprâ vi-
res: alioqui non diceret D. Augustinus 21. de
Ciu. cap. 10. *Cur non dicamus quatinus miris, ta-
men veris modis etiam spiritus incorporeos posse pœna
corporalis ignis affligi?* non esset autem mirum,
si dæmon esset præditus corpore ætério gros-
siori, quod pateretur, tum quia dicat nobis
cur ad cruciatum non sufficebat corpus æe-
reum, quod ante lapsum habebat? sed ne-
que dæmon ratione corporis potest cruciari,
nisi habeat animam, quæ propter vnionem
reddit corpus sensus capax: quod si habet
animam & corpus, vbi est differentia essen-
tialis inter eum & hominem? quod si non ha-
bet aliam animam quàm Deum, contra, Deus
non potest habere sympathiam cum corpore,
nec ei vniri vera & physica vnione, quod est

62 *Confutatio dogmatum*

necessarium ut corpus sentiat: tum quia sicut ex redundantia sentit anima, dum corpus affligitur: ita Deus sentiret, & esset passioni obnoxius, quod est impium dicere.

Quod spectat ad D. Augustinum, dubius hæsit quantum ad Angeli corporeitatem: & nonne audisti iam ipsum docere posse spiritus incorporeos ab igne pati? & nusquam legi ipsum dixisse, corpus dæmonis fuisse propter lapsum commutatum: debuerat autem Flud citare locum, ubi hoc dicit, ut ei fidem adhiberemus, quod non possumus facere donec constet: maxime cum habeamus alibi eius testimonium in contrarium nam II. de Civ. cap. 13. impugnans Origenem, qui voluit spiritus prævaricatores in pœnam peccati detrusos fuisse in corpus quasi in carcerem, & alligatos corporibus crassioribus, vel minus crassis pro gravitate culpæ, arguit ad hominem dicendo dæmonem, quia gravius deliquit, detrudendum fuisse in corpus terreum potius, quam animam, cum tamen corpus dæmonis, si aliquod habeat, etiam de mente Origenis, sit æreū, ubi nihil dicit de illa commutatione corporis subtilioris in grossius: hoc enim esset accedere ad errorem Origenis, quem hac in parte sequitur Flud, ut visum est in Effigie: hæc sunt verba concepta, D. Augustini. *Videre debuit Origenes & quicumque ita sapiunt, si hac opinio vera esset, mundum ideo factum, ut anime pro meritis peccatorum suorum tanquam ergastula, quibus pœnaliter infunderentur,*

corpora acciperent superiora & lauiora quæ minus, inferiora uero & grauiora, quæ ampliùs peccauerunt, demones, quibus deterius nihil est, terrena corpora, quibus inferius & grauius nihil est, potiùs quàm homines etiam malos habere debuissè: nunc uero, ut intelligeremus animarum merita non qualitatibus corporum esse pensanda, æreum possidet pessimus demon: Nempe etiam de mente Originis.

De animæ origine & regimine.

§. 29.

TRactans Fludi Psychologiam plures maculas notauì, quas hîc recognoscit Flud nec de eis erubescit.

Prima Fludi macula.

PRimò dicebam contra Fludum cum Patribus, quibus adde Theodor. 4. Therap. Æneam Gazæum in Theophrasto, animam hominis fieri è nihilo: at Flud hîc pag. 37. ait, *Quomodo, cum anima sit ipsa uita, ex nihilo fieri dicitur?* Quæ consequentia est ita subtilis, ut non tantùm fugiat sensum, sed etiam intellectum: debuerat Flud ostendere Deum non creasse animam è nihilo, ostendendo rationem uitæ impedire. Sed fortè Flud existimat quòd cum dicimus animam fieri è nihilo, ita intelligimus, quòd nihilum ueniat in compo-

sitionem animæ & misceatur eum vita, sed si ita sentit, fallitur: nam volumus tantum animam fieri è nihilo tanquam termino, & volumus excludere omne semen & omne præuium, ex quo tanquam subiecto anima extrahatur: quod est propriè creari vt, docet D. August. ad Orosium cap. 2.

Secunda Fludi macula.

SECUNDò dicebam animam non esse creatam ante corpus: Flud tenet contrarium & nominatim probat hîc pag. 72. de anima Adami, nam vt probet animam mundi productam fuisse ante firmamenti siue spiritus ætheris productionem, ita syllogizat, *Si anima Ada creditur pr. mo die creata, multo magis anima mundi.* Probat antecedens ex D. Augustino dicente, *Si non inuenitur scriptura, qua contradicat, videtur dicendum animam Ada principio cum Angelis fuisse creatam, & postmodum voluntariè ad corpus accessisse ad ministrandum ipsi.* Respondeo hîc & alibi pluries Fludi diligentiam desiderari in citandis auctoribus, debuisset locum assignare vbi hoc dicat D. Augustinus, sed hoc labore ipsum subleuabo. Verum quidem est quod D. Augustinus 7. de Genesi ad literam cap. 24. super hac re nihil definierit, tamen 12. de Ciu. cap. 23. ait Deum potius sufflando fecisse animam; quam iam factam communicasse: accedat testimoniû scripturæ, *Gen. 2.*

Gen. n. *Inspiravit in faciem eius spiraculam vite.*
 Quod factum est die sexto & de anima rationali intelligunt alij Patres, Tertullianus lib. de Penit. cap. 3. & lib. de an. cap. ii. & Theodoretus serm. 5. contra Græcos, postquam dixit animam nequaquam in corpus ita demissam, ut tamen antea per se subsisteret, subdit, *Neque verò intelligendum est inspirationem hanc fuisse quandam anhelitus defluxum; qui de ore Dei prodierit (incorporeus enim Deus est, idem simplex, neque compositus) sed ipsam animæ naturam spiritum esse præditum ratione & intellectu.*

Quod addit Flud animam voluntariè ad corpus accessisse, se collidit cum eo quod dicit Sect. 1. microcosmi ipsam contra voluntatem suam migrasse in corpus, incongruè etiam loquitur, cum potius corpus animæ ministret ut pote eius organum, quàm è conuerso.

Tertia.

Tertiò notabam in illo istum næuū nempe animam esse partem Dei, quod etiam notauit Gassendus qui apud Fludum pag. 66. obiicit Fludo quod dixerit animam non esse ex nihilo, sed Deo ut quodam toto lucidam particulam, cui respondet Fludus subtiliter transeundo de causa materiali ad efficientem probando animam esse ex Deo ut producente, quod est tacitè se retractare & non respondere ad mentem aduersarii, qui obijciebat

Fludo quod faceret Deum partibilem & causam materialem vt faciebant illi quos notat D. Ambrosius 2. de Spiritu sancto cap. 10. consulat lector loca quæ afferro ex Fludo in effigie, & videbit vtrum velit tantum animam esse ex Deo vt producente.

Quarta.

Quartò fusè impugnaui Fludum in eo quod triplicem genium assignat homini: hic autem nihil dicit noui nisi quia pag. 19. iterum suum Achyllem opponit, nempe debere tot esse Angelos custodes quot sunt Spiritus vel portiones, quas anima vel homo participat ex triplici cælo, empyreo, æthereo seu vitali, & elementari, & pag. 20. probat experientia (quasi verò Angelus cadat sub experientiam) istâ, quòd Spiritus in cuiuslibet natiuitate adsit bonus & rationalis, atque item malus, & naturalis seu bestialis, neminem haud ratione destitutum latere potest, cum quandoque ad bona contemplanda, nonnunquam ad mala excogitanda & peragenda hominem eundem videamus prouum, & quia non sunt extrema absque medio, excogitat intermedium spiritum, in quo natet liberi arbitrij virtus, & qui modo sollicitetur ad bonum ab vno, modò ad malum ab alio: hæc est medulla eorum quæ dixit in Certam. & alibi.

Nunc habeo tantùm dicendum quod hoc dogma nouum est, puto tamen simile quid si bene memini, reperiri apud Agrippam in occulta Philos. secundò loquendo de ingenio & spiritu humano non debet in eodem homine in plures dissecari: nam vnus & idem pro innata libertate modò rationi consentit, modò dissentit; noui quidem præsertim à Platonicis animam diuidi in partem rationalem, irascibilem & concupiscibilem, siue primò in rationalem & rationis expertem: deinde hanc in irascibilem & concupiscibilem: noui etiam diuidi in portionem siue partem superiorem, & inferiorem, siue animum & animam; verùm hæc diuisio non est, nisi per rationem, nam eadem anima indiuisibilis habet vt corpus sua societate viuificet, & semetipsam sua ratione disponat vt loquitur auctor lib de spiritu & anima cap. 41. & spiritus ille in quo fingitur natæ libertas non potest esse medius inter partem superiorem & inferiorem, nam libertas est in supremo apice animæ in quo resident intellectus & voluntas siue appetitus rationalis, sicut appetitus sensualis residet in parte inferiori. Tandem si dantur spiritus Angelici ad regēdos illos spiritus humanos vt sit correspondentia, sicut humanus medius neque est bonus neque malus: ita dabitur vnus Angelicus qui neque sit bonus neque malus, & ideo diuisio Angeli in bonum & malum non erit adæquata.

De unico cultu Dei.

HÆc appono per modum coronidis: quia illa opinio, è qua itur in atheismum, de religionū indifferentia est omnium errorum barathrum: in illa autē impugnanda sic procedam, primò ostendam Fludi vacillationem & tandem apertam declarationem, deinde errorem refellam, & postea Fludi diuerticula præcludam.

*Fludi vacillatio & ad extremum
aperta Manichæismi professio.*

§. 30.

Flud lapsum timens timidè procedit in hac parte, ne ab omnibus exhibetur: in Effigie citavi Fludum pag. 57. Certam. dicentem tam Romanos quàm Lutheranos esse luminis occulti seu sapientiæ possessores, an hoc habeatur in Certam. an in lib. Frisij de summo bono non ausim affirmare, cùm iam non habeam ad manum libros illos. Sed perinde mihi est & semper iudicaui ea quæ dicit Frisius, dicta esse in gratiam Fludi & ad defendendam eius magiam, cabalam, alchimiam, & confraternitatem fratrum R. C. propterea enim commotus erat Mersennus in Fludum: quid iam in Antiapologia modò negat se non esse

auctorem libri qui inscribitur *summum bonum*, & à Typographo esse certamini annexum infcio Fludo modò vt pag. 26, fatetur se addidisse aliquid libro Frisij, sed quid scimus an dogma illud de religionum indifferentia sit vnum ex additis? modò pag. 59. Merfennenno dicenti, *Non interest Fludi, cuius Religionis sis Romana, Lutherana, aut alterius.* Respondet hoc non inueniri in suis scriptis sed in Frisij libro qui inscribitur, *summum bonum*, & ne quidem in eo hoc inueniri sed tâtùm homines in qualibet Religionum secta esse, qui circa mysticam Dei sapientiam essentialiter versantur, & ad eandem summi illius boni metam quàm directissimè collimant, & pag. 23 ait, *Non ergo concludit Frisius quod vnus, idemque numero Theologus mysticus seu Rosea crucianus sit cuiuslibet Religionis, sed quod alius in vna, alius verò in alia viuere possit.*

Sed quicquid dixerit Frisius, quantumuis tergiuerfetur Fludus, ex dictis habetur in doctrina Fludi & Frisij quemlibet posse saluari quamcunque Religionem & fidem profiteatur: hoc enim præ se ferunt illa verba. *Homines in qualibet religionum, secta esse, qui ad eandem summi illius boni metam quàm directissimè collimant.*

Igitur scopum assequuntur & salutem æternam consequuntur: & illa, *Vnus in vna, alius in alia Religione viuere potest*, puta licitè & absque detrimento animæ, ita vt nihil intersit ad salutem in qua uiuat: quod autem Flud ait in

14. & 17. 3. & act. 10. 43. & ad Rom. 3. 22. & 10. 9. & ad Gal. 2. 16.

Quod si te restringas ad Christianos & omnes comprehendis, quare ita præcipit D. Paulus ad Titum 3. 10. *Hæreticum hominem post unam & secundam correptionem denota*, &c. quare fidei Symbola condita sunt tot Concilia coacta? cur contra hæreticos tot Doctores & Confessores dimicarunt? nempe quia à scopo aberrant hæretici, nec habent certam regulam credendi per quam dirigantur, sed priuato Spiritu ducuntur, non sentiunt de Deo & sancta Trinitate ut par est, mysterium Incarnationis malè intelligunt.

Fludi diuerticula præcluduntur.

§. 32.

ELud paratissimus ad propugnanda ea quæ docet Frisius amicus pag. 58. fatetur quidem non debere esse in essentia nisi vnicam Ecclesiam, & vnicam Religionem, quo non obstante vult posse quemlibet in sua secta permanere & saluari: distinguit enim duplicem Ecclesiam, vna est interna & Archetypa de qua lex Christi, quæ refertur ad mysterium Dei, hoc est ad contemplationem profundam identitatis diuinæ, & vocatur mystica, estque vnica, quatenus in sola veritate relictis contentionibus, varietatibus, & ceremonijs mundanis versatur; alia est externa, typica, politica, Mosaica,

Mosaïca, quæ versatur præcipuè circa mortalitatem, & institutionem quæ debet exerceri inter homines ad cultum diuinum, spectatque ad illam Decalogi portionem, quâ Christus comprehendebat in proximi amore: & super ista Ecclesia tot fundantur in mundo Religiones, scilicet Iudaica, Mahometica; tot inter Christianos sectæ vt Atriana, Papistica, Lutherana, &c. nam omnes hæ appellationes differunt solummodo vel in forma ceremoniali, vel in positionibus diuersis & variis à veritate & realitate, & in varietate interpretationis Scripturarum, cum sit citra omnè dubium, aut controuersiam, quod non sit nisi vnica veritas, ad quam omnes istæ religionû sectæ tam zelosè collimant, & pag. 22. ait posse pro diuersa occasione aliquem, ne fratres suos offendat, se accommodare religioni eorum, & pag. 23. ait diuersas ceremonias tantum in externo religionis versari, & ad Ecclesiam externam scti politicam pertinere, & nil facere ad internam & mysticam, quæ integra manet, non obstante diuersitate ceremonialium, siue diuersitas ceremonialium potest coherere cum diuini mysterij integritate. addit cum corpus humanum sit Ecclesia mystica, quippe quod templum dicitur Spiritus sancti, & Ecclesia Christi, quid ad istam Ecclesiam carnalem ceremoniarum externarum quæ sunt typicæ?

In hoc politici nostri discursu tot sunt ferè errata, quot verba: primò non video cur dicat

Addit Flud pag. 38. & 72. Angelos prauos ratione lapsus eorum fuisse quoad externum, siue corpus in naturam aëris grossioris commutatos, quo magis cruciatur, & tormentis igneis redderentur obnoxij, docet ex D. Augustino, vbi nam hoc dixerit, locum non indicat.

Duo hic in Fludo improbanda.

§. 27.

Primò quod pertinet ad Angeli corporeitatem, iam reiecta est in secundo ordine naturarum: & quanquam non ignorem multos Patres dixisse esse Angelos corporeos: tamen quòd Angelus circumscripta Diuinitate in eo inhabitante sit tantum corpus aëreum, non existimo vllum ita sensisse: sed posita illa opinione adhuc præter Deum, debet assignari aliqua pars quæ se habeat vt anima & interna forma quæ sit principium vitale motus & intellectus: non enim potest Deus per seipsum in genere causæ formalis obire hoc munus, vt ostensum est, negando esse formam informantem: tum quia si mente præscindamus Deum ab Angeli propria natura, vt possumus, cum sit realissimè distinctus tanquam persona increata à creata, quid erit Angelus nisi vilis creatura & minor quàm homo; cum tamen sit nobilissima, & in quo præcellet? Si dicas ratione inhabitantis Deitatis, contra,

cùm Deus sit in omnibus rebus penes essentiam, presentiam & potentiam, & nõ sit spiritualiter in creaturis intellectualibus nisi ratione effectuum gratuitorum ordinis supernaturalis, quos producit in eis, quomodo eorum est capax Angelus, si nihil sit nisi aer? Sic quomodo Angelus erit beatus nisi habeat proprium intellectum, quo cognoscat Deum sicuti est, & voluntatem qua amet? & satius esset dare illi corpus humanum organicum ratione cuius per sensus posset rerum notitias haurire, & in hac opinione dæmon qui est donis gratuitis spoliatus, in quo tamen naturalia, ut iam dicam, integra permanserunt, nihil erit quam crassus aer, quomodo ergo est capax exercere operationes naturales vitales?

Secundum.

Secundò si Flud dixisset dæmones solere assumere corpora ex aëre crassiori, fortè ei fidem adhibuissemus: at probare non possumus quod externum Angeli (quod in opinione Fludi est tota & propria natura illius, cum Deitas non possit esse illius pars, nec cum ea venire in compositionem) ratione lapsus sit commutatum in aliud: alioqui quomodo verificaretur doctrina Theologica, quæ est, in dæmone naturalia mansisse integra: quæ habet suffragium à sanctis Patribus ut D. Dionysio 4. de div. nom. & ait Ildorus Hispalensis

lib. i. de summo bono cap. 10. *Prauaricatores Angeli etiam sanctitate amissa non amiserunt viuacem creatura Angelice sensum* : & D. Bernardus Epist. 7. versus finem ait reprobos Spiritus destitutos esse participatione gratiæ spiritualis, non tamen v. uacitate industriæ naturalis, & Alcimus auitus l. 2. in Genesim carm. de peccato orig. his versibus docet naturalem perspicaciam intelligendi remansisse in dæmone & vim delegendi occulta.

Sed quod viuaces peritendit in abdita sensus,

Quodque futura videt, rerumque arcana resignat,

Angelici feruens superest natura vigoris.

Quod non fieret si eius natium corpus esset mutatum in crassius, nam inde impediretur cognitio, sicut corporis humani crassitas animam impedit ne ita benè res intelligat.

quoniam caliginis atra

Obstunt nebula, & mortalia lumina nobis

Et pupæ tenues: caro circum atque ossa resistunt.

ut ait Orpheus apud Theodoretum 2. contra Græcos.

Accedat ratio, quia sicut per peccatum Adami substantia animæ non est passa detrimentum, nec in ea imago Dei est obliterata, ut ostendunt Catholici contra hæreticos & præsertim contra Matthiam Illyricum qui fingit dum homo peccat, physicam transmutationem de vna forma substantiali in aliam. Ita dum lapsus est Angelus, nulla facta est commutatio substantialis, & certè cum peccatum

fit quid morale, non habet vim physicè trans-
formandi vnum in aliud.

*Ratio aduersarij infringitur, & San-
ctus Augustinus ei non fauet.*

§. 29.

SED dicit Flud Deum in pœnam peccati fe-
cisse illam transmutationem. Sed cur? vt
dæmon esset obnoxius cruciatui per ignem.

Contra, esto corpus sit necessarium, vt
quid naturaliter patiat ab igne: at non vt
diuinitus. Agit auté ignis gehennæ vt Dei in-
strumentum eleuatum ad agendum suprâ vi-
res: alioquin non diceret D. Augustinus 21. de
Ciu. cap. 10. *Cur non dicamus quatinus miris, ta-
men veris modis etiam spiritus incorporeos posse pœna
corporalis ignis affligi? non esset autem mirum,
si dæmon esset præditus corpore aërio gros-
siori, quod pateretur, tum quia dicat nobis
cur ad cruciatum non sufficebat corpus aë-
reum, quod ante lapsum habebat? sed ne-
que dæmon ratione corporis potest cruciari,
nisi habeat animam, quæ propter vnionem
reddit corpus sensus capax: quod si habet
animam & corpus, vbi est differentia essen-
tialis inter eum & hominem? quod si non ha-
bet aliam animam quàm Deum, contra, Deus
non potest habere sympathiam cum corpore,
nec ei vniri vera & physica vnione, quod est*

necessarium ut corpus sentiat: tum quia sicut ex redundantia sentit anima, dū corpus affligitur: ita Deus sentiret, & esset passioni obnoxius, quod est impium dicere.

Quod spectat ad D. Augustinum, dubius hæsit quantum ad Angeli corporeitatem: & nonne audisti iam ipsum docere posse spiritus incorporeos ab igne pati? & nusquam legi ipsum dixisse, corpus dæmonis fuisse propter lapsum commutatum: debuerat autem Flud citare locum, ubi hoc dicit, ut ei fidem adhiberemus, quod non possumus facere donec constet: maximè cum habeamus alibi eius testimonium in contrarium nam II. de Ciu. cap. 23. impugnans Origenem, qui voluit spiritus præuaricatores in pœnam peccati detrusos fuisse in corpus quasi in carcerem, & alligatos corporibus crassioribus, vel minùs crassis pro gravitate culpæ, arguit ad hominem dicendo dæmonem, quia grauiùs deliquit, detrudendum fuisse in corpus terreum potiùs, quàm animam, cum tamen corpus dæmonis, si aliquid habeat, etiam de mente Origenis, sit aëreū, ubi nihil dicit de illa commutatione corporis subtilioris in grossius: hoc enim esset accedere ad errorem Origenis, quem hac in parte sequitur Flud, ut visum est in Effigie: hæc sunt verba concepta, D. Augustini. *Videre debuit Origenes & quicumque ita sapiunt, si hac opinio vera esset, mundum ideo factum, ut anime pro meritis peccatorum suorum tanquam ex astula, quibus pœnaliter infunderentur,*

corpora acciperent superiora & leniora quæ minus, inferiora verò & grauiora, quæ amplius peccauerunt, demones quibus deterius nihil est, terrena corpora, quibus inferius & grauius nihil est, potius quàm homines etiam malos habere debuissè: nunc verò, ut intelligeremus animarum merita non qualitatibus corporum esse pensanda, æreum possidet pessimus demon: Nempe etiam de mente Origenis.

De animæ origine & regimine.

§. 29.

TRactans Fludi Psychologiam plures maculas notauì, quas hîc recognoscit Flud nec de eis erubescit.

Prima Fludi macula.

PRimò dicebam contra Fludum cum Patribus, quibus adde Theodor. 4. Therap. Æneam Gazæum in Theophrasto, animam hominis fieri è nihilo: at Flud hîc pag. 37. ait, *Quomodo, cum anima sit ipsa vita, ex nihilo fieri dicitur? Quæ consequentia est ita subtilis, ut non tantum fugiat sensum, sed etiam intellectum: debuerat Flud ostendere Deum non creasse animam è nihilo, ostendendo rationem vitæ impedire. Sed fortè Flud existimat quòd cum dicimus animam fieri è nihilo, ita intelligimus, quòd nihilum veniat in compo-*

sitionem animæ & misceatur cum vita , sed si ita sentit, fallitur : nam volumus tantum animam fieri è nihilo tanquam termino, & volumus excludere omne semen & omne præuium , ex quo tanquam subiecto anima extrahatur : quod est propriè creari vt, docet D. August. ad Orosium cap. 2.

Secunda Fludi macula.

Secundò dicebām animam non esse creatam ante corpus : Flud tenet contrarium & nominatim probat hīc pag. 72. de anima Adami, nam vt probet animam mundi productam fuisse ante firmamenti siue spiritus ætherei productionem, ita syllogizat, *Si anima Adæ creditur primo die creata, multo magis animam mundi.* Probat antecedens ex D. Augustino dicente, *Si non inuenitur scriptura, quæ contradicat, videtur dicendum animam Adæ principio cum Angelis fuisse creatam, & postmodum voluntariè ad corpus accessisse ad ministrandum ipsi.* Respondeo hīc & alibi pluries Fludi diligentiam desiderari in citandis auctoribus, debuisset locum assignare vbi hoc dicat D. Augustinus, sed hoc labore ipsum subleuabo. Verum quidem est quod D. Augustinus 7. de Genesi ad literam cap. 24. super hac re nihil definierit, tamen 12. de Ciu. cap. 23. ait Deum potius sufflando fecisse animam, quam iam factam communicasse: accedat testimoniū scripturæ, Gen. 2.

Gen. n. *Inspiravit in faciem eius spiraculam vitæ.*
 Quod factum est die sexto & de anima rationali intelligunt alij Patres, Tertullianus lib. de Penit. cap. 3. & lib. de an. cap. 11. & Theodoretus serm. 5. contra Græcōs, postquam dixit animam nequaquam in corpus ita demissam, ut tamen antea per se subsisteret, subdit, *Neque verò intelligendum est inspirationem hanc fuisse quandam anhelitus defluxum; qui de ore Dei prodierit (incorporeus enim Deus est, idem simplex, neque compositus) sed ipsam animæ naturam spiritum esse præditum ratione & intellectu.*

Quod addit Flud animam voluntariè ad corpus accessisse, se collidit cum eo quod dicit Sect. 1. microcosmi ipsam contra voluntatem suam migrasse in corpus, incongruè etiam loquitur, cum potius corpus animæ ministret ut pote eius organum, quàm è conuerso.

Tertia.

Tertiò notabam in illo istum nexu nempe animam esse partem Dei, quod etiam notauit Gassendus qui apud Fludum pag. 66. obiicit Fludo quod dixerit animam non esse ex nihilo, sed Deo ut quodam toto lucidam particulam, cui responder Fludus subtiliter transeundo de causa materiali ad efficientem probando animam esse ex Deo ut producente, quod est tacitè se retractare & non respondere ad mentem aduersarii, qui obiebat

Fludo quod faceret Deum partibilem & causam materialem vt faciebant illi quos notat D. Ambrosius 2. de Spiritu sancto cap. 10. consulat lector loca quæ afferro ex Fludo in effigie, & videbit vtrum velit tantum animam esse ex Deo vt producente.

Quarta.

Quartò fusè impugnaui Fludum in eo quod triplicem genium assignat homini: hic autem nihil dicit noui nisi quia pag. 19. iterum suum Achyllem opponit, nempe debere tot esse Angelos custodes quot sunt Spiritus vel portiones, quas anima vel homo participat ex triplici cælo, empyreo, æthereo seu vitali, & elementari, & pag. 20. probat experientia (quasi verò Angelus cadat sub experientiam) istâ, quòd Spiritus in cuiuslibet natiuitate adsit bonus & rationalis, atque item malus, & naturalis seu bestialis, neminem haud ratione destitutum latere potest, cum quandoque ad bona contemplanda, nonnunquam ad mala excogitanda & peragenda hominem eundem videamus prouum, & quia non sunt extrema absque medio, excogitat intermedium spiritum, in quo natet liberi arbitrij virtus, & qui modo sollicitetur ad bonum ab vno, modò ad malum ab alio: hæc est medulla eorum quæ dixit in Certam. & alibi.

Nunc habeo tantum dicendum quod hoc dogma nouum est, puto tamen simile quid si bene memini, reperiri apud Agrippam in occulta Philos. secundò loquendo de ingenio & spiritu humano non debet in eodem homine in plures diffecari: nam vnus & idem pro innata libertate modò rationi consentit, modò dissentit; noui quidem præsertim à Platonicis animam diuidi in partem rationalem, irascibilem & concupiscibilem, siue primò in rationalem & rationis expertem: deinde hanc in irascibilem & concupiscibilem: noui etiam diuidi in portionem siue partem superiorem, & inferiorem, siue animum & animam; verum hæc diuisio non est, nisi per rationem, nam eadem anima indiuisibilis habet vt corpus sua societate viuificet, & semetipsam sua ratione disponat vt loquitur auctor lib de spiritu & anima cap. 41. & spiritus ille in quo fingitur natæ libertas non potest esse medius inter partem superiorem & inferiorem, nam libertas est in supremo apice animæ in quo resident intellectus & voluntas siue appetitus rationalis, sicut appetitus sensualis residet in parte inferiori. Tandem si dantur spiritus Angelici ad regēdos illos spiritus humanos vt sit correspondentia, sicut humanus medius neque est bonus neque malus: ita dabitur vnus Angelicus qui neque sit bonus neque malus, & ideo diuisio Angeli in bonum & malum non erit adæquata.

De vñico cultu Dei.

HÆc appono per modum coronidis: quia illa opinio, è qua itur in atheismum, de religionũ indifferentia est omnium errorum barathrum: in illa autẽ impugnanda sic procedam, primò ostendam Fludi vacillationem & tandem apertam declarationem, deinde errorem refellam, & postea Fludi diuerticula præcludam.

*Fludi vacillatio & ad extremum
aperta Manichæismi professio.*

§. 30.

Flud lapsus timens timidè procedit in hac parte, ne ab omnibus exhibeatur: in Effigie citavi Fludum pag. 57. Certam. dicentem tam Romanos quàm Lutheranos esse luminis occulti seu sapientiæ possessores, an hoc habeatur in Certam. an in lib. Frisij de summo bono non ausim affirmare, cùm iam non habeam ad manum libros illos. Sed perinde mihi est & semper iudicaui ea quæ dicit Frisius, dicta esse in gratiam Fludi & ad defendendam eius magiam, cabalam, alchimiam, & confraternitatem fratrum R. C. propterea enim commotus erat Mersennus in Fludum: quid iam in Antiapologia modò negat se non esse

auctorem libri qui inscribitur *summum bonum*, & à Typographo esse certamini annexum inscio Fludo modò vt pag. 26, fatetur se addidisse aliquid libro Frisij, sed quid scimus an dogma illud de religionum indifferentia, sit vnum ex additis? modò pag. 59. Merfeno dicenti, *Non interest Fludi, cuius Religionis sis Romana, Lutherana, aut alterius.* Respondet hoc non inueniri in suis scriptis sed in Frisij libro qui inscribitur, *summum bonum*, & ne quidem in eo hoc inueniri sed râtum homines in qualibet Religionum secta esse, qui circa mysticam Dei sapientiam essentialiter versantur, & ad eandem summi illius boni metam quàm directissimè collimant, & pag. 23: ait, *Non ergo concludit Frisius quod vnus, idemque numero Theologus mysticus seu Rosea crucianus sit cuiuslibet Religionis, sed quod alius in vna, alius verò in alia viuere possit.*

Sed quicquid dixerit Frisius, quantumuis tergiuerfetur Fludus, ex dictis habetur in doctrina Fludi & Frisij quemlibet posse saluari quamcunque Religionem & fidem profiteatur: hoc enim præ se ferunt illa verba. *Homines in qualibet religionum, secta esse, qui ad eandem summi illius boni metam quàm directissimè collimant.*

Igitur scopum assequuntur & salutem æternam consequuntur: & illa, *Vnus in vna, alius in alia Religione viuere potest*, puta licitè & absque detrimento animæ, ita vt nihil intersit ad salutem in qua viuatur: quod autem Flud ait in

Frisio non reperiri quid idem homo sit cuiuslibet Religionis puerile est, nam nec est possibile, cum diuersarum sectarum dogmata sint diuersa & sæpe contradictoria: nec puto hoc intendisse aduersarios Fludi, nec hoc fert textus Mersenni, sed illis satis est, quod teneat Fludus, nihil referre ad salutem siue hanc siue aliam Religionem profitearis, modo sis Theologus Mysticus, occultus & inuisibilis & Rosea cruce notatus: quod est profiteri Manichæismum vt dicebam, nam Manichæi vt referunt Hæreticologi, Religionum indifferentiam approbabant.

Vnica religio ad salutem necessaria.

§. 31.

FLud Roseæ crucianus cum suo pernicioso dogmate Mysterium Crucis euacuat, Beneficium Redemptionis pro nihilo ducit, totam scripturam sacram euertit, idololatriæ acerrimus propugnator idololatriam, & paganismum reducit, omnibus sua claue Paradisi ianuam aperit, infernum claudit.

Nos autem fatemur cum Apostolo ad Eph. 4. quod est vna fides, sine qua, vt dicitur ad Heb. 11. impossibile est placere Deo: audimus & D. Athanasium in Symbolo dicentem, *Quicumque vult saluus esse, ante omnia opus est, vt teneat Catholicam fidem, quam nisi quisque integram inuiolatamque serauerit, absque dubio in*

*aternum peribit, quænam autem sint credenda
postea declarat: audimus item D. Augusti-
num lib. 4. contra Donatistas c. 8. Licet, inquit,
quis habeat alias virtutes propter hoc solum, quod
hæreticus est regnum, Dei non possidebit. Attendi-
mus etiam ad id quod dicit discipulus Ful-
gentius lib. de fide ad Petrum Diaconum cap.
38. Firmissimè tene & nullatenus dubites non solum
omnes paganos, sed etiam omnes Iudæos, hæreticos
& schismaticos, qui extra Ecclesiam Catholicam
presentem finiunt vitam, in ignem æternum ituros,
qui paratus est diabolo & Angelis eius.*

Hallucinaris igitur Flude dum ais quod in
veritatem vnicam tendit, & collimat quæli-
bet totius mundi Religio & quidem quàm di-
rectissimè: collimare quidem se arbitratur, sed
à scopo aberrat, & quod D. Paulus 1. ad Cor.
9. dicit de athletis, dico de Religionibus, om-
nes quidem currunt, sed vna accipit brauium,
omnes quidem naues in mundi Oceano vela
faciunt, sed extra arcam Noe & nauim Petri
Naufragium.

Quod si tuam propositionem extendis
etiam ad Gentiles, frustra Apostoli tot labo-
res susceperunt in disseminando Euangelio,
frustra tot Martyres sanguinem fuderunt: si
extendis ad Iudæos, frustra clamat Apostolus,
si circumcidamini Christus nihil vobis pro-
derit.

Frustra ait S. Marcus cap. 16. qui crediderit
& baptizatus fuerit, saluus erit. qui verò non
crediderit, condemnabitur, & S. Ioannes 3.

14. & 17. 3. & act. 10. 43. & ad Rom. 3. 22. & 10. 9. & ad Gal. 2. 16.

Quod si te restringas ad Christianos & omnes comprehendis, quare ita præcipit D. Paulus ad Titum 3. 10. *Hæreticum hominem post unam & secundam correptionem deuita*, &c. quare fidei Symbola condita car tot Concilia coacta? cur contra hæreticos tot Doctores & Confessores dimicant? nempe quia à scopo aberrant hæretici, nec habent certam regulam credendi per quam dirigantur, sed priuato Spiritu ducuntur, non sentiunt de Deo & sancta Trinitate ut patet, mysterium Incarnationis malè intelligunt.

Fludi diuerticula præcluduntur.

§. 32.

FLud paratissimus ad propugnanda ea quæ docet Frisius amicus pag. 58. fatetur quidem non debere esse in essentia nisi vnicam Ecclesiam, & vnicam Religionem, quo non obstante vult posse quemlibet in sua secta permanere & saluari: distinguit enim duplicem Ecclesiam, vna est interna & Archetypa de qua lex Christi, quæ refertur ad mysterium Dei, hoc est ad contemplationem profundam identitatis diuinæ, & vocatur mystica, estque vnica, quatenus in sola veritate relictis contentionibus, varietatibus, & ceremonijs mundanis versatur: alia est externa, typica, politica, Mosaica,

Mosaïca, quæ versatur præcipuè circa mortalitatem, & institutionem quæ debet exerceri inter homines ad cultum diuinum, spectatque ad illam Decalogi portionem, quâ Christus comprehendebat in proximi amore: & super ista Ecclesia tot fundantur in mundo Religiones, scilicet Iudaica, Mahometica; tot inter Christianos sectæ vt Arriana, Papistica, Lutherana, &c. nam omnes hæ appellationes differunt solummodo, vel in forma ceremoniali, vel in positionibus diuersis & variis à veritate & realitate, & in varietate interpretationis Scripturarum, cum sit citra omne dubium, aut controuersiam, quod non sit nisi vnica veritas, ad quam omnes istæ religionû sectæ tam zelosè collimant, & pag. 22. ait posse pro diuersa occasione aliquem, ne fratres suos offendat, se accommodare religioni eorum, & pag. 23. ait diuersas ceremonias tantum in externo religionis versari, & ad Ecclesiam externam scti politicam pertinere, & nil facere ad internam & mysticam, quæ integra manet, non obstante diuersitate ceremonialium, siue diuersitas ceremonialium potest coherere cum diuini mysterij integritate: addit cûq; corpus humanum sit Ecclesia mystica, quippe quod templum dicitur Spiritus sancti, & Ecclesia Christi, quid ad istam Ecclesiam carnalem ceremoniæ externæ quæ sunt typicæ?

In hoc politici nostri discursu tot sunt ferè errata, quot verba: primò non video cur dicat

tot sectas fundari super Lege & Ecclesia Mo-
saica, quasi verò tot hæreses quæ fuerunt &
sunt adhuc, non sint ortæ ex Evangelio malè
intellecto.

Secundò cur dicat sectas differre tantùm in
forma ceremoniali, cùm differant in religio-
nis essentialibus, capitibus & articulis fidei
quæ est vera, & diuina sapientia, & sine qua
nemini contingit salus. Differunt item tam in
obiecto materiali fidei, quàm formali, cùm
nec eadem credant, nec eodem motiuo: an
secta Iudaica & Mahometana differt tantùm
à Religione Christiana in forma ceremoniali,
cùm illa non credat in Christum, non admit-
tat baptismum, sine quo vel in re suscepto,
vel in voto, non est salus? an differt secta Ar-
riana ab aliis in solis ceremoniis, cùm teneat
filium Dei esse creaturam? percurrite varias se-
ctas & videbis differre in punctis fidei essen-
tialibus.

Tertiò seipsum iugulat dum ait differre in
positionibus diuersis & variis à veritate &
realitate, & consequenter, cùm non sit nisi
vnica veritas, vt ibidem ait, non potest reperi-
ri nisi in vnica religione: cùm enim diuersæ
sectæ habeant dogmata contradictoria, non
possunt simul vera esse, & proinde necesse eos
qui amplectuntur sectam, in qua est error, ex-
cidere à veritate & salute.

Quartò etiam contra se militat, dum ait dif-
ferre in varietate interpretationis Scriptura-
rum. Sed vnde oriuntur hæreses & falsæ se-

Et, nisi quia Scripturæ bonæ non intelliguntur bene. & ita vnum, vel vnus apex, siue interfunctuario potest inducere hæresim.

Quintò Flud existimat posse aliquem fingere suam religionem (quod facere Gassendum alicubi dicit) & hoc ne offendiculum ponat fratribus, & sic successiuè pro tempore poterit vnus religionis ceremonias amplecti, modò alterius: quod si seorsim, posset etiã simul, cum in opinione Fludi nihil intersit ad salutem in qua religione viuas, quòd est accedere ad hæreticos & nominatim Priscillianistas, qui dicebant licitum esse negare veram fidem, & falsam profiteri etiam cum mendacio & peiurio vt refert D. Aug. hæresi 70. citans hoc illorum dogma *inra, periura, secreta non prodere noli.* est enim familiare illis qui volunt aliquod dogma nouum & perniciosum introducere, vt à sectariis exigant Sacramentum non prodendi secreta Religionis & negotij perambulantis in tenebris, quòd fertur de Inuisibilibus, qui nullum volunt admittere in consortium nisi se totum dedat illis, antequam vllum mysterium ei detegatur. Pari-ter Rosæcruciani sua secreta velant nebula allegoriæ. Ex his iam probè intelligo, quare vnus ex libris illorum dicatur Proteus: nam & in materia & negotio Religionis vulgares versus probant, quòd properam intendit.

Cum fueris Roma Romano viuito more.

Cum fueris alibi viuito sicut ibi.

Sextò non capio quomodo corpus exter-

76 *Confutatio dogm. Rob. Fludi.*

num, carnale & visibile vocet Ecclesiam mysticam & internam, & quomodo dicat ceremonias externas nihil pertinere ad corpus siue Ecclesiam carnalem, cum homo constet corpore & anima, & debeat tam cultu externo, quàm interno protestari Deum esse supremum Dominum, & corporis, & animæ.

Conclusio Appendicis, & totius Effigiei.

HÆc habui quæ de Fludo proferrem ea præsertim inrétione, ne quis in foueam cadat, & fordibus se inquinet. Quare concludo verbis D. Cyrilli Hierosol. Cateches. 6. in simili, *Polluimur ista dicentes, ne autem aliquis eorum, qui adsunt, ex ignorantia in sordes eiusmodi hereticorum incidat, etiamsi & os meum, & auditorum aures polluam, tamen id confert: multo enim melius est accusandis & reprehendendis alijs audire absurda, quàm ex inscitia in eadem incidere.*

F I N I S.

Asl 14 34470









X
C

